

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय आरण्यकम्

प्रपाठकः 1 - 4

Table of Contents

1	कृष्ण यजुर्वेदीय तैत्तिरीय आरण्यके प्रथमः प्रपाठकः.....	8
1.1	प्रथमः प्रपाठकः- अरुणकेतुकचयनं	8
1.1.1	अनुवाकं-1.....	8
1.1.2	अनुवाकं-2.....	9
1.1.3	अनुवाकं-3.....	11
1.1.4	अनुवाकं-4.....	13
1.1.5	अनुवाकं-5.....	14
1.1.6	अनुवाकं-6.....	15
1.1.7	अनुवाकं-7.....	16
1.1.8	अनुवाकं-8.....	19
1.1.9	अनुवाकं-9.....	22
1.1.10	अनुवाकं-10.....	24
1.1.11	अनुवाकं-11.....	27
1.1.12	अनुवाकं-12.....	30
1.1.13	अनुवाकं-13.....	32
1.1.14	अनुवाकं-14.....	34
1.1.15	अनुवाकं-15.....	36
1.1.16	अनुवाकं-16.....	37
1.1.17	अनुवाकं-17.....	37

1.1.18 अनुवाकं-18.....	39
1.1.19 अनुवाकं-19.....	40
1.1.20 अनुवाकं-20.....	41
1.1.21 अनुवाकं-21.....	41
1.1.22 अनुवाकं-22.....	43
1.1.23 अनुवाकं-23.....	48
1.1.24 अनुवाकं-24.....	51
1.1.25 अनुवाकं-25.....	53
1.1.26 अनुवाकं-26.....	54
1.1.27 अनुवाकं-27.....	57
1.1.28 अनुवाकं-28.....	59
1.1.29 अनुवाकं-29.....	60
1.1.30 अनुवाकं-30.....	60
1.1.31 अनुवाकं-31.....	61
1.1.32 अनुवाकं-32.....	63
Appendix (of expansions).....	66
Details of Dasini & Vaakyams for – Prapaatakam 1 – TA 1.1	70
2 कृष्ण यजुर्वेदीय तैत्तिरीय आरण्यके द्वितीयः प्रपाठकः.....	72
2.1 द्वितीयः प्रपाठकः – स्वाध्यायब्राह्मणं.....	72
2.1.1 अनुवाकं – 1.....	72

2.1.2 अनुवाकं - 2.....	73
2.1.3 अनुवाकं - 3.....	74
2.1.4 अनुवाकं - 4	75
2.1.5 अनुवाकं - 5.....	76
2.1.6 अनुवाकं - 6.....	79
2.1.7 अनुवाकं - 7.....	81
2.1.8 अनुवाकं - 8.....	82
2.1.9 अनुवाकं - 9.....	83
2.1.10 अनुवाकं - 10.....	84
2.1.11 अनुवाकं - 11	85
2.1.12 अनुवाकं - 12.....	86
2.1.13 अनुवाकं - 13.....	87
2.1.14 अनुवाकं - 14.....	87
2.1.15 अनुवाकं - 15.....	88
2.1.16 अनुवाकं - 16.....	89
2.1.17 अनुवाकं - 17.....	90
2.1.18 अनुवाकं - 18.....	90
2.1.19 अनुवाकं - 19.....	91
2.1.20 अनुवाकं - 20.....	92
Appendix (of expansions).....	94

3	कृष्ण यजुर्वेदीय तैत्तिरीय आरण्यके तृतीयः प्रपाठकः.....	100
3.1	तृतीयः प्रपाठकः – चातुर्होत्रचयनम्.....	100
3.1.1	अनुवाकं – 1.....	100
3.1.2	अनुवाकं – 2.....	100
3.1.3	अनुवाकं – 3.....	101
3.1.4	अनुवाकं – 4	101
3.1.5	अनुवाकं – 5.....	101
3.1.6	अनुवाकं – 6.....	102
3.1.7	अनुवाकं – 7.....	102
3.1.8	अनुवाकं – 8.....	104
3.1.9	अनुवाकं – 9.....	105
3.1.10	अनुवाकं – 10.....	105
3.1.11	अनुवाकं – 11	107
3.1.12	अनुवाकं – 12.....	113
3.1.13	अनुवाकं – 13.....	116
3.1.14	अनुवाकं – 14.....	117
3.1.15	अनुवाकं – 15.....	119
3.1.16	अनुवाकं – 16.....	120
3.1.17	अनुवाकं – 17.....	120
3.1.18	अनुवाकं – 18.....	120

3.1.19 अनुवाकं - 19.....	121
3.1.20 अनुवाकं - 20.....	121
3.1.21 अनुवाकं - 21.....	121
4 कृष्ण यजुर्वेदीय तैत्तिरीय आरण्यके प्रथमः प्रपाठकः.....	125
4.1 चतुर्थः प्रपाठकः - पितृमेधमन्त्राः.....	125
4.1.1 अनुवाकम् - 1.....	125
4.1.2 अनुवाकम् - 2.....	128
4.1.3 अनुवाकम् - 3.....	129
4.1.4 अनुवाकम् - 4.....	131
4.1.5 अनुवाकम् - 5.....	133
4.1.6 अनुवाकम् - 6.....	135
4.1.7 अनुवाकम् - 7.....	137
4.1.8 अनुवाकम् - 8.....	139
4.1.9 अनुवाकम् - 9.....	140
4.1.10 अनुवाकम् - 10.....	141
4.1.11 अनुवाकम् - 11.....	143
4.1.12 अनुवाकम् - 12.....	144
Appendix (of expansions).....	147

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

1 कृष्ण यजुर्वेदीय तैत्तिरीय आरण्यके प्रथमः प्रपाठकः

1.1 प्रथमः प्रपाठकः– अरुणकेतुकचयनं

1.1.1 अनुवाकं-1

T.A.1.1.1

भद्रं कर्णेभिः शृणुयाम देवाः । भद्रं पश्येमाक्षभिर् यजत्राः ।

स्थिरैरङ्गैस्तुष्टुवाꣳ सस्तनूभिः । व्यशेम देवहितं यदायुः ।

स्वस्ति न इन्द्रो वृद्धश्रवाः । स्वस्ति नः पूषा विश्ववेदाः ।

स्वस्ति नस्तार्क्ष्यो अरिष्टनेमिः । स्वस्ति नो बृहस्पतिर्-दधातु ।

आपमापामपः सर्वाः । अस्मा-दस्मा-दितोऽमुतः । 1 (10)

T.A.1.1.2

अग्निर्वायुश्च सूर्यश्च । सह सञ्च-स्करद्धिया । वाय्वश्चा

रश्मिपतयः । मरीच्यात्मानो अद्रुहः । देवीर् भुवन सूवरीः ।

पुत्रवत्वाय मे सुत । महानाम्नीर्-महामानाः । महसो महसः स्वः ।

देवीः पर्जन्य सूवरीः । पुत्रवत्वाय मे सुत । 2 (10)

T.A.1.1.3

अपा॑श्नु॒ष्णि-मपा॑ रक्षः॑ । अपा॑श्नु॒ष्णि-मपा॑ रघं॑ ॥
 अपा॑घ्नामप॑ चावर्तिं॑ ॥ अप॑ दे॒वीरि॒तो हि॒त । वज्रं॑ दे॒वीर॒जीता॑श्च ।
 भुव॑नं दे॒वसू॒वरीः॑ । आ॒दि॒त्यान॑दि॒तिं दे॒वीं । योनि॑नोर्ध्व-मु॒दीष॑त ।
 शि॒वा नः॑ श॒न्त॒मा भव॑न्तु । दि॒व्या आप॑ ओष॒धयः॑() ।
 सु॒मृ॒डीका॑ सर॒स्वति॑ । मा ते॒ व्यो॒म स॒न्दृशि॑ । 3 (12)
 (अ॒मु॒तः - सु - तौष॑धयो द्वे च) (A1)

1.1.2 अनुवाकं-2

T.A.1.2.1

स्मृ॑तिः प्र॒त्यक्ष-मै॒तिह्यं॑ ॥ अनु॑मान-श्चतु॒ष्टयं॑ । ए॒तैरा॑दि॒त्य मण्ड॑लं ।
 स॒र्वैरे॒व वि॒धास्य॑ते । सूर्यो॑ मरी॒चिमा॑दत्ते । सर्व॑स्माद् भुव॑नादधि ।
 तस्याः॑ पाक॑ वि॒शेषे॑ण । स्मृ॑तं काल॑ वि॒शेष॑णं । नदी॑व प्र॒भवात्
 का॒चित् । अ॒क्षय्या॑थ् स्य॒न्दते॑ यथा । 4 (10)

T.A.1.2.2

तान्नद्योऽभि॑ समा॒यन्ति॑ । सोरुः॑ सती॑ न निवर्त॑ते । ए॒व॒न्नाना॑
स॒मु॒त्थानाः॑ । कालाः॑ सं॒वँथ्सर॑ञ्च श्रिताः॑ । अणु॑शश्च मह॑शश्च ।
सर्वे॑ सम॒वयन्ति॑ तं । स तैः॑ सर्वैः॑ समा॒विष्टः॑ । ऊ॒रुः सन्न॑ निवर्त॑ते ।
अधिसं॒वँथ्सरं॑ वि॒द्यात् । तदे॒व लक्षणे॑ । 5 (10)

T.A.1.2.3

अणु॑भिश्च मह॑द्भिश्च । समा॒रूढः॑ प्रदृश्यते॑ । सं॒वँथ्सरः॑ प्रत्यक्षेण॑ ।
नाधिस॒त्वः प्रदृश्यते॑ । पट॒रो विक्लि॑धः पिङ्गः॑ । ए॒तद् वरुण॑ लक्ष॒णं ।
यत्रै॑ त-दुप॒दृश्यते॑ । स॒हस्रं॑ तत्र॒ नीयते॑ । एक॑ञ्च हि शिरो॑ नाना
मुखे॑ । कृ॒थ्स्रं तदृ॒तु लक्ष॑णं । 6 (10)

T.A.1.2.4

उभय॑तः सप्तै॑न्द्रियाणि॑ । जल्पि॑तं त्वे॒व दि॒ह्यते॑ । शु॒क्लकृ॑ष्णे
सं॒वँथ्सर॑स्य । दक्षि॑ण वाम॒योः पार्श्व॑योः । तस्यै॑षा भवति॑ । शु॒क्रं ते
अ॒न्यद॒यज॑तं ते अ॒न्यत् । विषु॑रूपे अ॒हनी॑ द्यौरि॒वासि॑ ।
विश्वा॑ हि मा॒या अ॒वसि॑ स्वधा॒वः । भद्रा॑ ते पू॒षन्नि॒ह रा॒तिर॒स्त्विति॑ ।
नात्र॑ भु॒वनं () । न पू॒षा । न प॒शवः॑ ।

नादित्यः सँवथ्सर एव प्रत्यक्षेण प्रियतमं विद्यात् । एतद्वै समँवथ्सरस्य
प्रियतमं रूपं । योऽस्य महानर्थ उत्पथ्स्यमानो भवति । इदं पुण्यं
कुरुष्वेति । तमाहरणं दद्यात् । 7 (17)

(यथा - लक्षण - ऋतुलक्षणं - भुवनं सप्त च (A2)

1.1.3 अनुवाकं-3

T.A.1.3.1

साकञ्जानां सप्तथमाहु-रेकजं । षडुद्यमा ऋषयो देवजा इति ।
तेषामिष्टानि विहितानि धामशः । स्थात्रे रेजन्ते विकृतानि रूपशः ।
कोनु मर्या अमिथितः । सखा सखायमब्रवीत् । जहाको अस्मदीषते ।
यस्तित्याज सखिविदं सखायं । न तस्य वाच्यपि भागो अस्ति ।
यदीं शृणोत्यलकं शृणोति । 8 (10)

T.A.1.3.2

न हि प्रवेद सुकृतस्य पन्थामिति । ऋतुर् ऋतुना नुद्यमानः ।
विननादाभिधावः । षष्टिश्च त्रिंशका वल्गाः ।
शुक्लकृष्णौ च षाष्टिकौ । सारागवस्त्रैर्-जरदक्षः ।

वसन्तो वसुभिः सह । सँवथ्सरस्य सवितुः । प्रैषकृत् प्रथमः
स्मृतः । अमूनादय-तेत्यन्यान् । 9 (10)

T.A.1.3.3

अमूञ्च परि॑रक्षतः । ए॒ता वा॑चः प्र॒युज्य॑न्ते । यत्रै॑ तदु॒पदृ॑श्यते ।
ए॒तदे॒व वि॑जानीयात् । प्र॒माणं॑ का॒लपर्य॑ये । वि॒शेष॑णं तु वक्ष्यामः ।
ऋ॒तूनां॑ तन्नि॒बोध॑त । शु॒क्लवा॑सा रु॒द्रग॑णः । ग्री॒ष्मेणा॑वर्तते सह ।
नि॒जह॑न् पृथि॒वीञ् सर्वा॑ । 10 (10)

T.A.1.3.4

ज्यो॒तिषा॑ ऽप्र॒तिख्ये॑न सः । वि॒श्वरू॑पाणि वासाञ्च॒सि ।
आ॒दि॒त्यानां॑ नि॒बोध॑त । सँवथ्सरी॑णं कर्म॒फलं॑ । वर्॒षाभि॑र् द॒दता॑ञ्
सह । अ॒दुःखो॑ दुःख चक्षु॑रिव । तद्वा॑ पी॒त इ॒व दृ॑श्यते ।
शी॒तेना॑ व्यथ॒यन्नि॑व । रु॒रुदक्ष॑ इ॒व दृ॑श्यते । ह्ला॒दय॑ते॒ ज्वल॑तश्चै॒व () ।
शा॒म्यत॑श्चास्य चक्षु॑षी । यावै॑ प्र॒जा भ्र॑ञ्श्यन्ते । सँवथ्सरा॑त्ता
भ्र॑ञ्श्यन्ते । याः प्र॒ति॒तिष्ठ॑न्ति । सँवथ्सरे॑ ताः प्र॒ति॒तिष्ठ॑न्ति ।
वर्॒षाभ्य॑ इत्यर्थः । 11 (16)

(शृणो – त्यन्यान्थ – सर्वा – मेव षट्च) (A3)

1.1.4 अनुवाकं-4

T.A.1.4.1

अक्षिदुःखोत्थितस्यैव । विप्रसन्ने कनीनिके । आङ्गे चाङ्गणं नास्ति ।
 ऋभूणां तन्निबोधत । कनकाभानि वासांसि । अहतानि निबोधत ।
 अन्नमश्नीत मृज्मीत । अहं वो जीवनप्रदः । एता वाचः प्रयुज्यन्ते ।
 शरदयत्रोप दृश्यते । 12 (10)

T.A.1.4.2

अभिधून्वन्तो-ऽभिघ्नन्त इव । वातवन्तो मरुद्गणाः ।
 अमुतो जेतुमिषुमुखमिव । सन्नद्धाः सह ददृशे ह ।
 अपध्वस्तैर्-वस्तिवर्णैरिव । विशिखासः कपर्दिनः ।
 अक्रुद्धस्य योत्स्यमानस्य । कृद्धस्यैव लोहिनी ।
 हेमतश्चक्षुषी विद्यात् । अक्ष्णयोः क्षिपणोरिव । 13 (10)

T.A.1.4.3

दुर्भिक्षं देवलोकेषु । मनूनामुदकं गृहे । एता वाचः प्रवदन्तीः ।
 वैद्युतो यान्ति शैशिरीः । ता अग्निः पवमाना अन्वैक्षत ।

इ॒ह जी॒विका॒म-परि॑पश्यन् । तस्यै॒षा भव॑ति । इ॒हेह॒ वः स्व॑तपसः ।
मरु॑तः सूर्य॑त्वचः । शर्म॑ सप्र॒था आवृ॑णे () । 14 (10)

(दृश्य॑त - इ॒वा - वृ॑णे) (A4)

1.1.5 अनुवाकं-5

T.A.1.5.1

अति॑ ता॒म्राणि॑ वासा॒सि । अ॒ष्टिव॑ज्जि शत॒घ्नि च॑ । विश्वे॑ दे॒वा
विप्र॑हरन्ति । अ॒ग्निजि॑व्हा अस॒श्चत॑ । नैव॑ दे॒वो न॑ म॒र्त्यः । न॒ राजा॑
वरु॑णो वि॒भुः । नाग्नि॑र् नेन्द्रो॑ न प॒वमानः॑ । मा॒तृक्क॑च्च न वि॒द्यते॑ ।
दि॒व्यस्यै॑का॒ धनु॑रार्निः । पृ॒थिव्या॑मपरा श्रि॒ता । 15 (10)

T.A.1.5.2

तस्येन्द्रो॑ व॒म्रिरू॑पेण । धनु॑र्ज्या-म॒छिन॑त्स्वयं । तदिन्द्र॑धनु॒रित्य॑ज्यं ।
अ॒भ्रव॑र्णेषु चक्ष॑ते । ए॒तदे॒व श॑म्योर्-बा॒र्हस्प॑त्यस्य ।
ए॒तद् रु॑द्रस्य॒ धनुः॑ । रु॒द्रस्य॑ त्वे॒व ध॑नु॒रार्निः॑ । शि॒र उ॑त्पिपेष ।
स प्र॑व॒र्ग्योऽभ॑वत् । तस्मा॑द् यः सप्र॑व॒र्ग्येण॑ य॒ज्ञेन॑ यजते () ।
रु॒द्रस्य॑ स शि॒रः प्र॑तिदधाति । नै॒न् रु॑द्र आ॒रुको॑ भवति ।
य ए॒वं वे॑द । 16 (13)

(श्रिता - यजते त्रीणि च) (A5)

1.1.6 अनुवाकं-6

T.A.1.6.1

अ॒त्यूर्ध्वा॑क्षोऽति॑रश्चात् । शि॒शिरः॑ प्र॒दृश्य॑ते । नै॒व रू॒पं न॑ वासा॒ऽसि॑ ।
न चक्षुः॑ प्र॒तिदृ॑श्यते । अ॒न्यो॒न्यं तु॑ न हि॒ऽस्रातः॑ । स॒त स्तद्
दे॒व॒लक्ष॑णं । लो॒हि॒तोऽक्षि॑ण शार॒शीर्षिः॑ । सूर्य॑स्यो॒दय॑नं॒ प्रति॑ ।
त्वं करो॑षि॒ न्यञ्ज॑लिकां । त्वं करो॑षि॒ निजा॑नु॒कां । 17 (10)

T.A.1.6.2

निजा॑नु॒कामै॑ न्यञ्ज॒लिका॑ । अमी॑ वाच-मुपा॑सतामि॒ति ।
तस्मै॑ सर्व॑ ऋ॒तवो॑ नम॒न्ते । मर्या॑दा कर॒त्वात् प्र॑पुरो॒धां । ब्राह्म॑ण
आप्नो॑ति । य ए॒वं वे॒द । स ख॒लु स॒म्व॑त्सर ए॒तैः से॒नानी॑भिः स॒ह ।
इन्द्रा॑य सर्वा॒न्-कामा॑नभि॒व॒हति॑ । स द्र॒प्सः ।
तस्यै॑षा भ॒वति॑ । 18 (10)

T.A.1.6.3

अव॑ द्र॒फ्सो अ॑श्मु॒मती॑मतिष्ठत् । इ॒यानः॑ कृ॒ष्णो द॒शभिः॑ स॒हस्रैः॑ ।
 आव॑र्त-मिन्द्रः॑ श॒च्या ध॑मन्तं । उप॒स्नुहि॑ तं नृ॒मणा-मथ॑द्रामिति ।
 ए॒तयै॑ वेन्द्रः॑ स॒ला वृ॑क्या स॒ह । अ॒सुरान्॑ परि॒वृश्च॑ति ।
 पृथि॑व्यश्च॒ शु॒मती॑ । ताम॒न्व-व॑स्थितः॒ सम्व॑त्सरो दि॒वञ्च॑ ।
 नै॒वं वि॑दुषा-ऽऽचा॒र्यान् ते॒वा॒सिनौ॑ । अ॒न्यो॒न्यस्मै॑ द्रु॒ह्यातां॑ () ।
 यो द्रु॒ह्यति॑ । भ्र॒श्यते॑ स्व॒र्गाल् लो॒कात् । इ॒त्यृ॒तु म॑ण्ड॒लानि॑ ।
 सूर्य॑ मण्ड॒ला न्या॑ख्यायिकाः । अ॒त ऊ॒र्ध्वश्च॑स॒निर्व॑चनाः । 19 (15)

(नि॒जानु॑कां - भ॒वति - द्रु॒ह्यातां॑ पञ्च॑ च) (A6)

1.1.7 अनुवाकं-7

T.A.1.7.1

आ॒रोगो॑ भ्राजः॒ पटरः॑ प॒तङ्गः॑ । स्व॒र्णरो॑ ज्योतिषी॒मान् वि॒भासः॑ ।
 ते अ॒स्मै स॑र्वे दि॒वमा॑त॒पन्ति॑ । ऊ॒र्जं दु॑हाना॒ अन॑पस्फुरन्त॒ इति॑ ।
 क॒श्यपो॑ऽष्टमः॑ । स॒ म॒हा॒मेरुं॑ न॒ जहा॑ति । तस्यै॒षा भ॑वति ।
 य॒त्ते शि॒ल्पं क॑श्यप॒ रोच॑नावत् । इ॒न्द्रि॒याव॑त् पु॒ष्कलं॑ चि॒त्रभा॑नु ।
 यस्मि॑न् थ॒सूर्या॑ अ॒र्पिताः॑ स॒प्त सा॒कं । 20 (10)

T.A.1.7.2

तस्मिन् राजान-मधिविश्रयेममिति । ते अस्मै सर्वे कश्यपा-ज्ज्योतिर्-
-लभन्ते । तान्थसोमः कश्यपादधि निर्द्धमति । भ्रस्ता कर्म कृदिवैवं ।
प्राणो जीवानीन्द्रिय जीवानि । सप्त शीर्षण्याः प्राणाः ।
सूर्या इत्याचार्याः । अपश्यमह मेतान्थ् सप्त सूर्यानिति । पञ्चकर्णा
वाथस्यायनः । सप्तकर्णश्च प्लाक्षिः । 21 (10)

T.A.1.7.3

आनुश्रविक एव नौ कश्यप इति । उभौ वेदयिते । न हि शेकुमिव
महामेरुं गन्तुं । अपश्यमहमेतथ् सूर्यमण्डलं परिवर्तमानं ।
गार्ग्यः प्राणत्रातः । गच्छन्त महामेरुं । एकञ्चाजहतं ।
भ्राजपटर पतङ्गा निहने । तिष्ठन्नातपन्ति ।
तस्मादिह तप्त्रि तपाः । 22 (10)

T.A.1.7.4

अमुत्रेतरे । तस्मादिहा तप्त्रि तपाः । तेषामेषा भवति ।
सप्त सूर्या दिव-मनु प्रविष्टाः । तानन्वेति पथिभिर् दक्षिणावान् ।
ते अस्मै सर्वे घृतमातपन्ति । ऊर्जं दुहाना अनपस्फुरन्त इति ।

सप्त॑त्वि॒र्जः॑ सू॒र्या इ॒त्या॒चा॒र्याः॑ । तेषामेषा॑ भवति ।

सप्त॑ दि॒शो॑ नाना॑ सू॒र्याः॑ । 23 (10)

T.A.1.7.5

सप्त॑ हो॒तार॑ ऋ॒त्वि॒जः॑ । दे॒वा आ॑दि॒त्या ये॑ सप्त ।

तेभिः॑ सो॒माभी॑ र॒क्षण॑ इति । तद॑प्या॒म्नायः॑ । दिग्भ्राज॑ ऋ॒तून् करोति॑ ॥

ए॒तयै॑वावृ॒ता ऽऽस॑हस्र॒सूर्य॑ताया इति वैश॒म्पाय॑नः । तस्यै॑षा भवति ।

यद्द्याव॑ इन्द्र॒ ते श॑त॒ ऽ श॑तं भू॒मीः॑ ॥ उ॒त स्युः॑ । न त्वा॑ वज्रिन्थ्

सहस्र॑ ऽ सूर्याः॑ () । 24 (10)

T.A.1.7.6

अनु॑ न जा॒तम॑ष्ट रो॒दसी॑ इति । नाना॑ लिङ्ग॒त्वा-दृ॒तूनां॑ नाना॑ सू॒र्यत्वं॑ ।

अष्टौ॑ तु व्य॒वसि॑ता इति । सू॒र्यमण्ड॑ला-न्य॒ष्टात ऊ॒र्ध्वं । तेषामेषा॑

भवति॑ । चि॒त्रं दे॒वाना॑-मु॒दगा॑दनी॒कं । चक्षु॑र् मि॒त्रस्य॑ वरु॒णस्याग्नेः॑ ।

आऽप्रा॑ द्यावा पृथि॒वी अ॒न्तरि॑क्षं । सू॒र्य आ॑त्मा जग॒तस्-

तस्तु॑षश्चेति । 25 (9) (साकं - प्लाक्षि - स्तप्त्रितपा - नानासूर्याः -

सूर्या - +नव च) (A7)

1.1.8 अनुवाकं-8

T.A.1.8.1

क्वेदमभ्रं॑ नि॒वि॒श॒ते । क्वाय॑ꣳ सं॒म्व॒थ्स॒रो मि॒थः । क्वाहः॑ क्वेयन्
 दे॒व रा॒त्री । क्व॑ मा॒सा ऋ॒तवः॑ श्रि॒ताः । अ॒र्द्ध॒मा॒सा मु॒हूर्ताः॑ ।
 नि॒मेषा॑स्तु॒टिभिः॑ सह । क्वे॒मा आ॒पो नि॒वि॒श॒न्ते । यदी॑तो॒ या॒न्ति
 संप्र॑ति । का॒ला अ॒प्सु नि॒वि॒श॒न्ते । आ॒पः सूर्ये॑ स॒माहि॑ताः । 26 (10)

T.A.1.8.2

अ॒भ्राण्य॑पः प्र॒पद्य॑न्ते । वि॒द्यु॒थ्सूर्ये॑ स॒माहि॑ता । अ॒नव॑र्णे॒ इमे॑ भू॒मी ।
 इ॒यञ्चा॑सौ च॒ रोद॑सी । किꣳ॑ स्वि॒दत्रा॑न्तरा भू॒तं । ये॒नेमे॑ वि॒धृते॑ उ॒भे ।
 वि॒ष्णु॒ना वि॒धृते॑ भू॒मी । इति॑ व॒थ्सस्य॑ वे॒दना॑ । इ॒रा॒वती॑ धे॒नु॒मती॑ हि
 भू॒तं । सू॒यव॑सिनी॒ मनु॑षे द॒शस्ये॑ ॥ 27 (10)

T.A.1.8.3

व्य॒ष्टभ्ना॑-द्रोद॒सी वि॒ष्णवे॑ते । दा॒ध॒र्थं पृ॒थि॒वी-म॒भितो॑ म॒यूखैः॑ ।
 कि॒न्त-द्वि॒ष्णो ब॑ल॒माहुः॑ । का दी॒प्तिः किं॑ प॒राय॑णं । ए॒को य॒द्धा-र॑य
 दे॒वः । रे॒जती॑ रोद॒सी उ॑भे । वा॒ताद्वि॒ष्णोर् ब॑ल॒ माहुः॑ । अ॒क्षरा॑द्

दी॒प्ति॒ रु॒च्य॒ते । त्रि॒प॒दा॒द्धार॒यद् दे॒वः । यद्वि॒ष्णो॒रेक॒-मु॒त्त॒मं । 28 (10)

T.A.1.8.4

अ॒ग्नयो॑ वा॒यव॑श्चै॒व । ए॒तद॑स्य॒ परा॑यणं । पृ॒च्छामि॑ त्वा॒ परं॑ मृ॒त्युं ।
अ॒वमं॑ म॒ध्यम॑ञ्चतुं । लो॒कञ्च॑ पु॒ण्य॑पा॒पानां॑ । ए॒तत् पृ॒च्छामि॑
संप्र॑ति । अ॒मुमा॑हुः॒ परं॑ मृ॒त्युं । प॒व॒मानं॑ तु॒ मध्य॑मं । अ॒ग्नि॒रेवा॑व॒मो
मृ॒त्युः । च॒न्द्र॒मा-श्च॑तु॒रु॒च्य॒ते । 29 (10)

T.A.1.8.5

अ॒ना॒भो॒गाः परं॑ मृ॒त्युं । पा॒पाः सँ॑यन्ति॒ सर्व॑दा । आ॒भो॒गास्त्वे॑व
स॒मँ॑यन्ति । यत्र॑ पु॒ण्य॑कृ॒तो ज॑नाः । ततो॑ म॒ध्यम॑मा॒यन्ति॑ ।
च॒तु॒म॒ग्नि॑ञ्च॒ संप्र॑ति । पृ॒च्छामि॑ त्वा॒ पा॒प॒कृतः॑ । यत्र॑ या॒तय॑ते॒ यमः॑ ।
त्वन्न॑स्तद् -ब्र॒ह्म॑न् प्र॒ब्रू॑हि । यदि॑ वै॒त्थाऽस॑तो॒ गृ॑हान् । 30 (10)

T.A.1.8.6

क॒श्य॒पा दु॑दिताः॒ सूर्याः॑ । पा॒पान्नि॑र्घ्नन्ति॒ सर्व॑दा । रो॒दस्यो॑रन्त॒र्
देशे॑षु । तत्र॑ न्य॒स्य॑न्ते॒ वास॑वैः । ते ऽशरी॑राः प्र॒पद्य॑न्ते ।
यथा॑ ऽपु॒ण्य॑स्य॒ कर्म॑णः । अ॒पा॒ण्य॑पाद॒ केशा॑सः ।

तत्र तेऽयोनिजा जनाः । मृत्वा पुनर्मृत्यु-मापद्यन्ते ।

अद्यमानाः स्वकर्मभिः । 31 (10)

T.A.1.8.7

आशातिकाः क्रिमय इव । ततः पूयन्ते वासवैः । अपैतं मृत्युं
जयति । य एवं वेद । स खल्वैवं विद्ब्राह्मणः । दीर्घश्रुत्तमो
भवति । कश्यपस्यातिथिः सिद्धगमनः सिद्धागमनः । तस्यैषा भवति ।
आयस्मिन्-थ्सप्त वासवाः । रोहन्ति पूर्व्या रुहः । 32 (10)

T.A.1.8.8

ऋषिर्ह दीर्घश्रुत्तमः । इन्द्रस्य घर्मो अतिथिरिति । कश्यपः पश्यको
भवति । यथ्सर्वं परिपश्यतीति सौक्ष्म्यात् । अथाग्नेरष्टपुरुषस्य ।
तस्यैषा भवति । अग्ने नय सुपथा राये अस्मान् ।
विश्वानि देव वयुनानि विद्वान् । युयोध्यस्म-ज्जुहुराणमेनः ।
भूयिष्ठान्ते नम उक्तिं विधेमेति () । 33 (10) समाहिता - दशस्यै -
उत्तम-मुच्यते-गृहान्-थस्वकर्मभिः-पूर्व्या रुह-इति) (A8)

1.1.9 अनुवाकं-9

T.A.1.9.1

अग्निश्च जा॒तवे॒दाश्च॑ । स॒हो॒जा अ॒जि॒राप्र॒भुः॑ । वैश्वान॒रो न॒र्यापा॒श्च॑ ।
 प॒ङ्क्ति॒राधाश्च॑ स॒प्तमः॑ । वि॒सर्पे॑ वा॒ष्टमो॒ऽग्नी॒नां ।
 ए॒तेऽष्टौ॑ व॒सवः॑ क्षि॒ता इति॑ । यथ॒त्त्वे-वाग्ने-र॒र्चिर्वर्ण॑ वि॒शेषाः॑ ।
 नी॒लार्चि॑श्च पी॒तका॒र्चिश्चेति॑ ॥ अथ वा॒यो-रे॒कादश-
 पु॒रुष॒स्यैका॒दश॒स्त्रीक॒स्य॑ । प्र॒भ्राज॑मा॒ना व्य॒वदा॒ताः । 34 (10)

T.A.1.9.2

याश्च वा॒सुकि॑ वै॒द्युताः॑ । र॒जताः॑ प॒रुषाः॑ श्या॒माः । क॒पिला
 अ॒तिलो॒हिताः॑ । ऊ॒र्ध्वा अ॒वप॑तन्ताश्च । वै॒द्युत॑ इ॒त्येका॒दश॑ । नैनं
 वै॒द्युतो॑ हि॒नस्ति॑ । य ए॒वं वै॒द॑ । स हो॒वाच॑ व्या॒सः पा॒राश॒र्यः॑ ।
 वि॒द्युद्व॒धमे॒वाहं॑ मृ॒त्युमै॑श्च॒मिति॑ ॥ न त्व॒काम॑ ह॒न्ति । 35 (10)

T.A.1.9.3

य ए॒वं वै॒द॑ । अथ ग॒न्धर्व॑गणाः । स्वा॒न भ्रा॒ट् । अ॒ङ्घा॒रिर् ब॑भारिः ।
 ह॒स्तः सु॒हस्तः॑ । कृ॒शानु॑र् वि॒श्वाव॑सुः । मूर्ध॒न्वान्थ्-सूर्य॑वर्चाः ।
 कृ॒तिरि॒त्येका॒दश॑ ग॒न्धर्व॑गणाः । दे॒वाश्च॑ म॒हादे॒वाः ।

रश्मयश्च देवा गरगिरः । 36 (10)

T.A.1.9.4

नैनं गरो हिनस्ति । य एवं वेद । गौरी मिमाय सलिलानि तक्षती ।
एकपदी द्विपदी सा चतुष्पदी । अष्टापदी नवपदी बभूवुषी ।
सहस्राक्षरा परमे व्योमन्निति । वाचो विशेषणं ।
अथ निगदव्याख्याताः । ताननुक्रमिष्यामः ।

वराहवः—स्वतपसः । 37 (10)

T.A.1.9.5

विद्युन् महसो धूपयः । श्वापयो गृहमेधाश्चेत्येते ।
ये चेमेऽशिमिविद्विषः । पर्जन्याः सप्त पृथिवीमभिवर्षन्ति ।
वृष्टिभिरिति । एतयैव विभक्ति विपरीताः । सप्तभिर्वातै रुदीरिताः ।
अमूंँ लोका—नभिवर्षन्ति । तेषामेषा भवति ।

समान—मेतदुदकं । 38 (10)

T.A.1.9.6

उच्चै॑त्यव॒ चा॒ह॒भिः॑ । भूमिं॑ प॒र्जन्या॑ जिन्वन्ति । दि॒वं जिन्वन्-त्य॑ग्नय
इति॑ । यदक्ष॑रं भू॒तकृ॑तं । विश्वे॑ दे॒वा उपा॑सते । मह॑र्षि॒मस्य॑ गो॒प्तारं॑ ॥
जम॑दग्नि-मकु॑र्वत । जम॑दग्नि-रा॒प्याय॑ते । छन्दो॑भि-श्चतु॑रु॒त्तरैः॑ ।
रा॒ज्ञः सोम॑स्य तृ॒प्तासः॑ । 39 (10)

T.A.1.9.7

ब्र॒ह्मणा॑ वी॒र्या॑वता । शि॒वा नः॑ प्र॒दिशो॑ दि॒शः । तच्छ॑य्यो॒रा वृ॑णीमहे ।
गा॒तुं य॑ज्ञाय । गा॒तुं य॑ज्ञप॒तये॑ । दै॒वीः स्व॑स्ति॒रस्तु॑ नः ।
स्व॑स्तिर् मानु॑षेभ्यः । ऊ॒र्ध्वं जि॑गातु भेष॒जं । शत्रो॑ अस्तु द्वि॒पदे॑ ॥
शञ्चतु॑ष्पदे () । सोम॑पा(3) असोम॑पा(3) इति
नि॒गद॑व्याख्या॒ताः । 40 (11) (व्य॑वदा॒ता - ह॑न्ति - ग॒रगि॑र - स्त॒पस
- उ॒दकं॑ - तृ॒प्तास॑ - श्चतु॑ष्पद॒ एकं॑ च) (A9)

1.1.10 अनुवाकं-10

T.A.1.10.1

सह॑स्रवृ॒दियं॑ भूमिः । परं॑ व्यो॒म सह॑स्रवृत् । अ॒श्विना॑ भु॒ज्यू
ना॒सत्या॑ । विश्व॑स्य॒ जग॑तस्प॒ती । जा॒या भूमिः॑ पति॒व्योम॑ ।

मि॒थु॒नन्ता॑ अ॒तुर्य॑थुः । पु॒त्रो बृ॒हस्प॑ती रु॒द्रः । सर॑मा इति स्त्री॒पुमं॑ ।
शु॒क्रं वा॑म॒न्यद्य॑जतं वा॒म॒न्यत् । वि॒षु॒रूपे॑ अ॒ह॒नी द्यौरि॑व स्थः । 41 (10)

T.A.1.10.2

वि॒श्वा हि॑ मा॒या अ॒वथः॑ स्व॒धाव॑न्तौ । भ॒द्रा वां॑ पू॒षणा॑वि॒ह रा॒तिर॑स्तु ।
वा॒सा॒त्यौ चि॒त्रौ ज॑गतो नि॒धानौ॑ । द्या॒वाभू॑मी च॒रथः॑ सꣳ स॒खायौ॑ ।
ता॒वश्चि॑ना रा॒सभा॑श्चा ह॒वं मे॑ । शु॒भस्प॑ती आ॒गतꣳ सूर्य॑या सह ।
त्यु॒ग्रो ह भु॒ज्यु-म॑श्चिनो॒द मे॒घे । र॒यिन्न॑ कश्चिन् म॒मृवां(२)॑ अ॒वाहाः॑ ।
त॒मूह॑थुर्-नौ॒भिरा॑त्मन्-वती॒भिः ।

अ॒न्तरि॑क्ष प्रु॒ड्भिर॑-पो॒दका॑भिः । 42 (10)

T.A.1.10.3

ति॒स्रः क्ष॑पस्त्रि॒रहा॑ ऽति॒व्रज॑द्भिः । ना॒सत्या॑ भु॒ज्युमू॑हथुः प॒तङ्गैः॑ ।
स॒मु॒द्रस्य॑ ध॒न्व॒न्नार्द्र॑स्य पा॒रे । त्रि॒भी रथैः॑ श॒तप॑द्भिः षड॒श्वैः ।
स॒वि॒तारं॑ वि॒तन्व॑न्तं । अ॒नु॒ब॒ध्नाति॑ शा॒ंबरः॑ । आ॒प॒पूर॑षं-ब॒रश्चै॒व ।
स॒वि॒ता ऽरे॑प॒सो ऽभ॑वत् । त्यꣳ सु॒तृप्तं॑ वि॒दित्वै॒व ।
ब॒हु॒सोम॑ गि॒रं व॑शी । 43 (10)

T.A.1.10.4

अन्वेति तुग्रो वक्रियान्तं । आयसूयान्त् सोमत्पुसुषु ।
 स सङ्ग्राम-स्तमौद्योऽत्योतः । वाचो गाः पिपाति तत् ।
 स तद्गोभिः स्तवाऽत्येत्यन्ये । रक्षसाऽनन्विताश्च ये ।
 अन्वेति परिवृत्त्याऽस्तः । एवमेतौ स्थो अश्विना ।
 ते एते द्युः पृथिव्योः । अहरहर्-गर्भन्दधाथे । 44 (10)

T.A.1.10.5

तयो रेतौ वथ्सा वहोरात्रे । पृथिव्या अहः । दिवो रात्रिः ।
 ता अविस्मृष्टौ । दम्पती एव भवतः । तयो रेतौ वथ्सौ ।
 अग्निश्चा-दित्यश्च । रात्रेर्वथ्सः । श्वेत आदित्यः । अहोऽग्निः । 45 (10)

T.A.1.10.6

ताम्रो अरुणः । ता अविस्मृष्टौ । दम्पती एव भवतः । तयो रेतौ
 वथ्सौ । वृत्रश्च वैद्युतश्च । अग्नेर्वृत्रः । वैद्युत आदित्यस्य ।
 ता अविस्मृष्टौ । दम्पती एव भवतः । तयो रेतौ वथ्सौ । 46 (10)

T.A.1.10.7

उष्मा च नीहारश्च । वृत्रस्योष्मा । वैद्युतस्य नीहारः । तौ तावेव
 प्रतिपद्येते । सेयञ् रात्री गर्भिणी पुत्रेण सम्वसति ।

तस्या वा एतदुल्बणं॑ । यद्रात्रौ॑ रश्मयः॑ । यथा गोर्गर्भिण्या॑ उल्बणं॑ ।
 एवमेतस्या॑ उल्बणं॑ । प्रजयिष्णुः॑ प्रजया च पशुभिश्च॑ भवति () ।
 य एवं वेद॑ । एतमुद्यन्त-मपियन्तञ्चेति॑ । आदित्यः पुण्यस्य॑ वथ्सः॑ ।
 अथ पवित्राङ्गिरसः॑ । 47 (14) (स्थो – ऽपोदकाभिर् – वशी –
 दधाथे – अग्नि – स्तयो॑ रेतौ॑ वथ्सौ – भवति चत्वारि॑ च) (A10)

1.1.11 अनुवाकं-11

T.A.1.11.1

पवित्रवन्तः॑ परिवाजमासते॑ । पितैषां॑ प्रत्नो अभिरक्षति॑ व्रतं ।
 महस्समुद्रं॑ वरुण॑ स्तिरोदधे॑ । धीरा इच्छेकुर्-धरुणेष्वारभं॑ ।
 पवित्रं॑ ते विततं॑ ब्रह्मणस्पते॑ । प्रभुर्गात्राणि॑ पर्येषि विश्वतः॑ ।
 अतप्ततनूर् न तदामो॑ अश्नुते॑ । श्रुतास इद्वहन्-तस्तथ् समाशत॑ ।
 “ब्रह्मा देवानां॑{1}” । असतः॑ सद्ये ततक्षुः॑ । 48 (10)

T.A.1.11.2

ऋषयः॑ सप्तात्रिश्च॑ यत् । सर्वेऽत्रयो॑ अगस्त्यश्च॑ । नक्षत्रैः॑ शङ्कतो॑
 ऽवसन् । अथ सवितुः॑ श्यावाश्वस्या॑ ऽवर्त्तिकामस्य॑ ।

अमी॑ य ऋ॒क्षा नि॒हिता॑ स उ॒च्चा । नक्तं॑ ददृ॒श्रे कु॒हचि॑द्दिवेयुः ।
 अद॒ब्धानि॑ वरुणस्य व्र॒तानि॑ । वि॒चाक॑श-च्चन्द्र॒मा नक्ष॑त्रमेति ।
 तथ् स॒वितु॑र् वरेण्यं । भर्गो॑ दे॒वस्य॑ धीमहि । 49 (10)

T.A.1.11.3

धियो॑ यो नः प्र॒चोद॑यात् ॥ तथ्स॒वितु॑र् वृणीमहे ।
 वयं॑ दे॒वस्य॑ भोजनं । श्रेष्ठं॑ सर्व॒धात॑मं । तुरं॑ भगस्य धीमहि ।
 अपा॑गू॒हत स॒विता॑ तृ॒भीन् । सर्वा॑न् दि॒वो अ॒न्धसः॑ । नक्त॑न्तान्यभवन्
 दृ॒शे । अ॒स्थ्य॒स्थना॑ सं॒भवि॑ष्यामः । नाम॑ नामै॒व नाम॑ मे ॥ 50 (10)

T.A.1.11.4

नपु॑स्सकं पु॒मास्त्र्य॑स्मि । स्था॒वरो॑ऽस्म्यथ जङ्ग॒मः ।
 यजे॑ऽयक्षि यष्टाहे च । मया॑ भू॒तान्य॑यक्षत । प॒शवो॑ मम भू॒तानि॑ ।
 अनू॑बन्ध्यो ऽस्म्यहं वि॒भुः । स्त्रियः॑ स॒तीः । ता उ॑ मे पु॒स्स आ॑हुः ।
 पश्य॑दक्ष॒ण्वान्न-वि॑चे॒तद॒न्धः । क॒विर्यः॑ पु॒त्रः स इ॒मा चि॑केत । 51 (10)

T.A.1.11.5

यस्ता॑ वि॒जाना॑त् स॒वितुः॑ पि॒ताऽस॑त् । अ॒न्धो म॑णिमविन्दत् ।
 तम॑नङ्गुलि-रावयत् । अ॒ग्रीवः॑ प्रत्यमुञ्चत् । तम॑जिह्वा असश्चत ।

ऊ॒र्ध्व॑मूल॒-म॒वाक्छा॑खं । वृ॒क्षं॑ यो वेद॒ संप्र॑ति । न स जा॒तु॑ जनः
श्रद्द॒ध्यात् । मृ॒त्युर्मा॑ मा॒रया॑दितिः । ह॒सित॑ रु॒दित॑ङ्गी॒तं । 52 (10)

T.A.1.11.6

वी॒णा॑ पण॒ वला॑सितं । मृ॒तञ्जी॑वञ्च॒ यत्किञ्चि॑त् ।
अ॒ङ्गानि॑ स्ने॒व वि॑ब्धि॒ तत् । अ॒तृष्य॑स्तृष्य॒ ध्याय॑त् ।
अ॒स्माज्जा॑ता मे॒ मिथू॑ चरन् । पु॒त्रो निर्ऋ॑त्या॒ वैदे॑हः ।
अ॒चेता॑ यश्च॒ चेत॑नः । स॒ तं म॑णि॒मवि॑न्दत् । सोऽन॑ङ्गु॒लिरा॑वयत् ।
सोऽग्री॑वः प्र॒त्यमु॑न्चत् । 53 (10)

T.A.1.11.7

सोऽजि॑हो॒ अस॑श्च॒त । नै॒तमृ॑षिं॒ वि॑दित्वा॒ नगरं॑ प्र॒विशे॑त् ।
यदि॑ प्र॒विशे॑त् । मि॒थौ च॑रित्वा॒ प्रवि॑शेत् । तथ्सं॑भवस्य॒ व्रतं॑ ।
आ॒ तम॑ग्ने॒ रथ॑न्तिष्ठ । ए॒काश्च॑मे॒क यो॑जनं । ए॒कच॑क्र-मे॒कधु॑रं ।
वा॒त ध्रा॑जि॒ गतिं॑ वि॒भो । न रि॑ष्यति॒ न व्य॑थते () । 54 (10)

T.A.1.11.8

नास्याक्षो॑ यातु॑ सज्जति॑ । यच्छ्वे॑तान् रोहि॑ताञ्श्वाग्नेः॑ ।
रथे॑ युक्त्वाऽधि॑तिष्ठति॑ । एकया॑ च दश॑भिश्च स्वभू॑ते ।
द्वाभ्या॑ मिष्टये॑ वि॒श्र॑त्या च । तिसृ॑भिश्च वह॑से त्रि॒श्र॑ता च ।
नियु॑द्धिर्-वाय॑विह ता॑ विमुञ्च॑ । 55 (7)

(त॑तक्षुर् - धी॑महि - नाम॑ मे - चि॑केत - गी॒तं - प्र॑त्यमुञ्चद् -
व्य॑थते - +स॑प्त च) (A11)

1.1.12 अनुवाकं-12

T.A.1.12.1

आत॑नुष्व प्र॑तनुष्व । उ॒द्ध॑माध॑म स॒न्ध॑म । आ॒दि॒त्ये च॑न्द्र॒वर्णा॑नां ।
गर्भ॑ मा धे॑हि यः पु॒मान् । इ॒तः सि॒क्तञ् सूर्य॑गतं । च॒न्द्र॒म॒से र॑सङ्क॒धि ।
वा॒रा॒दं ज॑नया-ग्रेऽग्निं॑ । य ए॒को रु॒द्र उ॑च्यते । अ॒सं ख्या॑ताः
स॒हस्रा॑णि । स्म॒र्य॑ते न च दृ॒श्य॑ते । 56 (10)

T.A.1.12.2

ए॒व॒मे॒तन्नि॑बोधत । आ म॒न्द्रै-रि॒न्द्र॑ हरि॑भिः । या हि म॒यूर॑-रोम॑भिः ।
मा॒त्वा के॑चिन्निये॑ मु॒रि॒न्न पा॑शिनः । द॒ध॒न्वे॒व ता॑ इ॒हि । मा म॒न्द्रै-रि॒न्द्र॑

हरिभिः । यामि मयूर रोमभिः । मा मा केचिन्निये मुरिन्न पाशिनः ।

निधन्वेव ताँ(2) इमि । अणुभिश्च महद्भिश्च । 57 (10)

T.A.1.12.3

निघृष्वै रसमायुतैः । कालैर्. हरित्वमापन्नैः । इन्द्रायाहि सहस्र युक् ।

अग्निर् विभ्राष्टि वसनः । वायुः श्वेतसिकद्रुकः । सम्वत्सरो विषू वर्णैः ।

नित्यास्ते ऽनुचरास्तव । सुब्रह्मण्योꣳ सुब्रह्मण्योꣳ सुब्रह्मण्योꣳ ।

इन्द्रागच्छ हरिव आगच्छ मेधातिथेः । मेष वृषणश्चस्य मेने । 58 (10)

T.A.1.12.4

गौरावस्कन्दिन्न-हल्यायै जार । कौशिक-ब्राह्मण गौतमब्रुवाण ।

अरुणाश्वा इहागताः । वसवः पृथिवि क्षितः । अष्टौ दिग्वाससो

ऽनयः । अग्निश्च जातवेदाश्चेत्येते । ताम्राश्वा-स्थाम्ररथाः ।

ताम्रवर्णा स्तथाऽसिताः । दण्डहस्ताः खादग्दतः ।

इतो रुद्राः पराङ्गताः । 59 (10)

T.A.1.12.5

उक्तञ् स्थानं प्रमाणञ्च पुर इत । बृहस्पतिश्च सविता च ।
 विश्वरूपै-रिहागतां । रथेनोदकवर्त्मना । अफ्सुषा इति तद्द्वयोः ।
 उक्तो वेषो वासाञ्सि च । कालावयवाना-मितः प्रतीज्या ।
 वासात्या इत्यश्विनोः । कोऽन्तरिक्षे शब्दङ्करोतीति ।
 वासिष्ठो रौहिणो मीमाञ्सां चक्रे () । तस्यैषा भवति ।
 “वाश्रेव विद्यु{2}” दिति । ब्रह्मण उदरणमसि । ब्रह्मण उदीरणमसि ।
 ब्रह्मण आस्तरणमसि । ब्रह्मण उपस्तरणमसि । 60 (16)

(दृश्यते - च - मेने - परां गता - श्वके षट्च) (A12)

1.1.13 अनुवाकं-13

T.A.1.13.1 [अपक्रामत गर्भिण्यः]

अष्टयोनी-मष्टपुत्रां । अष्टपत्नी-मिमां महीं ॥ अहं वैद न मे मृत्युः ।
 न चामृत्युरघाहरत् । अष्टयोन्यष्ट पुत्रं । अष्टपदिद-मन्तरिक्षं ।
 अहं वैद न मे मृत्युः । न चामृत्युरघाहरत् ।
 अष्टयोनी-मष्टपुत्रां । अष्टपत्नी-ममून्दिवं ॥ 61 (10)

T.A.1.13.2

अहं॑ वै॒द न मे॑ मृ॒त्युः । न चा॑मृ॒त्यु॒र॒घा॒हर॑त् । “सु॒त्रा॒मा॒णं॑{३}”
 “म॒ही॒मू॒षु”{४} । अ॒दि॒ति॒र्घो॑-र॒दि॒ति-र॒न्त॒रि॒क्षं॑ । अ॒दि॒ति॒ मा॒ता स पि॒ता
 स पु॒त्रः । वि॒श्वे॑ दे॒वा अ॒दि॒तिः पञ्च॑ ज॒नाः ॥
 अ॒दि॒ति॒र्-जा॒त-म॒दि॒ति॒र्-ज॒नि॒त्वं । अ॒ष्टौ पु॒त्रा॒सो अ॒दि॒तेः॑ ।
 ये जा॒ता स्त॒न्वः॑ परि॑ । दे॒वाँ (२)॑ उप॒प्रै॒थ् स॒प्त॒भिः॑ । 62 (10)

T.A.1.13.3

प॒रा मा॒र्त्ता॒ण्ड॒मा॒स्य॑त् । स॒प्त॒भिः॑ पु॒त्रै-र॒दि॒तिः॑ । उप॒ प्रै॒त् पू॒र्व्यं॑ यु॒गं ॥
 प्र॒जा॒यै मृ॒त्य॒वे त॑त् । प॒रा मा॒र्त्ता॒ण्ड-मा॒भ॒र॒दि॒ति॑ । ता॒न॒नु॒क्र॒मि॒ष्या॒मः॑ ।
 मि॒त्रश्च॑ व॒रु॒णश्च॑ । धा॒ता चा॒र्य॒मा च॑ । अ॒श्रश्च॑ भ॒गश्च॑ ।
 इ॒न्द्रश्च॑ वि॒व॒स्वाश्चे॒त्ये॒ते () । “हि॒र॒ण्य॒ग॒र्भो॑{५}”
 “ह॒सः शु॒चि॒षत्{६}” । “ब्र॒ह्म ज॒ज्ञा॒नं॑{७}” “त॒दि॒त् प॒द{८}” मि॒ति॑ ।
 ग॒र्भः प्रा॒जा॒प॒त्यः॑ । अथ॑ पु॒रु॒षः स॒प्त॒पु॒रु॒षः॑ । 63 (14)
 (अ॒मूं दि॒व् - स॒प्त॒भि - रे॒ते च॒त्वा॒रि च) (A13)

1.1.14 अनुवाकं-14

[यथास्थानं गर्भिण्यः]

T.A.1.14.1

योऽसौ तपन्नुदेति । स सर्वेषां भूतानां प्राणानादायोदेति ।
 मा मे प्रजाया मा पशूनां । मा मम प्राणानादायोदगाः ।
 असौ यो ऽस्तमेति । स सर्वेषां भूतानां प्राणानादायास्तमेति ।
 मा मे प्रजाया मा पशूनां । मा मम प्राणानादाया स्तङ्गाः ।
 असौ य आपूर्यति । स सर्वेषां भूतानां प्राणै रापूर्यति । 64 (10)

T.A.1.14.2

मा मे प्रजाया मा पशूनां । मा मम प्राणै-रापूरिष्ठाः । असौ
 योऽपक्षीयति । स सर्वेषां भूतानां प्राणै-रपक्षीयति । मा मे प्रजाया
 मा पशूनां । मा मम प्राणै-रपक्षेष्ठाः । अमूनि नक्षत्राणि । सर्वेषां
 भूतानां प्राणैरप प्रसर्पन्ति चोत्सर्पन्ति च । मा मे प्रजाया मा
 पशूनां । मा मम प्राणैरप प्रसृपत मोत्सृपत । 65 (10)

T.A.1.14.3

इ॒मे मा॒सा-श्वा॒र्धमा॒साश्च॑ । सर्वे॑षां भू॒तानां॑ प्रा॒णैरप॑ प्रस॒र्पन्ति॑
चो॒त्स॒र्पन्ति॑ च । मा॒ मे प्र॒जाया॑ मा॒ पशू॑नां ।

मा मम॑ प्रा॒णैरप॑ प्रसृ॒पत॑ मो॒त्सृ॒पत॑ । इ॒म ऋ॒तवः॑ । सर्वे॑षां भू॒तानां॑
प्रा॒णैरप॑ प्रस॒र्पन्ति॑ चो॒त्स॒र्पन्ति॑ च । मा॒ मे प्र॒जाया॑ मा॒ पशू॑नां ।

मा मम॑ प्रा॒णैरप॑ प्रसृ॒पत॑ मो॒त्सृ॒पत॑ । अ॒यञ् सँ॒म्वत्स॑रः ।
सर्वे॑षां भू॒तानां॑ प्रा॒णैरप॑ प्रस॒र्पति॑ चो॒त्स॒र्पति॑ च । 66 (10)

T.A.1.14.4

मा॒ मे प्र॒जाया॑ मा॒ पशू॑नां । मा मम॑ प्रा॒णैरप॑ प्रसृ॒प मो॒त्सृ॒प । इ॒दम॑हः ।
सर्वे॑षां भू॒तानां॑ प्रा॒णै-रप॑ प्रस॒र्पति॑ चो॒त्स॒र्पति॑ च । मा॒ मे प्र॒जाया॑ मा॒
पशू॑नां । मा मम॑ प्रा॒णैरप॑ प्रसृ॒प मो॒त्सृ॒प । इ॒यञ् रा॒त्रिः ।

स सर्वे॑षां भू॒तानां॑ प्रा॒णै-रप॑ प्रस॒र्पति॑ चो॒त्स॒र्पति॑ च ।

मा॒ मे प्र॒जाया॑ मा॒ पशू॑नां । मा मम॑ प्रा॒णैरप॑ प्रसृ॒प मो॒त्सृ॒प () ।

ॐ भूर्भुव॑स्स्वः । ए॒तद्वो मि॒थुनं॑ मा नो मि॒थुनञ्॑ री॒द्वं । 67 (12)

(प्रा॒णैरापू॑र्यति-मो॒त्सृ॒पत-चो॒त्स॒र्पति॑ च - मो॒त्सृ॒प द्वे च) (A14)

Special Korvai

(योसौ षोडशामूनि द्वादशायं चतुर्दश)

(उदेत्यस्तमेत्यापूर्यत्यपक्षीयत्यमूनि नक्षत्राणी मे मासा इम

ऋतवोऽयं सम्वत्सर इदमहरियं रात्रिर्दश)

1.1.15 अनुवाकं-15

T.A.1.15.1

अथादित्यस्याष्ट पुरुषस्य । वसूना मादित्यानां स्थाने स्वतेजसा

भानि । रुद्राणा-मादित्यानां स्थाने स्वतेजसा भानि ।

आदित्याना-मादित्यानां स्थाने स्वतेजसा भानि । सतांसत्यानां ।

आदित्यानां स्थाने स्वतेजसा भानि । अभिधून्वता-मभिघ्नतां ।

वातवतां मरुतां । आदित्यानां स्थाने स्वतेजसा भानि ।

ऋभूणा-मादित्यानां स्थाने स्वतेजसा भानि () । विश्वेषां देवानां ।

आदित्यानां स्थाने स्वतेजसा भानि । सम्वत्सरस्य सवितुः ।

आदित्यस्य स्थाने स्वतेजसा भानि । ॐ भूर्भुवस्स्वः ।

रश्मयो वो मिथुनं मा नो मिथुनं रीढ्वं । 68 (16)

(ऋभूणामादित्यानां स्थाने स्वतेजसा भानि षट्च) (A15)

1.1.16 अनुवाकं-16

T.A.1.16.1

आ॒रोग॑स्य॒ स्थाने॑ स्व॒तेज॑सा॒ भानि॑ । भ्रा॒जस्य॑ स्थाने स्व॒तेज॑सा॒ भानि॑ ।
पट॑रस्य॒ स्थाने॑ स्व॒तेज॑सा॒ भानि॑ । पत॑ङ्गस्य॒ स्थाने॑ स्व॒तेज॑सा॒ भानि॑ ।
स्व॑र्णरस्य॒ स्थाने॑ स्व॒तेज॑सा॒ भानि॑ । ज्यो॑तिषी॒मतस्य॑ स्थाने स्व॒तेज॑सा॒
भानि॑ । वि॒भास॑स्य॒ स्थाने॑ स्व॒तेज॑सा॒ भानि॑ । क॒श्यप॑स्य॒ स्थाने॑
स्व॒तेज॑सा॒ भानि॑ । ॐ भूर्भुव॑स्स्वः । आ॒पो वो॑ मिथु॒नं मा नो॑
मिथु॑नं॒ री॒ढ्वं । 69 (10) (आ॒रोग॑स्य॒ दश॑) (A16)

1.1.17 अनुवाकं-17

T.A.1.17.1

अथ॑ वा॒यो-रे॒काद॑श-पु॒रुष॑स्यै॒काद॑श-स्त्री॒कस्य॑ ।
प्र॒भ्राज॑मानानां॒ रुद्रा॑णां॒ स्थाने॑ स्व॒तेज॑सा॒ भानि॑ ।
व्य॒वदा॑तानां॒ रुद्रा॑णां॒ स्थाने॑ स्व॒तेज॑सा॒ भानि॑ ।
वा॒सुकि॑वैद्यु॒तानां॒ रुद्रा॑णां॒ स्थाने॑ स्व॒तेज॑सा॒ भानि॑ ।
रज॑तानां॒ रुद्रा॑णां॒ स्थाने॑ स्व॒तेज॑सा॒ भानि॑ ।
प॒रुषा॑णां॒ रुद्रा॑णां॒ स्थाने॑ स्व॒तेज॑सा॒ भानि॑ ।

श्यामानाञ् रुद्राणाञ् स्थाने स्वतेजसा भानि ।

कपिलानाञ् रुद्राणाञ् स्थाने स्वतेजसा भानि ।

अतिलोहितानाञ् रुद्राणाञ् स्थाने स्वतेजसा भानि ।

ऊर्ध्वानाञ् रुद्राणाञ् स्थाने स्वतेजसा भानि । 70 (10)

T.A.1.17.2

अवपतन्तानाञ् रुद्राणाञ् स्थाने स्वतेजसा भानि ।

वैद्युतानाञ् रुद्राणाञ् स्थाने स्वतेजसा भानि ।

प्रभ्राजमानीनाञ् रुद्राणीनाञ् स्थाने स्वतेजसा भानि ।

व्यवदातीनाञ् रुद्राणीनाञ् स्थाने स्वतेजसा भानि ।

वासुकिवैद्युतीनाञ् रुद्राणीनाञ् स्थाने स्वतेजसा भानि ।

रजतानाञ् रुद्राणीनाञ् स्थाने स्वतेजसा भानि ।

परुषाणाञ् रुद्राणीनाञ् स्थाने स्वतेजसा भानि ।

श्यामानाञ् रुद्राणीनाञ् स्थाने स्वतेजसा भानि ।

कपिलानाञ् रुद्राणीनाञ् स्थाने स्वतेजसा भानि ।

अतिलोहितीनाञ् रुद्राणीनाञ् स्थाने स्वतेजसा भानि () ।

ऊर्ध्वानां रुद्राणीनां स्थाने स्वतेजसा भानि ।

अवपतन्तीनां रुद्राणीनां स्थाने स्वतेजसा भानि ।

वैद्युतीनां रुद्राणीनां स्थाने स्वतेजसा भानि । ॐ भूर्भुवस्स्वः ।

रूपाणि वो मिथुनं मा नो मिथुनं रीढ्वं । 71 (15)

(ऊर्ध्वानां रुद्राणां स्थाने स्वतेजसा भा - न्यतिलोहितीनां
रुद्राणीनां स्थाने स्वतेजसा भानि पञ्च च (A17))

1.1.18 अनुवाकं-18

T.A.1.18.1

अथाग्नेरष्ट पुरुषस्य । अग्नेः पूर्व-दिश्यस्य स्थाने स्वतेजसा भानि ।

जातवेदस उपदिश्यस्य स्थाने स्वतेजसा भानि ।

सहोजसो दक्षिण-दिश्यस्य स्थाने स्वतेजसा भानि ।

अजिराप्रभव उपदिश्यस्य स्थाने स्वतेजसा भानि ।

वैश्वानरस्यापरदिश्यस्य स्थाने स्वतेजसा भानि ।

नर्यापस उपदिश्यस्य स्थाने स्वतेजसा भानि ।

पन्क्तिराधस उदग्-दिश्यस्य स्थाने स्वतेजसा भानि ।

विसर्पिण उपदिश्यस्य स्थाने स्वतेजसा भानि ।

ॐ भूर्भुवस्स्वः() । दिशो वो मिथुनं मा नो मिथुनञ्

रीढ्वं । 72 (11) (स्वरेकम् च) (A18)

Special Korvai

(एतद् रश्मय आपो रूपाणि दिशः पञ्च)

1.1.19 अनुवाकं-19

T.A.1.19.1

दक्षिणपूर्व-स्यान्दिशि विसर्पी नरकः । तस्मान्नः परिपाहि ।

दक्षिणा-परस्या-न्दिश्य विसर्पी नरकः । तस्मान्नः परिपाहि ।

उत्तर-पूर्वस्या-न्दिशि विषादी नरकः । तस्मान्नः परिपाहि ।

उत्तरा-परस्या-न्दिश्य विषादी नरकः । तस्मान्नः परिपाहि ।

”आ यस्मिन्थ्सप्त वासवा{9}” “इन्द्रियाणि शतक्रत{10}”

वित्येते । 73 (9) (दक्षिणपूर्वस्याम् नव) (A19)

1.1.20 अनुवाकं-20

T.A.1.20.1

इन्द्र॑ घो॒षा वो॒ वसु॑भिः पुरस्ता॑-दुप॑दधतां ।
मनो॑जवसो वः पितृ॑भिर् दक्षिण॑त उप॑दधतां ।
प्रचे॑ता वो रुद्रैः पश्चा॑-दुप॑दधतां ।
विश्व॑कर्मा व आदित्यै॑-रुत्तर॑त उप॑दधतां ।
त्वष्टा॑ वो रूपै॑-रुपरि॑ष्टा-दुप॑दधतां । संज्ञानं॑ वः पश्चा॑दिति ।
आदित्यः॑ सर्वो॑ऽग्निः पृथि॑व्यां । वायु॑रन्तरि॑क्षे । सूर्यो॑ दिवि ।
चन्द्र॑मा दिक्षु॑ () । नक्ष॑त्राणि स्वलो॑के । एवा॑ ह्येव । एवा॑ ह्यग्ने॑ ।
एवा॑ हि वायो॑ । एवा॑ हीन्द्र॑ । एवा॑ हि पू॒षन् ।
एवा॑ हि दे॒वाः । 74 (17) दिक्षु॑ सप्त॑ च) (A20)

1.1.21 अनुवाकं-21

T.A.1.21.1

आप॑मापामपः॑ सर्वाः॑ । अस्मा॑-दस्मा॑दितो॑ऽमुतः॑ । अग्नि॑र्वायुश्च
सूर्य॑श्च । सह॑ सञ्च॑स्कर॑र्द्धिया॑ । वाय्व॑श्चा रश्मि॑ पतयः॑ ।
मरी॑च्यात्मानो॑ अद्रु॑हः । दे॒वी भु॑वन॑ सूव॑रीः । पु॒त्रव॑त्वाय॑ मे सुत॑ ।

महानाम्नीर्-महामानाः । महसो महसस्स्वः । 75 (10)

T.A.1.21.2

देवीः पर्जन्य सूवरीः । पुत्रवत्वाय मे सुत । अपाश्न्युष्णि-मपा
रक्षः । अपाश्न्युष्णि-मपा रघं । अपाघ्नमप चावर्त्तिं ।
अप देवीरितो हित । वज्रं देवीरजीताञ्च । भुवनं देव सूवरीः ।
आदित्यानदितिं देवीं । योनिनोर्ध्व-मुदीषत । 76 (10)

T.A.1.21.3

भद्रं कर्णेभिः शृणुयाम देवाः । भद्रं पश्येमाक्षभिर्-यजत्राः ।
स्थिरैरङ्गैः स्तुष्टुवाञ् सस्तनूभिः । व्यशेम देवहितं यदायुः ।
स्वस्ति न इन्द्रो वृद्धश्रवाः । स्वस्ति नः पूषा विश्ववेदाः ।
स्वस्ति नस्तार्क्ष्यो अरिष्टनेमिः । स्वस्ति नो बृहस्पतिर्-दधातु ।
केतवो अरुणासश्च । ऋषयो वातरशनाः() । प्रतिष्ठाञ् शतधा हि ।
समाहितासो सहस्रधायसं । शिवा नः शन्तमा भवन्तु ।
दिव्या आप ओषधयः । सुमृडीका सरस्वति । माते व्योम
सन्दृशि । 77 (16) (स्व - रुदीषत - वातरशनाः षट्च) (A21)

1.1.22 अनुवाकं-22

T.A.1.22.1

योऽपां पुष्पं वेद । पुष्पवान् प्रजावान् पशुमान् भवति ।
 चन्द्रमा वा अपां पुष्पं । पुष्पवान् प्रजावान् पशुमान् भवति ।
 य एवं वेद । योऽपामायतनं वेद । आयतनवान् भवति ।
 अग्निर्वा अपामायतनं । आयतनवान् भवति ।
 योऽग्नेरायतनं वेद । 78 (10)

T.A.1.22.2

आयतनवान् भवति । आपो वा अग्नेरायतनं । आयतनवान् भवति ।
 य एवं वेद । योऽपामायतनं वेद । आयतनवान् भवति ।
 वायुर्वा अपामायतनं । आयतनवान् भवति । यो वायोरायतनं वेद ।
 आयतनवान् भवति । 79 (10)

T.A.1.22.3

आपो वै वायोरायातनं । आयतनवान् भवति । य एवं वेद ।
 योऽपामायतनं वेद । आयतनवान् भवति । असौ वै तपन्नपा-मायतनं ।
 आयतनवान् भवति । योऽमुष्य-तपत आयतनं वेद । आयतनवान्

भवति । आपो॒वा अ॒मुष्य॒-तप॑त आय॒तनं॑ । 80 (10)

T.A.1.22.4

आय॒तन॑वान् भवति । य ए॒वं वै॑द । योऽपामा॑य॒तनं॑ वै॑द ।

आय॒तन॑वान् भवति । चन्द्र॑मा वा अ॒पामा॑य॒तनं॑ । आय॒तन॑वान् भवति ।

यश्चन्द्र॑मस आय॒तनं॑ वै॑द । आय॒तन॑वान् भवति ।

आपो॒ वै चन्द्र॑मस आय॒तनं॑ । आय॒तन॑वान् भवति । 81 (10)

T.A.1.22.5

य ए॒वं वै॑द । योऽपामा॑य॒तनं॑ वै॑द । आय॒तन॑वान् भवति ।

नक्ष॑त्राणि वा अ॒पामा॑य॒तनं॑ । आय॒तन॑वान् भवति ।

यो नक्ष॑त्राणा-माय॒तनं॑ वै॑द । आय॒तन॑वान् भवति ।

आपो॒ वै नक्ष॑त्राणा-माय॒तनं॑ । आय॒तन॑वान् भवति ।

य ए॒वं वै॑द । 82 (10)

T.A.1.22.6

योऽपामा॑य॒तनं॑ वै॑द । आय॒तन॑वान् भवति । पर्जन्यो॑ वा अ॒पामा॑य॒तनं॑ ।

आय॒तन॑वान् भवति । यः पर्जन्य॑-स्याय॒तनं॑ वै॑द ।

आय॒तन॑वान् भवति । आपो॒ वै पर्जन्य॑-स्याय॒तनं॑ ।

आ॒य॒त॒न॒वा॒न् भ॒व॒ति॑ । य॒ ए॒वं वे॒द॑ । योऽप॒मा॒य॒त॒नं॑ वे॒द॑ । 83 (10)

T.A.1.22.7

आ॒य॒त॒न॒वा॒न् भ॒व॒ति॑ । स॒म्व॑त्स॒रो वा॑ अ॒प॒मा॒य॒त॒नं॑ । आ॒य॒त॒न॒वा॒न्
भ॒व॒ति॑ । यः स॒म्व॑त्स॒र-स्य॑ाय॒त॒नं॑ वे॒द॑ । आ॒य॒त॒न॒वा॒न् भ॒व॒ति॑ ।
आ॒पो वै स॒म्व॑त्स॒र-स्य॑ाय॒त॒नं॑ । आ॒य॒त॒न॒वा॒न् भ॒व॒ति॑ । य॒ ए॒वं वे॒द॑ ।
योऽप्सु॑ ना॒वं प्र॑ति॒ष्ठि॒तां वे॒द॑ । प्र॒त्ये॒व ति॑ष्ठति । 84 (10)

T.A.1.22.8

इ॒मे वै लो॒का अ॒प्सु प्र॑ति॒ष्ठि॒ताः॑ । त॒देषा॑ऽभ्य॒नू॒क्ता॑ ।
अ॒पाꣳ र॑स॒मु॒द॒यꣳस॒न् । सूर्ये॑ शु॒क्रꣳ स॒माभृ॑तं ।
अ॒पाꣳ र॑स॒स्य॒ यो र॑सः । तं वो॑ गृ॒ह्णा-म्यु॒त्त॒म॒मि॒ति॑ ।
इ॒मे वै लो॒का अ॒पाꣳ र॑सः । तेऽमु॑ष्मिन्-ना॒दि॒त्ये स॒माभृ॑ताः ।
जा॒नु॒द॒घ्नी-मु॒त्त॒र-वे॒दी॒ङ्घा॒त्वा । अ॒पां पू॑र॒यि॒त्वा गु॒ल्फ॒द॒घ्नं॑ । 85 (10)

T.A.1.22.9

पु॒ष्कर॑पर्णेः पु॒ष्कर॑दण्डैः पु॒ष्करै॑श्च सꣳस्ती॒र्य॑ । तस्मिन् विहा॒य॒से॑ ।
अ॒ग्निं प्र॑णी॒योप॑-स॒मा॒धाय॑ । ब्र॒ह्म॒वा॒दि॒नो व॑दन्ति ।
कस्मात् प्र॑णी॒तेऽय॑-म॒ग्निश्ची॑यते॑ । सा प्र॑णी॒तेऽय॑म॒प्सु ह्य॑ञ्ची॒यते॑ ।

असौ भुवनेऽप्य-नाहिताग्नि-रेताः । तमभित एता अभीष्टका
उपदधाति । अग्निहोत्रे दर्शपूर्ण-मासयोः ।
पशुबन्धे चातुर्मास्येषु । 86 (10)

T.A.1.22.10

अथो आहुः । सर्वेषु यज्ञक्रतुष्विति । एतद्ध स्म वा आहुः शण्डिलाः ।
कमग्निञ्चिनुते । सत्रिय-मग्निञ्चिन्वानः । सम्वत्सरं
प्रत्यक्षेण । कमग्निञ्चिनुते । सावित्र मग्निञ्चिन्वानः । अमुमादित्यं
प्रत्यक्षेण । कमग्निञ्चिनुते । 87 (10)

T.A.1.22.11

नाचिकेत-मग्निञ्चिन्वानः । प्राणान् प्रत्यक्षेण । कमग्निञ्चिनुते ।
चातुर्होत्रिय-मग्निञ्चिन्वानः । ब्रह्म प्रत्यक्षेण । कमग्निञ्चिनुते ।
वैश्वसृज-मग्निञ्चिन्वानः । शरीरं प्रत्यक्षेण । कमग्निञ्चिनुते ।
उपानुवाक्यमाशु-मग्निञ्चिन्वानः । 88 (10)

T.A.1.22.12

इ॒मान् लो॑कान् प्र॒त्यक्षे॑ण । क॒मग्नि॑ञ्चि॒नुते॑ । इ॒ममारु॑ण-के॒तुक-
म॒ग्निञ्चि॑वान इति । य ए॒वासौ॑ । इ॒तश्चा॑-मु॒तश्चा॑-व्यती॒पाती॑ ।
तमि॑ति । योऽग्ने॑र्मि॒थूया॑ वेद । मि॒थुन॑वान् भवति । आपो॒ वा
अग्ने॑र्मि॒थूयाः॑ । मि॒थुन॑वान् भवति () । य ए॒वं वे॑द । 89 (11)

(वे॑द - भव - त्या॒यत॑नं - भवति - वे॑द - वे॑द - तिष्ठति -

गुल्फ॑द॒ध्नं - चा॒तुर्मा॑स्ये - ष्व॒मुमा॑दित्यं प्र॒त्यक्षे॑ण क॒मग्निं॑ चि॒नुत -

उपा॑नुवाक्यमाशुमग्निं चि॒न्वानो॑ - मि॒थूया॑ मि॒थुन॑वान्

भव॑त्येकं च) (A22)

Special Korvai

(पु॒ष्पम॑ग्नि॒र्वायु॑रसौ वै तप॑ञ्चन्द्र॒मा नक्ष॑त्राणि प॒र्जन्यः॑ सम्॒वथ्स॑रो
योऽप्सु॑ नावमेतद्ध स्म वै स॒त्रियञ् स॑म्॒वथ्स॑रञ् सा॒वित्र॑ममुं
नाचि॑केतं प्राणाञ्श्चा॒तुर्हो॑त्रियं ब्रह्म वैश्व॑सृजञ्
शरी॑रमुपा॒नुवाक्य॑माशुमि॒मान् लो॑कानि॒ममारु॑णके॒तुकं॑ य ए॒वासौ)

1.1.23 अनुवाकं-23

T.A.1.23.1

आपो वा इ॒दमा॑सन्त् स॒लिल॑मेव । स प्र॒जाप॑तिरेकः पु॒ष्कर॑पर्णे
सम॑भवत् । तस्यान्त॑र् मन॒सि का॑मः सम॑वर्तत । इ॒दं सृ॑जेयमिति ।
तस्मा॑द्यत् पु॒रुषो॑ मन॒साऽभि॑गच्छति । तद्वा॑चा व॒दति॑ । तत्क॑र्मणा
करो॑ति । तदेषा॑ ऽभ्य॒नूक्ता॑ ॥ का॒मस्तद॑ग्रे सम॑वर्तताधि ।
मन॑सो रे॒तः प्र॑थमं यदा॑सीत् । 90 (10)

T.A.1.23.2

सतो॑ बन्धु॒मस॑ति निरवि॒न्दन् । हृ॒दि प्र॑तीष्या क॒वयो॑ मनी॒षेति॑ ।
उपै॑नन्तदु॒पन॑मति । यत् का॑मो भवति । य ए॒वं वे॑द । स तपो॑ऽतप्यत ।
स तप॑स्तप्त्वा । शरी॑रमधू॒नुत॑ । तस्य॑ यन् मा॒समा॑सीत् ।
ततो॑ऽरुणाः के॒तवो॑ वा॒तर॑श॒ना ऋ॑षय उ॒दति॑ष्ठन् । 91 (10)

T.A.1.23.3

ये नखाः॑ । ते वै॒खान॑साः । ये वा॒लाः । ते वा॒लखि॑ल्याः । यो र॑सः ।
सोऽपां॑ । अ॒न्तर॑तः कूर्मं॑ भू॒तं सर्प॑न्तं । तम॑ब्रवीत् ।
मम॑ वै त्वङ्-मा॒सा । सम॑भूत् । 92 (10)

T.A.1.23.4

नेत्य॑ब्रवीत् । पूर्व॑मे॒वाह-मि॒हास॑मिति । तत्पु॑रुषस्य पु॒रुष॑त्वं ।
स सह॑स्र॒शीर्षा॑ पु॒रुषः॑ । सह॑स्राक्षः सह॑स्रपात् ।
भूत्वो॑दतिष्ठत् । तम॑ब्रवीत् । त्वं वै पूर्व॑ꣳ सम॑भूः ।
त्वमि॒दं पूर्वः॑ कुरु॒ष्वेति॑ । स इ॒त आ॒दाया॑पः । 93 (10)

T.A.1.23.5

अञ्ज॑लिना पु॒रस्ता॑-दु॒पाद॑धात् । ए॒वा ह्ये॒वेति॑ ।
तत॑ आ॒दित्य॑ उदतिष्ठत् । सा प्रा॒ची दिक्॑ । अथा॑रुणः के॒तुर्-दक्षि॑णत
उपा॑दधात् । ए॒वा ह्यग्ने॑ इति । ततो॑ वा अ॒ग्निरु॑दतिष्ठत् ।
सा दक्षि॑णा दिक् । अथा॑रुणः के॒तुः पश्चा॑दुपादधात् ।
ए॒वा हि वा॒यो इति॑ । 94 (10)

T.A.1.23.6

ततो॑ वा॒युरु॑दतिष्ठत् । सा प्र॒तीची॑ दिक् ।
अथा॑रुणः के॒तु-रुत्तर॑त उपादधात् । ए॒वा ही॒न्द्रेति॑ ।
ततो॑ वा इ॒न्द्र उ॑दतिष्ठत् । सो॒दीची॑ दिक् ।

अथारुणः केतुर्-मध्य उपादधात् । एवा हि पूषन्निति ।

ततो वै पूषोदतिष्ठत् । सेयन्दिक् । 95 (10)

T.A.1.23.7

अथारुणः केतुरुपरिष्ठा-दुपादधात् । एवा हि देवा इति ।

ततो देव मनुष्याः पितरः । गन्धर्वा-फसरस श्रोद-तिष्ठन् ।

सोर्ध्वा दिक् । या विप्रुषो विपरापतन् ।

ताभ्योऽसुरा रक्षांसि पिशाचाश्चो-दतिष्ठन् । तस्मात्ते पराभवन् ।

विप्रुड्भ्यो हि ते समभवन् । तदेषाऽभ्यनूक्ता ॥ 96 (10)

T.A.1.23.8

आपो ह यद् बृहतीर् गर्भमायन् । दक्षं दधाना जनयन्तीः स्वयम्भुं ।

तत इमेऽध्य-सृज्यन्त सर्गाः । अद्भ्यो वा इदं समभूत् ।

तस्मादिदं सर्वं ब्रह्म स्वयंभ्विति । तस्मादिदं सर्वं शिथिल-

मिवा ध्रुव-मिवाभवत् । प्रजापतिर् वाव तत् । आत्मनाऽऽत्मानं

विधाय । तदेवानु प्राविशत् । तदेषाऽभ्यनूक्ता () । 97 (10)

T.A.1.23.9

वि॒धाय॑ लो॒कान् वि॒धाय॑ भू॒तानि॑ । वि॒धाय॑ सर्वाः॑ प्र॒दिशो॑ दि॒शश्च॑ ।
 प्र॒जाप॑तिः प्रथ॒मजा॑ ऋ॒तस्य॑ । आ॒त्मना॑ऽऽत्मा-न॒मभि-सँ॑वि॒वेशे॑ति ।
 सर्व॑मे॒वेद॑माप्त्वा । सर्व॑-मव॒रुद्ध्य॑ । तदे॒वानु॑ प्रवि॒शति॑ ।
 य ए॒वं वैद॑ । 98 (8) (आ॒सी - द॑तिष्ठन् - न॒भू - द॑पो - वा॒यो इति॑
 - से॒यं दि॒ग - भ्य॑नू॒क्ता - ऽभ्य॑नू॒क्ता -+ऽष्टौ॑ च) (A23)

1.1.24 अनुवाकं-24

T.A.1.24.1

चतु॑ष्टय्य॒ आपो॑ गृ॒ह्णाति॑ । च॒त्वारि॑ वा अ॒पाꣳ रू॒पाणि॑ । मे॒घो वि॒द्युत् ।
 स्त॒नयि॑न्नु॒र्-वृ॒ष्टिः । तान्ये॒वा व॑रु॒न्धे । आ॒तप॑ति॒ वर्ष्या॑ गृ॒ह्णाति॑ ।
 ताः पु॒रस्ता॑-दु॒पद॑धाति । ए॒ता वै ब्र॑ह्मव॒र्चस्या॑ आ॒पः । मु॒खत॑ ए॒व
 ब्र॑ह्मव॒र्चस॑-मव॒रुन्धे॑ । तस्मा॑न्-मु॒खतो॑ ब्र॑ह्मव॒र्चसि॑तरः । 99 (10)

T.A.1.24.2

कू॒प्या गृ॒ह्णाति॑ । ता दक्षि॑णत॒ उप॑दधाति । ए॒ता वै ते॒जस्वि॑नी॒रापः॑ ।
 ते॒ज ए॒वास्य॑ दक्षि॑णतो॒ दधा॑ति । तस्मा॑द् दक्षि॑णो॒र्ध ऽस्ते॒जस्वि॑तरः ।
 स्था॒वरा॑ गृ॒ह्णाति॑ । ताः प॒श्चादु॑पदधाति । प्र॒तिष्ठि॑ता॒ वै स्था॒वराः॑ ।

पश्चादेव प्रतितिष्ठति । वहन्तीर् गृह्णाति । 100 (10)

T.A.1.24.3

ता उत्तरत उपदधाति । ओजसा वा एता वहन्तीरिवोद्-गतीरिव
आकूजतीरिव धावन्तीः । ओज एवास्योत्तरतो दधाति ।

तस्मादुत्तरोऽर्ध ओजस्वितरः । संभार्या गृह्णाति ।

ता मध्य उपदधाति । इयं वै संभार्याः । अस्यामेव प्रतितिष्ठति ।

पल्वल्या गृह्णाति । ता उपरिष्ठा-दुपादधाति । 101 (10)

T.A.1.24.4

असौ वै पल्वल्याः । अमुष्यामेव प्रतितिष्ठति । दिक्षूपदधाति ।

दिक्षु वा आपः । अन्नं वा आपः । अद्भ्यो वा अन्नज्जायते ।

यदेवाद्भ्यो-ऽन्नं जायते । तदवरुन्धे । तं वा एतमरुणाः केतवो

वातरशना ऋषयो-ऽचिन्वन् । तस्मा-दारुण केतुकः () ।

तदेषाऽभ्यनूक्ता । केतवो अरुणासश्च । ऋषयो वातरशनाः । प्रतिष्ठाञ्

शतधा हि । समाहितासो सहस्रधायसमिति । शतशश्चैव ऽसहस्रशश्च

प्रतितिष्ठति । य एतमग्निञ्चिनुते । य उचैनमेवं वेद । 102 (18)

(ब्रह्मवर्चसितरो – वहन्तीर् गृह्णाति – ता उपरिष्ठादुपादधा –
त्यारुणकेतुकोऽष्टौ च) (A24)

1.1.25 अनुवाकं-25

T.A.1.25.1

जानुदघ्नी-मुत्तरवेदीङ्घात्वा । अपां पूरयति । अपां सर्वत्वाय ।
पुष्करपर्णं रुक्मं पुरुष-मित्युपदधाति । तपो वै पुष्करपर्णं ।
सत्यं रुक्मः । अमृतं पुरुषः । एतावद्वा वास्ति । यावदेतत् ।
यावदेवास्ति । 103 (10)

T.A.1.25.2

तदवरुन्धे । कूर्ममुपदधाति । अपामेव मेधमवरुन्धे ।
अथो स्वर्गस्य लोकस्य समष्ट्यै । आपमापामपः सर्वाः ।
अस्मादस्मा दितोऽमुतः । अग्निर्वायुश्च सूर्यश्च ।
सह सञ्चस्करद्धिया इति । “वाय्वश्चा रश्मिपतयः{11}” ।
लोकं पृणच्छिद्रं पृण । 104 (10)

T.A.1.25.3

यास्ति॑स्रः॒ पर॒मजाः॑ । “इन्द्र॑घोषा वो वसु॑भिः{12}”
 “रेवा॑ ह्येवे{13}” ति । पञ्च॑ चितय॑ उप॒दधाति॑ । पान्तो॑ऽग्निः ।
 यावा॑नेवाग्निः । तञ्चि॑नुते । लोकं॑ पृणया॑ द्वितीया॑-मुप॒दधाति॑ ।
 पञ्च॑पदा वै विराट् । तस्या॑ वा इयं॑ पादः । अन्तरि॑क्षं पादः () ।
 द्यौः॑ पादः । दिशः॑ पादः । परोरजाः॑ पादः । विराज्ये॑व प्र॒ति॒तिष्ठति॑ ।
 य ए॒तमग्नि॑न्चिनुते । य उ॒चैन॑मेवं वे॒द । 105 (16)
 (अस्ति॑ - पृणा॑ - न्तरि॑क्षम् पादः षट्च॑) (A25)

1.1.26 अनुवाकं-26

T.A.1.26.1

अग्निं॑ प्रणीयो॑प-समा॒धाय॑ । तमभित॑ ए॒ता अभीष्ट॑का उप॒दधाति॑ ।
 अग्नि॑होत्रे॒ दर्श॑पूर्ण-मासयोः॑ । पशु॑बन्धे चा॒तुर्मा॑स्येषु । अथो॑
 आहुः॑ । सर्वेषु॑ यज्ञ॒क्रतु॑ष्विति । अथ॑ हस्मा॒ हारुणः॑ स्वाय॒म्भुवः॑ ।
 सावि॑त्रः सर्वो॑ऽग्नि-रित्यननुषङ्गं॑ मन्यामहे ।
 नाना॑ वा ए॒तेषां॑ वीर्या॑णि । कमग्निञ्चि॑नुते । 106 (10)

T.A.1.26.2

स॒त्रिय॑ म॒ग्निञ्चि॑न्वानः । क॒मग्नि॑ञ्चिनुते । सा॒वित्र॑ म॒ग्निञ्चि॑न्वानः ।
 क॒मग्नि॑ञ्चिनुते । ना॒चिके॑त म॒ग्निञ्चि॑न्वानः । क॒मग्नि॑ञ्चिनुते ।
 चा॒तुर्. हो॒त्रिय॑-म॒ग्निञ्चि॑न्वानः । क॒मग्नि॑ञ्चिनुते ।
 वै॒श्वसृ॑ज म॒ग्निञ्चि॑न्वानः । क॒मग्नि॑ञ्चिनुते । 107 (10)

T.A.1.26.3

उ॒पा॒नु॒वा॒क्य॑-मा॒शु म॒ग्निञ्चि॑न्वानः । क॒मग्नि॑ञ्चिनुते ।
 इ॒ममा॑रुण-के॒तुक॑ म॒ग्निञ्चि॑न्वान इति । वृ॒षा वा अ॒ग्निः ।
 वृ॒षाणौ॑ स॒स्फाल॑येत् । ह॒न्येता॑स्य य॒ज्ञः । तस्मा॑न्ना॒नुष॑ज्यः ।
 सो॒त्तर॑वेदिषु॒ क्रतु॑षु चिन्वीत । उ॒त्तर॑वेद्या॒ ह्यग्नि॑श्चीयते ॥
 प्र॒जाका॑मश्चिन्वीत । 108 (10)

T.A.1.26.4

प्रा॒जा॒प॒त्यो वा ए॒षोऽग्निः॑ ॥ प्रा॒जा॒प॒त्याः प्र॒जाः । प्र॒जावा॑न् भवति ।
 य ए॒वं वे॑द । प॒शुका॑मश्चिन्वीत । सं॒ज्ञानं॑ वा ए॒तत् प॒शूनां॑ । यदा॑पः ।
 प॒शूना॑मेव सं॒ज्ञाने॑ ऽग्निञ्चिनुते । प॒शुमा॑न् भवति ।

य एवं वेद । 109 (10)

T.A.1.26.5

वृष्टिकामश्चिन्वीत । आपो वै वृष्टिः । पर्जन्यो वर्षुको भवति । य एवं
वेद । आमयावी चिन्वीत । आपो वै भेषजं । भेषज-मेवास्मै करोति ।
सर्वमायुरेति । अभिचरञ्च शिन्वीत । वज्रो वा आपः । 110 (10)

T.A.1.26.6

वज्रमेव भ्रातृव्येभ्यः प्रहरति । स्तृणुत एनं । तेजस्कामो यशस्कामः ।
ब्रह्मवर्चस्कामः स्वर्गकामश्चिन्वीत । एता वद्वा वास्ति । यावदेतत् ।
यावदेवास्ति । तदवरुन्धे । तस्यै तद्व्रतं ।
वर्षति न धावेत् । 111 (10)

T.A.1.26.7

अमृतं वा आपः । अमृतस्या-नन्तरित्यै । नाफ्सु-मूत्रपुरीषङ्कुर्यात् ।
न निष्ठीवेत् । न विवसनः स्नायात् । गुह्यो वा एषोऽग्निः ।
एतस्याग्ने रनति दाहाय । न पुष्करपर्णानि हिरण्यं वाऽधितिष्ठेत् ।
एतस्याग्ने-रनभ्यारोहाय । न कूर्मस्याश्नीयात् () ।
नोदकस्या-घातुकान्येन-मोदकानि भवन्ति । अघातुका आपः ।

य ए॒तम॒ग्नि॒न्चि॒नु॒ते । य उ॒चै॒नमे॒वं वै॒द । 112 (14)

(चि॒नु॒ते - चि॒नु॒ते - प्र॒जाका॑मश्चि॒न्वी॒त - य ए॒वं वै॒दा - पो -
धा॒वे - द॒र्शनी॑याच्च॒त्वारि॑ च) (A26)

1.1.27 अनुवाकं-27

T.A.1.27.1

इ॒मा नु॑कं॒ भुव॑ना सी॒षधे॑म । इन्द्र॑श्च वि॒श्वे॑च दे॒वाः ।

य॒ज्ञञ्च॑ नस्तन्वञ्च॑ प्र॒जाञ्च॑ । आ॒दि॒त्यैरिन्द्रः॑ सह सी॒षधा॑तु ।

आ॒दि॒त्यैरिन्द्रः॑ स॒गणो॑-म॒रुद्भिः॑ । अ॒स्माकं॑ भू॒त्ववि॒ता त॒नूनां॑ ॥

आ॒प्लव॑स्व प्र॒प्लव॑स्व । आ॒ण्डी भव॑ ज॒ मा मु॒हुः ।

सु॒खादी॑न्दुः ख॒निध॑नां । प्र॒तिमु॑ञ्चस्व॒ स्वां पु॒रं । 113 (10)

T.A.1.27.2

म॒रीच॑यः स्वा॒यंभु॑वाः । ये श॒रीरा॑ण्य॒ कल्प॑यन् । ते ते॒ देह॑ङ्कल्प॒यन्तु॑ ।

मा च॑ ते॒ ख्या॑ स्म ती॒रिष॑त् । उ॒त्तिष्ठ॑त॒ मा स्व॑प्त ।

अ॒ग्नि-मि॑च्छ॒ध्वं भा॑रताः । रा॒ज्ञः सो॑मस्य॒ तृप्ता॑सः । सू॒र्येण॑

स॒युजो॑षसः । “यु॒वा सु॒वासाः{14}” । अ॒ष्टाच॑क्रा॒ नव॑द्वारा । 114 (10)

T.A.1.27.3

दे॒वानां॑ पू॒रयो॑ध्या । तस्या॑ हिर॒ण्मयः॑ को॒शः ।
 स्व॒र्गो लो॒को ज्यो॑तिषा ऽऽवृ॒तः । यो वै तां॑ ब्र॒ह्म॒णो वे॒द ।
 अ॒मृते॑नावृ॒तां पु॑रीं । तस्मै॑ ब्र॒ह्म च॑ ब्र॒ह्मा च॑ । आ॒युः की॒र्तिं
 प्र॒जा॒न्ददुः॑ । वि॒भ्राज॑माना॒ ह॒रि॒णीं । य॒शसा॑ संप॒रीवृ॑तां ।
 पु॒रं हिर॑ण्मयीं ब्र॒ह्मा । 115 (10)

T.A.1.27.4

वि॒वेशा॑परा॒जिता॑ । परा॒ङ्गेत्य॑ ज्यामयी । परा॒ङ्गेत्य॑ नाश॒की ।
 इ॒ह चा॑मु॒त्र चान्वे॑ति । वि॒द्वान् दे॒वासुरा॑नु॒भयान्॑ । यत्कु॒मारी॑ म॒न्द्रय॑ते ।
 यद्योषि॑द्य-त्पतिव्र॒ता । अ॒रिष्टं॑ यत्किञ्च॑ क्रि॒यते॑ । अ॒ग्नि-स्तद॑नु
 वे॒धति॑ । अ॒शृता॑सः शृ॒तासश्च॑ । 116 (10)

T.A.1.27.5

यज्वा॒नो येऽप्य॑यज्व॒नः । स्व॒र्यन्तो॑ नापे॒क्षन्ते॑ । इन्द्र-म॒ग्निञ्च॑ ये
 वि॒दुः । सि॒कता॑ इव सँय॒न्ति । र॒श्मिभिः॑-स॒मुदी॑रिताः ।
 अ॒स्मा-ल्लो॒काद॑-मु॒ष्माच्च॑ । ऋ॒षिभि॑-रदात्-पृ॒श्निभिः॑ ।
 अ॒पेत॑ वी॒त वि॑ च सर्प॒तातः॑ । येऽत्र॑ स्थ पु॒राणा॑ ये च नू॒तनाः॑ ।

अ॒हो॒भि-र॒द्धि-र॒क्तुभि-र॒व्यक्तं । 117 (10)

T.A.1.27.6

य॒मो द॒दात्व-व॒सानम॒स्मै । नृ॒ मु॒णन्तु॒ नृ पा॒त्व॒र्यः ।

अ॒कृ॒ष्टा ये च॒ कृ॒ष्टजाः । कु॒मारी॑षु॒ कनी॑नीषु । जा॒रिणी॑षु च॒ ये हि॒ताः ।
रेतः॑ पी॒ता आ॒ण्डपी॑ताः । अ॒ङ्गारे॑षु च॒ ये हु॒ताः । उ॒भ्यान् पु॒त्र पौ॒त्रका॑न् ।
यु॒वेऽहं॑ य॒मरा॑जगान् । “श॒तमि॑न्नु श॒रदः{15}” () । अ॒दो यद्ब्र॑ह्म॒ विल॑बं ।
पि॒तृणाञ्च॑ य॒मस्य॑ च । व॒रुण-स्या॑श्चि॒नो-र॒ग्नेः । म॒रुताञ्च॑ वि॒हाय॑सां ।
का॒मप्र॑यवणं मे अस्तु । स ह्ये॒वास्मि॑ स॒नात॑नः ।

इति॑ ना॒को ब्र॑ह्मि॒श्रवो॑ रा॒यो ध॒नं । पु॒त्राना॑पो दे॒वीरि॑हाहि॒ता । 118 (18)

(पु॒रं - न॒वद्वारा॑ - ब्र॒ह्मा - च - व्य॑क्तं - श॒रदो॑ऽष्टौ च (A27)

1.1.28 अनुवाकं-28

T.A.1.28.1

वि॒शी॒र्ष्णीं॑ गृ॒ध्र-शी॒र्ष्णीञ्च॑ । अ॒पेतो॑ नि॒र्ऋ॒तिर्ह॑थः ।

प॒रिबा॑धश्च॒ श्वेत॑कु॒क्षं । नि॒जङ्घ॑श्च॒ शब॑लो॒दरं॑ । स॒ तान् वा॒च्याय॑या स॒ह ।

अ॒ग्ने ना॑शाय स॒न्दृशः॑ । ई॒र्ष्या॑सू॒ये बु॒भुक्षां॑ । म॒न्युं कृ॑त्यां च॒ दी॒धिरे॑ ।

रथेन किंशुकावता । अग्ने नाशाय सन्दृशः । 119 (10)

(विशीर्ष्णीं दश) (A28)

1.1.29 अनुवाकं-29

T.A.1.29.1

पर्जन्याय प्रगायत । दिवस्पुत्राय मीढुषे । स नो यवसमिच्छतु ।

इदं वचः पर्जन्याय स्वराजे । हृदो अस्त्वन्तरन्त-द्युयोत ।

मयोभूर्वातो विश्वकृष्टयः सन्त्वस्मे । सुपिप्पला ओषधीर् देवगोपाः ।

यो गर्भ-मोषधीनां । गवाङ्कृणोत्यर्वतां । पर्जन्यः पुरुषीणां । 120 (10)

(पर्जन्याय दश) (A29)

1.1.30 अनुवाकं-30

T.A.1.30.1

पुनर्माँैत्विन्द्रियं । पुनरायुः पुनर्भगः । पुनर् ब्राह्मण-मैतु मा ।

पुनर् द्रविण मैतु मा । यन्मेऽद्य रेतः पृथिवीमस्कान् ।

यदोषधीरप्यसरद्-यदापः । इदन्तत् पुनराददे ।

दीर्घायुत्वाय वर्चसे । यन्मे रेतः प्रसिच्यते । यन्म आजायते

पुनः() । तेन माममृतं कुरु । तेन सुप्रजसङ्कुरु । 121 (12)

(पुनर्द्वे च) (A30)

1.1.31 अनुवाकं-31

T.A.1.31.1

अद्भ्य-स्तिरोधा जायत । तव वैश्रवणः सदा । तिरो धेहि सपत्नान्नः ।
ये अपोऽश्नन्ति केचन । त्वाष्ट्रीं मायां वैश्रवणः । रथं सहस्र
वन्धुरं । पुरुश्चक्रं सहस्राश्वं । आस्था यायाहि नो बलिं ।
यस्मै भूतानि बलिमावहन्ति । धनङ्गावो हस्ति
हिरण्यमश्वान् । 122 (10)

T.A.1.31.2

असाम सुमतौ यज्ञियस्य । श्रियं बिभ्रतो ऽन्नमुखीं विराजं ।
सुदर्शने च क्रौञ्चे च । मैनागे च महागिरौ । शतद्वाट्टारगमन्ता ।
संहार्यं नगरं तव । इति मन्त्राः । कल्पोऽत ऊर्ध्वं । यदि बलिं
हरेत् । हिरण्यनाभये वितुदये कौबेरायायं बलिः । 123 (10)

T.A.1.31.3

सर्वभूताधिपतये नम इति । अथ बलिं हत्वोपतिष्ठेत् । क्षत्रं क्षत्रं
वैश्रवणः । ब्राह्मणा वयं स्मः । नमस्ते अस्तु मा मा हिंसीः ।

अस्मात् प्रविश्यान्नमद्धीति । अथ तमग्नि-मादधीत । यस्मिन्ने तत्कर्म
प्रयुञ्जीत । तिरोधा भूः । तिरोधा भुवः । 124 (10)

T.A.1.31.4

तिरोधाः स्वः । तिरोधा भूर्भुवस्स्वः ।
सर्वेषां लोँकाना-माधिपत्ये सीदेति । अथ तमग्नि-मिन्धीत ।
यस्मिन्ने तत्कर्म प्रयुञ्जीत । तिरोधा भूः स्वाहा ॥
तिरोधा भुवः स्वाहा ॥ तिरोधाः स्वः स्वाहा ॥
तिरोधा भूर्भुवस्स्वस्वाहा ॥
यस्मिन्नस्य काले सर्वा आहुतीर् हुता भवेयुः । 125 (10)

T.A.1.31.5

अपि ब्राह्मणमुखीनाः । तस्मिन्नहः काले प्रयुञ्जीत ।
परः सुप्तजनाद्वेपि । मा स्म प्रमाद्यन्त माध्यापयेत् ।
सर्वार्थाः सिद्ध्यन्ते । य एवं वेद । क्षुध्य-न्निदमजानतां ।
सर्वार्था न सिद्ध्यन्ते । यस्ते विघातुको भ्राता ।
ममान्तर् हृदये श्रितः । 126 (10)

T.A.1.31.6

तस्मा॑ इ॒मम॑ग्र॒ पिण्ड॑ञ्जुहोमि । स॒ मेऽ॒र्थान्॑ मा॒ विव॑धीत् । मयि॒ स्वाहा॑ ॥
 रा॒जाधि॑राजाय॒ प्रस॑ह्य साहिने॑ ॥ नमो॑ वयं॒ वैश्र॑वणाय॒ कुर्म॑हे ।
 स॒ मे॒ कामान्॑ काम॒ कामा॑य॒ मह्यं॑ ॥ कामेश्व॑रो वैश्र॒वणो॑ ददातु ।
 कु॒बेरा॑य॒ वैश्र॑वणाय॒ महारा॑जाय॒ नमः॑ । के॒तवो॑ अरुणासश्च () ।
 ऋष॑यो वा॒तर॑शनाः । प्र॒तिष्ठा॑ञ् श॒तधा॑ हि ।
 स॒माहि॑तासो॒ सह॑स्र॒धाय॑सं । शि॒वा नः॑ श॒न्तमा॑ भवन्तु ।
 दि॒व्या आप॑ ओष॒धयः॑ । सु॒मृ॒डीका॑ सर॒स्वति॑ । मा॒ ते व्यो॑म
 स॒न्दृशि॑ । 127 (17) (अश्वा॑न्-ब॒लिर्-भुवो॑ - भ॒वेयुः॑ - श्रित -
 श्च स॑प्त च) (A31)

1.1.32 अनुवाकं-32

T.A.1.32.1

सम्व॑त्सरमेतद् व्र॒तञ्च॑रेत् । द्वौ॑ वा मा॒सौ । निय॑मः॒ समा॑सेन ।
 तस्मि॑न् निय॒म वि॑शेषाः । त्रि॒षव॑ण-मु॒दको॑पस्पर्शी ।
 चतु॑र्थ काल॒पान॑भक्तः स्यात् । अ॒हर॑हर्वा भैक्ष॒मश्नी॑यात् ।

औदुम्बरीभिः समिद्धि-रग्निं परिचरेत् । पुनर्मा मैत्विन्द्रिय-मित्येतेना-
ऽनुवाकेन । उद्धृत परिपूताभिरद्धिः कार्यं कुर्वीत । 128 (10)

T.A.1.32.2

असञ्चयवान् । अग्नये वायवे सूर्याय । ब्रह्मणे प्रजापतये ।
चन्द्रमसे नक्षत्रेभ्यः । ऋतुभ्यः सम्वत्सराय । वरुणा-यारुणायेति
व्रतहोमाः । प्रवर्ग्यवदादेशः । अरुणाः काण्ड ऋषयः ।
अरण्येऽधीयीरन् । भद्रं कर्णेभिरिति द्वे जपित्वा । 129 (10)

T.A.1.32.3

महानाम्नीभि-रुदक् सञ्स्पर्श्य । तमाचार्यो दद्यात् ।
शिवानः शन्तमे-त्योषधीरालभते । सुमृडीकेति भूमिं । एवमपवर्गे ।
धेनुर् दक्षिणा । कञ् सम्वासश्च क्षौमं । अन्यद्वा शुक्लं ।
यथा शक्ति वा । एवञ् स्वाध्याय धर्मेण () । अरण्येऽधीयीत ।
तपस्वी पुण्यो भवति तपस्वी पुण्यो भवति । 130 (12)

(कुर्वीत - जपित्वा - स्वाध्यायधर्मेण द्वे च) (A32)

तैत्तिरीय आरण्यकं – अरुणप्रश्नं – (TA 1)

Prapaataka Korvai with starting Padams of 1 to 32 Anuvaakams :-

(भद्रं॑ – स्मृतिः॑ – साकं॑जाना – मक्ष्य॑ – तिता॑म्रा – ण्यत्यु॑र्ध्वाक्ष –
आ॒रोगः॑ – क्वेद॑ – मग्निश्च॑ – सहस्र॑वृत् – पवित्र॑वन्त – आ॒तनु॑ष्वा
– ष्टयो॑नीं – योऽसा॑ – वथा॑दित्य – स्यारोग॑ – स्याथ॑ वायो – रथा॑ग्नेर्
– दक्षिण॑पूर्वस्या – मिन्द्र॑घोषा व – आप॑मापां – योऽपा॑ – मापो॑ वै –
चतु॑ष्टय्यो – जानु॑दघ्नी – मग्निं॑ प्रणीये – मा॒नु॑कं – विशी॑र्ष्णीं –
पर्जन्या॑य – पुन॑ – रद्भ्यः॑ – सम्॑वथ्सरं द्वात्रिं॑शत्)

Korvai with starting Padams of 1, 11, 21 Series of Dasinis :-

(भद्रं॑ – ज्योति॑षा – तस्मिन्॑ राजानं – कश्य॑पाथ् – सहस्र॑वृदियं –
नपु॑सक – मष्टयो॑नी – मवप॑तन्ताना – माय॑तनवान् भवति –
सतो॑ बन्धुं – ता॑ उत्तरतो – वज्र॑मेव – पुन॑र्मामैतु
त्रिं॑शदुत्तरशतम्)

First and Last Padam in TA, 1st Prapaatakam :-

(भद्रं॑ – तपस्वी॑ पुण्यो भवति तपस्वी॑ पुण्यो भवति)

। हरिः ओम् ।

। कृष्ण यजुर्वेदीय तैत्तिरीय आरण्यके प्रथमः प्रपाठकः समाप्तः ।

=====

Appendix (of expansions)

T.A.1.11.1 – ब्रह्मा देवानां {1}

ब्रह्मा देवानां पदवीः कवीनामृषिर्विप्राणां महिषो मृगाणां ।

श्येनो गृध्राणां स्वधितिर् वनानां सोमः पवित्रमत्येति रेभन् ॥ {1}

(Appearing in T.S.3.4.11.1)

T.A.1.12.5 – वाश्रेव विद्यु {2}

वाश्रेव विद्युन्मिमाति वथ्सं न माता सिषक्ति ।

यदेषां वृष्टिरसर्जि ॥ {2} (Appearing in T.S.3.1.11.5)

T.A.1.13.2 – सुत्रामाणं {3} महीमूषु {4}

सुत्रामाणं पृथिवीं द्यामनेहसं सुशर्माण मदितिं सुप्रणीतिं ।

दैवीं नावस्वरित्रामनागसमस्रवन्तीमा रुहेमा स्वस्तये ॥ {3}

मही॒मू॒ षु॒ मा॒तर॑ꣳ सु॒व्र॒ता॒ना॒मृ॒तस्य॑ प॒त्नी॒मव॑से हु॒वे॒म ।

तु॒वि॒क्ष॒त्रा॒म॒ज॒र॒न्ती॑मु॒रू॒चीꣳ सु॒श॒र्मा॑ण॒मदि॑तिꣳ सु॒प्र॒णी॑तिं ॥ {4}

(Both {3} and {4} appearing in T.S.1.5.11.5)

T.A.1.13.3 – "हिरण्यगर्भो{5}"

हि॒रण्य॑ग॒र्भः॒ सम॑व॒र्त॒ता॒ग्रे भू॒तस्य॑ जा॒तः प॒ति॒रेक॑ आ॒सीत् ।

स दा॒धार॑ पृ॒थि॒वीं द्या॑ मु॒ते॒मां क॒स्मै दे॒वाय॑ ह॒विषा॑ वि॒धेम ॥ {5}

(Appearing in T.S.4.1.8.3)

T.A.1.13.3 – हꣳसः शुचिषत्{6}"

हꣳसः॑ शु॒चि॒षद् व॑सु॒रन्त॑रि॒क्ष-स॒द्धो॒ता वे॒दि॒षद॑ति॒थि दु॒रो॒णस॑त् ।

नृ॒षद् व॑र॒सदृ॑त॒सद् व्यो॑म॒सद॒ब्जा गो॒जा ऋ॑त॒जा अ॒द्रि॒जा

ऋ॒तं-बृ॑हत् ॥ {6} (Appearing in T.S.1.8.15.2)

T.A.1.13.3 – ब्रह्म जज्ञानं{7}"

ब्रह्म॑ ज॒ज्ञानं॑ प्र॒थमं॑ पु॒रस्ता॑द्वि सी॒मतः॑ सु॒रुचो॑ वे॒न आ॑वः ।

तैत्तिरीय आरण्यके प्रथमः प्रपाठकः – (TA 1)

स बु॒ध्निया॑ उ॒प॒मा॑ अ॒स्य॑ वि॒ष्ठाः॑ स॒तश्च॑ यो॒नि॒म॒स॒तश्च॑ वि॒वः॑ ॥ {7}
(Appearing in T.S.4.2.8.2)

T.A.1.13.3 – तदित् पद{8}

तदित्पदं॑ न वि॒चिके॑त वि॒द्वान् । यन्मृ॑तः पु॒नर॑प्येति जी॒वान् ।
त्रि॒वृ॒द्यद् भु॑वनस्य रथ॒वृत् । जी॒वो ग॒र्भो॑ न मृ॒तः स जी॑वात् ॥ {8}
(Appearing in T.B.3.7.10.6)

T.A.1.19.1 – आ यस्मिन्थ्सप्त वासवा{9} इन्द्रियाणि शतक्रत{10}

आ॒य॒स्मिन्॑ ॥ थ्सप्त॑वा॒स॒वा॑ स्तिष्ठन्ति स्वा॒रु॒हो॑ यथा ।
ऋषि॑र्ह दी॒र्घश्रु॑त्तम इन्द्र॑स्य घ॒र्मो॑ अति॒थिः॑ ॥ {9}
(Appearing in T.S.1.6.12.2)

इन्द्रि॑याणि शत॒क्रतो॑ या ते जने॑षु पञ्चसु ।
इन्द्र॑ तानि त आ वृ॑णे ॥ {10} (Appearing in T.S.1.6.12.1)

T.A.1.25.2 – वाय्वश्वा रश्मिपतयः{11}

वा॒य्वश्वा॑ रश्मि॒प॒त॒यः॑ । मरी॑च्यात्मानो अ॒द्रु॒हः । दे॒वीर् भु॑वन॒ सू॒वरीः॑ ।

पु॒त्रव॒त्वाय॑ मे॒ सु॒त ॥ {11} (Appearing in T.A.1.1.2)

T.A.1.25.3 – इन्द्र॑घोषा॒ वो॒ वसु॑भिः{12} रे॒वा ह्ये॒वे{13}

इन्द्र॑ घोषा॒ वो॒ वसु॑भिः॒ पुरस्ता॑-दु॒पद॑धतां ॥ {12}

ए॒वा ह्ये॒व ॥ {13} (*short and long form are the same in {13}*)
(Both appearing in T.A.1.20.1)

T.A.1.27.2 – यु॒वा सु॒वासाः{14}

यु॒वा सु॒वासाः॑ परि॒वीत॑ आ॒गात् । स॒ उ॒ श्रेया॑न् भवति॒ जाय॑मानः ।

तं धी॒रासः॑ क॒वय॑ उ॒न्नय॑न्ति । स्वा॒धियो॑ मन॒सा दे॒वय॑न्तः ॥ {14}

(Appearing in T.B.3.6.1.3)

T.A.1.27.6 – श॒तमि॒त्रु श॒रदः{15}

श॒तमि॒त्रु श॒रदो॑ अ॒न्ति दे॒वा यत्रा॑ न॒श्चक्रा॑ ज॒रसं॑ त॒नूनां॑ ।

पु॒त्रासो॑ यत्र॒ पित॑रो भवन्ति॒ मा नो॑ म॒ध्या री॑रिषता॒युर्गन्तोः॑ ॥ {15}

(This expansion is appearing in "Apastambeeya Mantra Bagam (APMB)", also known as "EkagnikAdam", in 2nd Prasnam, 4th Section as 3rd Mantra.)

तैत्तिरीय आरण्यके प्रथमः प्रपाठकः – (TA 1)

(This is an odd expansion as the Expanded Mantra is not appearing in any of conventional Taittiriya texts like "Samhita", "Brahamanam" "Aranyakam")

Details of Dasini & Vaakyams for – Prapaatakam 1 – TA 1.1

	Dasini	Vaakyams
Anuvakam 1	3	32
Anuvakam 2	4	47
Anuvakam 3	4	46
Anuvakam 4	3	30
Anuvakam 5	2	23
Anuvakam 6	3	35
Anuvakam 7	6	59
Anuvakam 8	8	80
Anuvakam 9	7	71
Anuvakam 10	7	74
Anuvakam 11	8	77
Anuvakam 12	5	56
Anuvakam 13	3	34
Anuvakam 14	4	42
Anuvakam 15	1	16
Anuvakam 16	1	10
Anuvakam 17	2	25
Anuvakam 18	1	11
Anuvakam 19	1	9
Anuvakam 20	1	17

तैत्तिरीय आरण्यकं – अरुणप्रश्नं – (TA 1)

Anuvakam 21	3	36
Anuvakam 22	12	121
Anuvakam 23	9	88
Anuvakam 24	4	48
Anuvakam 25	3	36
Anuvakam 26	7	74
Anuvakam 27	6	68
Anuvakam 28	1	10
Anuvakam 29	1	10
Anuvakam 30	1	12
Anuvakam 31	6	67
Anuvakam 32	3	32
Total →	130	1396

Total as per grantha books	132	1396
---------------------------------------	------------	-------------

2 कृष्ण यजुर्वेदीय तैत्तिरीय आरण्यके द्वितीयः प्रपाठकः

2.1 द्वितीयः प्रपाठकः – स्वाध्यायब्राह्मणं

2.1.1 अनुवाकं – 1

T.A. 2.1.1

सह वै देवानां चासुराणां च यज्ञौ प्रततावास्तां वयञ् स्वर्गं
लोकमेष्यामो वयमेष्याम इति तेऽसुराः सन्नह्य सहसैवाचरन्
ब्रह्मचर्येण तपसैव देवास्तेऽसुरा अमुह्यञ्स्ते न प्राजानञ्स्ते
पराभवन्ते न स्वर्गं लोकमायन् प्रसृतेन वै यज्ञेन देवाः स्वर्गं
लोकमायन् न प्रसृतेनासुरान् पराऽभावयन् प्रसृतो ह वै
यज्ञोपवीतिनो यज्ञोऽप्रसृतोऽनुपवीतिनो यत्किञ्च ब्राह्मणो
यज्ञोपवीत्यधीते यजत एव तत्तस्माद् यज्ञोपवीत्येवाधीयीत याजयेद्
यजेत वा यज्ञस्य प्रसृत्या अजिनं वासो वा दक्षिणत उपवीय
दक्षिणं बाहुमुद्धरतेऽव धत्ते सव्यमिति यज्ञोपवीतमेतदेव विपरीतं
प्राचीनावीतञ् सम्वीतं मानुषम् । 1 (1)

(No Korvai for this Anuvaakam) (A1)

2.1.2 अनुवाकं - 2

T.A. 2.2.1

रक्षा॑सि॒ हवा॑ पु॒रोनु॑वाके॒ तपोऽग्र॑मतिष्ठन्त॒ तान् प्र॒जाप॑तिर्
वरे॑णो॒पाम॑न्त्रयत॒ तानि॑ वरमवृणीतादित्यो॒ नो यो॒द्धा इति॑ तान्
प्र॒जाप॑ति-रब्र॒वीद्-यो॒धय॑ध्वमिति॒ तस्मा॑दुत्तिष्ठन्त॑ हवा॒ तानि॑
रक्षा॑स्य॒ादित्यं॑ यो॒धय॑न्ति॒ याव॑दस्तमन्वगा॒ तानि॑ ह॒ वा ए॒तानि॑
रक्षा॑सि॒ गाय॑त्रिया॒ ऽभि॑मन्त्रितेना॒भसा॑ शा॒म्यन्ति॑ तदु॒ ह वा ए॒ते
ब्र॒ह्मवा॑दिनः॒ पूर्वा॑भि॒मुखाः॑ सन्ध्यायां॑ गाय॒त्रिया॑ऽभि॒मन्त्रि॑ता॒ आप॑ ऊ॒र्ध्वं
वि॒क्षि॑पन्ति॒ ता ए॒ता आ॑पो॒ वज्री॑भूत्वा॒ तानि॑ रक्षा॑सि॒ मन्दे॑हाऽरुणे
द्वी॒पे प्र॑क्षिपन्ति॒ यत् प्र॑दक्षिणं॒ प्र॒क्रम॑न्ति॒ तेन॑ पा॒प्मान॑मव
धू॒न्वन्त्यु॑द्यन्तमस्तं॒ यन्त॑मादित्य-मभि॒ध्याय॑न् कु॒र्वन् ब्रा॒ह्म॒णो वि॒द्वान्थ्
सक॑लं॒ भद्र॑मश्नुते॒ ऽसा॑वादित्यो॒ ब्रह्मे॑ति॒ ब्रह्मै॑व सन् ब्रह्मा॒प्येति॑ य
ए॒वं वे॑द । 2 (1) (No Korvai for this Anuvaakam) (A2)

2.1.3 अनुवाकं - 3

T.A. 2.3.1

यद्-दे॒वा दे॒वहे॒ड॒नं दे॒वासश्च॑कृ॒मा व॒यम् । आदि॑त्यास्तस्मा॒न्मा ॥
 मुञ्च॑तर्तस्य॒र्तेन॑ मा॒मित । दे॒वा जी॒वनका॑म्या यद्-वा॒चाऽनृ॑तमू॒दिम ।
 तस्मान्न॑ इ॒ह मुञ्च॑त विश्वे॑ दे॒वाः स॒जोष॑सः । ऋ॒तेन॑ द्यावापृथि॒वी
 ऋ॒तेन॑ त्वञ् सर॒स्वति॑ । कृ॒तान्नः॑ पा॒ह्येन॑सो यत् किञ्चानृ॑तमू॒दिम ।
 इन्द्रा॑ग्नी मि॒त्रावरु॑णौ सोमो॑ धा॒ता बृ॒हस्प॑तिः । ते नो॑ मुञ्च॒न्त्वेन॑सो
 यदन्य॑कृतमा॒रिम॑ । स॒जात॑शञ्सा॒दुत॑ जा॒मिशञ् सा॒ज्ज्या॑यसः
 शञ्सा॒दुत॑ वा क॒नीय॑सः । अना॑धृष्टं दे॒वकृ॑तं य॒देन॑स्तस्मात्
 त्वमस्मा॑ञ् जा॒तवे॑दो मुमु॒ग्धि () । यद्वा॒चा यन् मन॑सा बा॒हुभ्या॑-
 मू॒रुभ्या॑म॒ष्ठीवद्भ्याञ् शि॒श्नैर्य॑दनृ॒तं च॑कृ॒मा व॒यम् ।
 अग्नि॑र्मा तस्मा॒देन॑सो गा॒र्हप॑त्यः प्रमुञ्च॑तु च॒कृम॑ या॒नि दुष्कृ॑ता ।
 येन॑ त्रि॒तो अ॑र्णवान् निर्ब॒भूव॑ येन॑ सूर्यं॑ तमसो॑ निर्मु॒मोच॑ । येनेन्द्रो॑
 विश्वा॑ अ॒जहा॑दरा॒तीस्ते॑ना॒हं ज्यो॑तिषा॒ ज्योति॑रान॒शान॑ आ॒क्षि ।
 यत् कु॑सी॒दम॑प्रती॒त्तं म॒येह॑ येन॑ यमस्य॑ नि॒धिना॑ च॒रामि॑ ।

ए॒तत्तद॑ग्ने॒ अनृ॑णो॒ भवामि॑ जी॒वन्ने॒व प्रति॑ त॒त्ते द॑धामि ।
 "यन्म॑यि॒ माता॑{17}" "यदा॑ पि॒पेष॑{18}" "यदन्त॑रि॒क्षं॑{19}"
 "यदा॑श॒सा{20}" "ऽति॑क्रामामि{21}" "त्रि॒ते दे॒वा{22}"
 "दि॒वि जा॒ता{23}" "यदा॑प{24}" "इ॒मं मे॑ वरुण{25}"
 "तत्त्वा॑ या॒मि{26}" "त्वं नो॑ अग्ने{27}" "सत्त्वं नो॑ अग्ने{28}"
 "त्वमग्ने॑ अया॒सि{29}" । 3 (17) (मु॒मुग्धि॑ स॒प्त च॑ (A3))

2.1.4 अनुवाकं - 4

T.A. 2.4.1

यददी॑व्यन्नृ॒णम॑हं॒ बभू॑वादि॒त् सन्वा॑ संज॒गर॑ जने॒भ्यः॑ । अ॒ग्निर्मा॑
 तस्मादिन्द्र॑श्च॒ सम्वि॑दानौ प्रमु॒ञ्चता॑म् । यद्ध॒स्ताभ्यां॑ च॒कर॑
 किल्बि॑षाण्यक्षाणां॑ व॒ग्नुमु॑पजिघ्नमानः । उग्र॑म्प॒श्या च॑ राष्ट्र॒भृच्च॑
 तान्य॑प्सरसा॒ वनु॑दत्ता-मृ॒णानि॑ । उग्रं॑प॒श्ये राष्ट्र॒भृत् किल्बि॑षाणि
 यदक्ष॑वृत्तमनुदत्तमे॒तत् । ने॒न्न ऋ॒णानृ॑णव॒ इत्स॑मानो॒ यम॑स्य॒ लोके॑
 अधि॑ रज्जु॒राय॑ । "अव॑ ते हे॒ड{30}" "उदु॑त्तम{31}"
 "मिमं॑ मे॒ वरु॑ण{32}" "तत्त्वा॑ या॒मि{33}" "त्वं नो॑ अग्ने{34}"

"सत्वं नो अग्ने{36}} । संकुसुको विकुसुको निर्ऋथो यश्च
निस्वनः । तेऽ(1)स्मद्-यक्ष्ममनागसो दूराद्-दूरमचीचतम् ।
निर्यक्ष्ममचीचते कृत्यां निर्ऋतिं च () । तेन योऽ(1)स्मथ्समृच्छातै
तमस्मै प्रसुवामसि । दुश्शञ्सानुशञ्साभ्यां घणेनानुघणेन च ।
तेनान्योऽ(1)स्मथ् समृच्छातै तमस्मै प्रसुवामसि ।
सम्वर्चसा पयसा सन्तनूभिरगन्महि मनसा सञ् शिवेन ।
त्वष्टा नो अत्र विदधातु रायोऽनुमार्ष्टु तन्वो(1) यद्-विलिष्टम् । 4 (15)

(कृत्यां निर्ऋतिं च पञ्च च (A4))

2.1.5 अनुवाकं - 5

T.A. 2.5.1a

आयुष्टे विश्वतो दधदयमग्निर्वरेण्यः । पुनस्ते प्राण आयाति परा
यक्ष्मञ् सुवामि ते । आयुर्दा अग्ने हविषो जुषाणो घृतप्रतीको
घृतयोनिरेधि । घृतं पीत्वा मधु चारु गव्यं पितेव पुत्रमभि
रक्षतादिमम् । इममग्न आयुषे वर्चसे कृधि तिग्ममोजो वरुण
सञ्शिशधि । मातेवास्मा अदिते शर्म यच्छ विश्वे देवा

जरदष्टिर् यथाऽसत् । अग्न आयूर्षि पवस आसुवोर्जमिषं च नः ।
 आरे बाधस्व दुच्छुनाम् ॥ अग्ने पवस्व स्वपा अस्मे वर्चः
 सुवीर्यम् । दधद् रयिं मयि पोषम् । 5.1a (10)

T.A. 2.5.1b

अग्निर् ऋषिः पवमानः पाञ्चजन्यः पुरोहितः । तमीमहे महागयम् ।
 अग्ने जातान् प्रणुदा नः सपत्नान् प्रत्यजाताञ्जातवेदो नुदस्व ।
 अस्मे दीदिहि सुमना अहेडञ्छर्मन्ते स्याम त्रिवरूथ उद्भौ ।
 सहसा जातान् प्रणुदा नः सपत्नान् प्रत्यजाताञ्जातवेदो नुदस्व ।
 अधि नो ब्रूहि सुमनस्यमानो वयञ् स्याम प्रणुदा नः सपत्नान् ।
 अग्ने यो नोऽभितो जनो वृको वारो जिघाञ्सति । ताञ्स्त्वं
 वृत्रहञ्जहि वस्वस्मभ्यमा भर । अग्ने यो नोऽभिदासति समानो
 यश्च निष्यः । तं वयञ् समिधं कृत्वा
 तुभ्यमग्नेऽपिदध्मसि । 5.1b (10)

T.A. 2.5.1c

यो नः शपादशपतो यश्च नः शपतः शपात् । उषाश्च तस्मै निमृक्च
 सर्वं पापञ् समूहताम् । यो नः सपत्नो यो रणो मर्तोऽभिदासति
 देवाः । इध्मस्यैव प्रक्षायतो मा तस्योच्छेषि किञ्चन । यो मांद्वेष्टि
 जातवेदो यं चाहं द्वेषि यश्च माम् । सर्वाञ्स्तानग्ने सन्दह याञ्श्चाहं
 द्वेषि ये च माम् । यो अस्मभ्यमरातीयाद्-यश्च नो द्वेषते जनः ।
 निन्दाद्यो अस्मान् दिफ्साच्च सर्वाञ्स्तान्मष्मषा कुरु । सञ्शितं मे
 ब्रह्म सञ्शितं वीर्याम् (1) बलम् । सञ्शितं क्षत्रं मे जिष्णु
 यस्याहमस्मि पुरोहितः () । उदेषां बाहू अतिरमुद्-वर्चो अथो
 बलम् । क्षिणोमि ब्रह्मणाऽमित्रानुन्नयामि स्वाँ(2) अहम् । पुनर्मनः
 पुनरायुर्म आगात् पुनश्चक्षुः पुनः श्रोत्रं म आगात् पुनः प्राणः
 पुनराधीतं म आगात् । वैश्वानरो मेऽदब्धस्तनूपा अवबाधतां दुरितानि
 विश्वा । 5.1c (14) (पोषं - दध्मसि - पुरोहितश्चत्वारि च) (A5)

2.1.6 अनुवाकं - 6

T.A. 2.6.1a

वै॒श्वान॒राय॒ प्रति॑वेदयामो॒ यदी॑नृ॒णञ् स॑ङ्गरो॒ देव॑तासु ।
स ए॒तान् पा॑शान् प्र॒मुच॑न् प्र॒वेद॑ स नो॒ मुञ्चा॑तु॒ दुरि॑तादव॒द्यात् ।
वै॒श्वान॒रः प॑वयान्नः॒ पवि॑त्रैर्यथ् स॒ङ्गर॑-म॒भिधा॑वाम्याशाम् ।
अना॑जानन् मन॒सा या॑चमानो॒ यदत्रै॑नो॒ अव॑ तथ् सु॒वामि॑ ।
अमी॑ ये सु॒भगे॑ दि॒वि वि॑चृतौ॒ नाम॑ तार॒के । प्रे॑हामृतस्य॒ यच्छ॑ता-
मेतद्-ब॒द्धक॑मोचनम् । वि॒जिही॑र्ष्व लो॒कान् कृ॑धि ब॒न्धान् मु॑ञ्चासि
ब॒द्धक॑म् । योने॑रिव प्र॒च्युतो॑ गर्भः॒ सर्वान्॑ पथो॒ अनु॑ष्व । स प्र॑जानन्
प्रति॑गृ॒ष्णीत॑ वि॒द्वान् प्र॑जापतिः॒ प्रथ॑मजा ऋ॒तस्य॑ ।
अस्मा॑भिर्दत्तं॒ जर॑सः॒ पर॑स्तादच्छिन्नं॒ तन्तु॑मनु॒ संच॑रेम । 6.1a (10)

T.A. 1.2.6b

ततं॑ तन्तु॒मन्वे॑के॒ अनु॑ संचरन्ति॒ येषां॑ दत्तं॒ पित्र्य॑मायनवत् ।
अब॑न्ध्वेके॒ दद॑तः प्र॒यच्छा॑द्-दा॒तुच्चे॑-च्छ॒क्नवा॑ञ् सः स्व॒र्ग ए॑षाम् ।
आ॒रभे॑था॒मनु॑ स॒र्भेथा॑ञ् स॒मानं॑ पन्थामवथो॒ घृ॑तेन ।

यद्वां॑ पू॒र्तं॑ परि॒विष्टं॑ ँ॒दग्॒नौ॑ तस्मै॒ गो॒त्रा॒ये॒ह जा॒या॒पती॑ स॒र्भे॒थाम्॑ ।
 यद॒न्तरि॑क्षं पृथि॒वीमु॒त द्वां॑ ँ॒न्मा॒तरं॑ पि॒तरं॑ वा जिहि॒स्मि॒ । अ॒ग्नि॒र्मा
 तस्मा॑दे॒नसो॑ गा॒र्ह॒पत्य॑ उ॒न्नो॑ नेषद्-दु॒रिता॑ या॒नि च॒कृ॒म ।
 भूमि॑र्मा॒ताऽदि॒तिर्नो॑ ज॒नित्रं॑ भ्रा॒तान्तरि॑क्ष-म॒भि॒शस्त॑ ए॒नः ।
 द्यौर्नः॑ पि॒ता पि॒तृया॑च्छं भ॒वासि॑ जा॒मि मि॒त्वा मा॑ वि॒विथि॑स्मि॒ लोका॑त् ।
 यत्र॑ सु॒हार्दः॑ सु॒कृतो॑ म॒दन्ते॑ विहा॒य रोगं॑ तन्वा(१)॒ स्वाया॑म् ।
 अ॒श्लो॒णाङ्गैर॑हु॒ताः स्व॒र्गे तत्र॑ प॒श्येम॑ पि॒तरं॑ च पु॒त्रम् () ।
 यद॒न्नम॑द्म्य॒नृते॑न दे॒वा दा॒स्यन्न॑दा॒स्यन्नु॒त वा॑ क॒रिष्य॑न् । यद्-दे॒वानां॑
 चक्षु॑ष्या॒गो अ॒स्ति यदे॒व किञ्च॑ प्र॒तिज॑ग्राहम॒ग्निर्मा॑ तस्मा॒दनृ॑णं
 कृ॒णोतु॑ । यद॒न्नम॑न्नि॒ बहु॒धा वि॒रूपं॑ वा॒सो हि॑र॒ण्यमु॒त गा॒मजा॑मवि॒म् ।
 यद्-दे॒वानां॑ चक्षु॑ष्या॒गो अ॒स्ति यदे॒व किञ्च॑ प्र॒तिज॑ग्राहम॒ग्निर्मा॑
 तस्मा॑दनृ॒णं कृ॒णोतु॑ । यन्म॑या॒ मन॑सा वा॒चा कृ॒तमे॑नः॒ कदा॑चन ।
 सर्व॑स्मान् मे॒डितो॑ मो॒ग्धि॒ त्वं हि॑ वे॒त्थ यथा॑तथम् । 6.1b (16)

(चरे॑म - पु॒त्रं षट्च॑ (A6))

2.1.7 अनुवाकं - 7

T.A. 2.7.1

वा॒तर॒श॒ना॒ ह॒ वा॒ ऋ॒ष॒यः॑ श्र॒म॒णा॒ ऊ॒र्ध्व॑म॒न्थि॒नो॒ ब॒भू॒वु॒स्ता-नृ॒ष॒योऽर्थ-
मा॒य॒७स्ते॒ नि॒ला॒य-म॒च॒र॒७स्ते-ऽनु॒प्र॒वि॒शुः॑ कू॒श्मा॒ण्डा॒नि
ता॒७-स्ते॒ष्व॒न्व॒वि॒न्द-ज्छ्र॒द्ध॒या च॒ तप॒सा च॒ तानृ॒ष॒योऽब्रु॒वन् क॒था
नि॒ला॒यं च॒र॒थेति॑ त ऋ॒षी॒न॒ब्रु॒वन्न॑मो॒ वोऽस्तु॑ भ॒गव॑न्तोऽस्मिन् धाम्नि॑
के॒न वः॑ स॒पर्या॑मेति॒ तानृ॒ष॒योऽब्रु॒वन् प॒वि॒त्रं नो॒ ब्रू॒त ये॒ना॒रे॒पसः॑
स्या॑मेति॒ त ए॒तानि॑ सू॒क्तान्य॑पश्यन् यद्-दे॒वा दे॒वहे॑डनं
यद॑दी॒व्य॒न्नृ॒णम॑हं ब॒भू॒वायु॑ष्टे वि॒श्वतो॑ दध॒दित्ये॑तैराज्यं जुहु॒त वैश्वान॑राय
प्र॒ति॒वे॒दया॑म इत्यु॒पति॑ष्ठत यद॒र्वा॒ची॒नमे॑नो भ्रू॒णह॑त्यायास्तस्मान्
मोक्ष्य॑ध्व इति॒ त ए॒तैर॑जुह॒वुस्तेऽरे॑पसोऽभवन् कर्मा॒दिष्वे॒तैर्-जुहु॑यात्
पू॒तो दे॒वलो॑कान् थ्सम॑श्नुते । 7(1)

(No Korvai for this Anuvaakam) (A7)

2.1.8 अनुवाकं - 8

T.A. 2.8.1

कू॒श्मा॒ण्डैर् जु॒हुयाद्-योऽपू॒त इ॒व म॒न्ये॒त यथा॑ स्ते॒नो यथा॑ ॥
 भ्रू॒णहै॒वमेष॑ भ॒वति॑ योऽयो॒नौ रे॒तः सि॒ञ्चति॑ यद॒र्वाची॒नमे॒नो ॥
 भ्रू॒णह॒त्याया॒स्तस्मान् मु॒च्यते॑ याव॒दे॒नो दी॒क्षामु॑पैति दी॒क्षित॑ ए॒तैः
 स॒तति॑ जु॒होति॑ स॒म्व॑त्स॒रं दी॒क्षितो॑ भ॒वति॑ स॒म्व॑त्स॒रादे॒वात्मानं॑
 पु॒नीते॑ मा॒सं दी॒क्षितो॑ भ॒वति॑ यो मा॒सः स॒ स॒म्व॑त्स॒रः
 स॒म्व॑त्स॒रादे॒वात्मानं॑ पु॒नीते॑ च॒तुर्विं॑श॒तिं रा॒त्रीर्दी॒क्षितो॑ भ॒वति॑
 च॒तुर्विं॑श॒ति-र॒र्धमा॒साः स॒म्व॑त्स॒रः स॒म्व॑त्स॒रादे॒वात्मानं॑ पु॒नीते॑
 द्वा॒दश॑ रा॒त्रीर्दी॒क्षितो॑ भ॒वति॑ द्वा॒दश॑ मा॒साः स॒म्व॑त्स॒रः
 स॒म्व॑त्स॒रादे॒वात्मानं॑ पु॒नीते॑ ष॒ड्रा॒त्रीर्दी॒क्षितो॑ भ॒वति॑ ष॒ड्वा
 ऋ॒तवः॑ स॒म्व॑त्स॒रः स॒म्व॑त्स॒रादे॒वात्मानं॑ पु॒नीते॑ तिस्रो॑ रा॒त्रीर्-
 दी॒क्षितो॑ भ॒वति॑ त्रि॒पदा॑ गा॒यत्री॑ गा॒यत्रि॒या ए॒वात्मानं॑ पु॒नीते॑ न
 मा॒सम॑श्नी॒यान्न॑ स्त्रि॒यमु॑पे॒यान्नो॑प॒र्यासी॑त् जु॒गुप्से॒तानृ॒तात्प॒यो ॥
 ब्रा॒ह्मण॑स्य॒ व्रतं॑ य॒वागू॑ राज॒न्यस्या॑मि॒क्षा वै॒श्यस्या॑थो॒ सौम्ये॑ऽप्य॒ध्वर

ए॒तद्ब्र॑तं॒ ब्रू॒याद् यदि॑ म॒न्ये—तो॒पद॑स्यामी॒त्यो॒दनं॑
 धा॒नाः स॒क्तूँ॑ ॥ घृ॒तमि॑त्यनु॒व्रत॑येदा॒त्मनो॑ऽनु॒पदा॑साय । 8 (1)

(No Korvai for this Anuvaakam) (A8)

2.1.9 अनुवाकं - 9

T.A. 2.9.1

अ॒जान्॒ ह वै॑ पृ॒श्नी॑ऽस्तप॒स्यमा॑नान् ब्र॒ह्म स्व॑यं॒ भ्वभ्या॑नर्ष॒त्त
 ऋ॒षयो॑ऽभवन् तदृ॒षीणा॑—मृ॒षित्वं॑ तां दे॒वता॑मुपातिष्ठन्त य॒ज्ञका॑मास्त ए॒तं
 ब्र॒ह्मय॑ज्ञ—मप॒श्यन्—तमा॑ऽहरन्—तेना॑यजन्त यदृ॒चोऽध्य॑गीषत ताः
 पय॑ आहु॒तयो॑ दे॒वाना॑मभवन् यद्—यजू॑ऽषि घृ॒ताहु॑तयो यथ् सामा॑नि
 सोमा॑हु॒तयो॑ यदथर्वाङ्गि॒रसो॑ मध्वाहु॒तयो॑ यद्ब्रा॒ह्मणा॑नीतिहासान्—
 पु॒राणा॑नि कल्पान् गाथा॑ नारा॒श॑ऽसीर्मे॒दाहु॑तयो दे॒वाना॑—मभवन्ताभिः
 क्षु॒धं पा॑प्मान—मपा॒घ्नन्—नप॑हतपाप्मानो दे॒वाः स्वर्गं॑ लो॒कमा॑यन्
 ब्र॒ह्मणः॑ सायु॒ज्य—मृ॒षयो॑ऽगच्छन् । 9 (1)

(No Korvai for this Anuvaakam) (A9)

2.1.10 अनुवाकं - 10

T.A. 2.10.1

पञ्च वा एते महायज्ञाः सतति प्रतायन्ते सतति सन्तिष्ठन्ते देवयज्ञः
 पितृयज्ञो भूतयज्ञो मनुष्ययज्ञो ब्रह्मयज्ञ इति यदग्नौ जुहोत्यपि
 समिधं तद्-देवयज्ञः सन्तिष्ठते यत् पितृभ्यः स्वधा करोत्यप्यपस्तत्
 पितृयज्ञः सन्तिष्ठतेयद्-भूतेभ्यो बलिं हरति तद्-भूतयज्ञः सन्तिष्ठते
 यद्ब्राह्मणेभ्योऽन्नं ददाति तन्मनुष्ययज्ञः सन्तिष्ठते यत्स्वाध्याय-
 मधीयी-तैकामप्यृचं यजुः-साम वा तद्ब्रह्मयज्ञः सन्तिष्ठते
 यदृचोऽधीते पयसः कूल्या अस्य पितृन् त्वस्वधा अभिवहन्ति
 यद्-यजूंषि घृतस्य कूल्या यत् सामानि सोम एभ्यः पवते
 यदथर्वाङ्गिरसो मधोः कूल्या यद्ब्राह्मणा-नीतिहासान्-पुराणानि
 कल्पान् गाथा नाराशंसीर्-मेदसः कूल्या अस्य पितृन् त्वस्वधा
 अभिवहन्ति यदृचोऽधीते पय आहुतिभिरेव तद्-देवांस्तर्पयति
 यद्-यजूंषि घृताहुतिभिर्यत् सामानि सोमाहुतिभिर्-यदथर्वाङ्गिरसो
 मध्वाहुतिभिर्-यद्ब्राह्मणा-नीतिहासान्-पुराणानि कल्पान् गाथा

नारा॑श॒ञ्सीर्-मे॒दाहु॑तिभिरेव तद्-दे॒वाञ्स्तर्प॑यति त ए॒नन् तृ॑प्ता
आयु॑षा तेज॒सा वर्च॑सा श्रिया यश॑सा ब्रह्मवर्च॑सेनान्नाद्येन च

तर्पयन्ति । 10 (1) (No Korvai for this Anuvaakam) (A10)

2.1.11 अनुवाकं - 11

T.A. 2.11.1

ब्रह्म॑यज्ञेन यक्ष्य॑माणः प्रा॒च्यां दिशि॑ ग्रा॒माद॑छदि॒र्द॒र्श उदी॑च्यां
प्रागु॑दीच्यां वो॒दित आ॑दित्ये दक्षि॑णत उप॒वीयो॑पविश्य ह॒स्ताव॑वनिज्य
त्रि॒राचा॑मेदि॒द्वः परि॑मृज्य सकृ॑दुपस्पृश्य शि॒रश्चक्षु॑षी ना॒सिके॑ श्रोत्रे
हृद॑यमालभ्य यत् त्रि॒राचा॑मति तेन ऋ॒चः प्री॑णाति यदि॒द्वः परि॑मृजति
तेन यजू॑षि यथ् सकृ॑दुपस्पृशति तेन सामा॑नि यच्छि॒रश्चक्षु॑षी
दक्षि॑णोत्तरो पा॒णि कृ॒त्वा ना॒सिके॑ श्रोत्रे हृद॑यमालभते तेनाथ॑र्वाङ्गि॒रसो॑
ब्राह्म॑णा-नीतिहा॒सान् पु॒राणा॑नि क॒ल्पान् गा॑था नारा॑श॒ञ्सीः प्री॑णाति
दर्भा॑णां मह॑दुप॒स्तीर्यो॑पस्थं कृ॒त्वा प्रा॒डासी॑नः स्वाध्या॑यमधीयीतापां
वा ए॒ष ओष॑धीनाञ् रसो॑ यद्-दर्भाः॑ सर॒समे॑व ब्रह्म॑ कुरुते
दक्षि॑णोत्त॒रौ पा॒णी पा॒दौ कृ॒त्वा स॒पवि॑त्रावोमिति प्रतिपद्यत ए॒तद्वै

यजुस्त्रयीं विद्यां प्रत्येषा वागेतत्परममक्षरं तदेतदृचाऽभ्युक्तमृचो
 अक्षरे परमे व्योमन् यस्मिन् देवा अधि विश्वे निषेदुर्यस्तन्न वेद
 किमृचा करिष्यति य इत्तद्विदुस्त इमे समासत इति त्रीनेव प्रायुङ्क्त
 भूर्भुवःस्वरित्याहैतद्वै वाचः सत्यं यदेव वाचः सत्यं तत्
 प्रायुङ्क्ताथ सावित्रीं गायत्रीं त्रिरन्वाह पच्छोऽर्धर्चशोऽनवान् सविता
 श्रियः प्रसविता श्रियमेवाप्नोत् यथो प्रज्ञातयैव प्रतिपदा छन्दांसि
 प्रतिपद्यते । 11 (1) (No Korvai for this Anuvaakam) (A11)

2.1.12 अनुवाकं - 12

T.A. 2.12.1

ग्रामे मनसा स्वाध्यायमधीयीत दिवा नक्तं वेति ह स्माह शौच
 आह्वेय उतारण्येऽबल उत वाचोत तिष्ठन्नुत व्रजन्नुतासीन उत
 शयानोऽधीयीतैव स्वाध्यायं तपस्वी पुण्यो भवति य एवं विद्वान्थ
 स्वाध्यायमधीते नमो ब्रह्मणे नमो अस्त्वग्नये नमः पृथिव्यै नम
 ओषधीभ्यः । नमो वाचे नमो वाचस्पतये नमो विष्णवे बृहते
 करोमि । 12 (2) (No Korvai for this Anuvaakam) (A12)

2.1.13 अनुवाकं - 13

T.A. 2.13.1

मध्यन्दिने प्रबलमधीयीतासौ खलु वावैष आदित्यो
 यद्ब्राह्मणस्तस्मात्तर्हि तेक्षिणष्टं तपति तदेषाऽभ्युक्ता ।
 चित्रं देवानामुदगादनीकं चक्षुर्मित्रस्य वरुणस्याग्नेः ।
 आऽप्रा द्यावापृथिवी अन्तरिक्षं सूर्य आत्मा जगतस्तस्थुषश्चेति
 स वा एष यज्ञः सद्यः प्रतायते सद्यः सन्तिष्ठते तस्य
 प्राख्सायमवभृथो नमो ब्रह्मण इति परिधानीयां त्रिरन्वाहाप उप
 स्पृश्य गृहानेति ततो यत्किंच ददाति सा दक्षिणा । 13 (3)

(No Korvai for this Anuvaakam) (A13)

2.1.14 अनुवाकं - 14

T.A. 2.14.1

तस्य वा एतस्य यज्ञस्य मेघो हविर्धानं विद्युदग्निर्वर्षं हविः
 स्तनयिल्लुर्-वषट्कारो यदवस्फूर्जति सोऽनुवषट्कारो
 वायुरात्माऽमावास्या स्विष्टकृद्य एवं विद्वान्मेघे वर्षति विद्योतमाने
 स्तनयत्यवस्फूर्जति पवमाने वायावमावास्यायाऽ स्वाध्यायमधीते

तप ए॒व तत्त॑प्यते तपो॒ हि स्वा॒ध्याय॑ इत्यु॒त्तमं॑ नाक॒ꣳ रो॒हत्यु॒त्तमः॑
स॒मा॒ना॒नां॑ भवति॒ याव॑न्त॒ꣳ ह वा॑ इ॒मां वित्त॑स्य पूर्णा॒ दद॑त्स्वर्गं
ँलोकं॑ जयति॒ ताव॑न्तंँलोकं॑ जयति॒ भूया॑ꣳसं चाक्षय्यं॒ चाप॑ पुन॒र्मृत्युं॑
जयति॒ ब्रह्म॑णः सायु॒ज्यं ग॑च्छति । 14 (1)

(No Korvai for this Anuvaakam) (A14)

2.1.15 अनुवाकं - 15

T.A. 2.15.1

तस्य॑ वा ए॒तस्य॑ य॒ज्ञस्य॑ द्वा॒वन॑ध्यायौ यदाऽऽत्माऽऽशु॒चिर्-यद्-देशः॑
स॒मृ॒द्धिर्द॑ैवतानि य एवंँवि॒द्वान् म॑हारा॒त्र उ॒षस्यु॑दिते व्रज॒ꣳस्तिष्ठ॑न्-
नासी॑नः श॒यानो॑ऽरण्ये॒ ग्रामे॑ वा याव॑त्तरस॒ꣳ स्वा॒ध्याय॑मधीते॒ सर्वान्॑
ँल॒ोकाञ्ज॑यति॒ सर्वान्ँल॒ोकान॑नृ॒णोऽनु॑ संचरति॒ तदेषा॑ऽभ्यु॒क्ता ।
अ॒नृणा॑ अ॒स्मिन्न॑नृणाः परस्मि॒ꣳस्तृ॑तीये लोके॒ अनृ॑णाः स्याम ।
ये दे॒वया॑ना उ॒त पि॒तृया॑णाः सर्वान्॑ पथो॒ अनृ॑णा आक्षी॒येमे॒त्यग्निं॑
ँवै जा॑तं पाप्मा ज॒ग्राह॑ तंदे॒वा आ॑हु॒तीभिः॑ पाप्मान॒मपा॑घ्नन्-नाहु॒तीनां॑
ँय॒ज्ञेन॑ य॒ज्ञस्य॑ दक्षिणाभिर्-दक्षिणा॒नां ब्रा॑ह्मणेन ब्राह्मण॒स्य छ॑न्दोभिः

छन्दसा७ स्वाध्यायेनापहतपाप्मा स्वाध्यायो देवपवित्रं वा एतत्तं
 योऽनूथ् सृजत्यभागो वाचि भवत्यभागो नाके तदेषाऽभ्युक्ता ।
 यस्तित्याज सखिविदो सखायं न तस्य वाच्यपि भागो अस्ति ।
 यदीऽ शृणोत्यलकऽ शृणोति न हि प्रवेद सुकृतस्य पन्थामिति
 तस्मात् स्वाध्यायोऽध्येतव्यो यं यं क्रतुमधीते तेन तेनास्येष्टं
 भवत्यग्नेर्-वायो-रादित्यस्य सायुज्यं गच्छति तदेषाऽभ्युक्ता ।
 ये अर्वाङ्मुत वा पुराणे वेदं विद्वाऽसमभितो वदन्त्यादित्यमेव ते
 परिवदन्ति सर्वे अग्निं द्वितीयं तृतीयं च हऽसमिति यावतीर्वै
 देवतास्ताः सर्वा वेदविदि ब्राह्मणे वसन्ति तस्माद् ब्राह्मणेभ्यो
 वेदविद्भ्यो दिवेदिवे नमस्कुर्यान्नाश्लीलं कीर्तयेदेता एव देवताः

प्रीणाति । 15 (6) (No Korvai for this Anuvaakam) (A15)

2.1.16 अनुवाकं - 16

T.A. 2.16.1

रिच्यत इव वा एष प्रेव रिच्यते यो याजयति प्रति वा गृह्णाति
 याजयित्वा प्रतिगृह्य वाऽनश्नन्त्रिः स्वाध्यायं वेदमधीयीत त्रिरात्रं

ॐ वा सावित्रीं गायत्री-मन्वातिरेचयति वरो दक्षिणा वरेणैव वरञ्
 स्पृणोत्यात्मा हि वरः । 16 (1)

(No Korvai for this Anuvaakam) (A16)

2.1.17 अनुवाकं - 17

T.A. 2.17.1

दुहे ह वा एष छन्दाँसि यो याजयति स येन यज्ञक्रतुना याजयेथ्
 सोऽरण्यं परेत्य शुचौ देशे स्वाध्याय-मेवैन-मधीयन्नासीत्
 तस्यानशनं दीक्षा स्थानमुपसद् आसनञ् सुत्या वाग्जुहूर्मन
 उपभृद्धृतिर्ध्रुवा प्राणो हविः सामाध्वर्युः स वा एष यज्ञः
 प्राणदक्षिणोऽनन्तदक्षिणः समृद्धतरः । 17 (1)

(No Korvai for this Anuvaakam) (A17)

2.1.18 अनुवाकं - 18

T.A. 2.18.1

कतिधाऽवकीर्णी प्रविशति चतुर्थेत्याहुर्-ब्रह्मवादिनो मरुतः प्राणैरिन्द्रं
 बलेन बृहस्पतिं ब्रह्मवर्चसेनाग्निमेवेतरेण सर्वेण तस्यैतां प्रायश्चित्तिं
 विदाञ्चकार सुदेवः काश्यपो यो ब्रह्मचार्यवकिरेदमावास्यायाञ्
 रात्र्यामग्निं प्रणीयोपसमाधाय द्विराज्यस्योपघातं जुहोति

तैत्तिरीय आरण्यकं—स्वाध्यायब्राह्मणं –(TA 2)

कामा॑वकी॒र्णोऽस्म्य॑वकी॒र्णोऽस्मि॑ काम॒ कामा॑य॒ स्वाहा॑ कामा॑भिद्रु॒ग्धो
 ऽस्म्य॑भिद्रु॒ग्धोऽस्मि॑ काम॒ कामा॑य॒ स्वाहे॑त्यमृतं वा आज्य॑ममृत॑मेवात्मन्
 ध॑त्ते हु॒त्वा प्र॑यताञ्जलिः क॒वातिर्य॑ङ्गु॒ग्निम॑भि मन्त्र॑येत सं मा
 सिञ्च॑न्तु मरु॑तः समिन्द्रः॑ संबृ॒हस्पतिः॑ । सं माऽय॑मग्निः
 सिञ्च॑त्वायु॒षा च॒ बले॑न चायु॒ष्मन्तं॑ करोत मेति॒ प्रति॑ हास्मै मरु॑तः
 प्रा॒णान् द॑धति प्रतीन्द्रो॒ बलं॑ प्रति बृ॒हस्पति॑र् ब्रह्म॒वर्चसं॑
 प्रत्य॑ग्निरितरथ्सर्व॑ꣳ सर्व॑तनुर्भू॒त्वा सर्व॑मायुरेति॒ त्रिर॑भिमन्त्रयेत
 त्रिष॑त्या हि दे॒वा योऽपू॑त इ॒व मन्ये॑त स इ॒त्थं जु॑हुयादि॒त्थ-
 म॑भिमन्त्रयेत पुनी॑त ए॒वात्मान॑-मायुरे॒वात्मन् ध॑त्ते वरो॒ दक्षि॑णा वरेणै॒व
 वर॑ꣳ स्पृणोत्या॒त्मा हि वरः॑ । 18 (2)

(No Korvai for this Anuvaakam) (A18)

2.1.19 अनुवाकं - 19

T.A. 2.19.1

भूः प्र॑पद्ये भुवः॑ प्र॑पद्ये स्वः॑ प्र॑पद्ये भूर्भुवः॑स्वः॑ प्र॑पद्ये ब्रह्म॑ प्र॑पद्ये
 ब्रह्म॑कोशं प्र॑पद्येऽमृतं प्र॑पद्येऽमृत॑कोशं प्र॑पद्ये चतु॑र्जालं ब्रह्म॑कोशं यं

मृत्युर्नावपश्यति तं प्रपद्ये देवान् प्रपद्ये देवपुरं प्रपद्ये परीवृतो
वरीवृतो ब्रह्मणा वर्मणाऽहं तेजसा कश्यपस्य यस्मै नमस्तच्छिरो
धर्मो मूर्धानं ब्रह्मोत्तरा हनुर्यज्ञोऽधरा विष्णुर् हृदयं सम्वत्सरः
प्रजननमश्विनौ पूर्वपादावन्निर्मध्यं मित्रावरुणा वपरपादावग्निः पुच्छस्य
प्रथमं काण्डं तत इन्द्रस्ततः प्रजापतिरभयं चतुर्थं स वा एष
दिव्यः शाक्वरः शिशुमारस्तं ह य एवं वेदाप पुनर्मृत्युं जयति
जयति स्वर्गं लोकं नाध्वनि प्रमीयते नाप्सु प्रमीयते नाग्नौ प्रमीयते
नानपत्यः प्रमीयते लघ्वान्नो भवति ध्रुवस्त्वमसि ध्रुवस्य क्षितमसि
त्वं भूतानामधिपतिरसि त्वं भूतानां श्रेष्ठोऽसि त्वां
भूतान्युपपर्यावर्तन्ते नमस्ते नमः सर्वं ते **नमो नमः ।

[***PaaTa Bhedam* – नमो नमः शिशुकुमाराय नमः] 19 (1)

(No Korvai for this Anuvaakam) (A19)

2.1.20 अनुवाकं – 20

T.A. 2.20.1

नमः प्राच्यै दिशे याश्च देवता एतस्यां प्रतिवसन्त्ये ताभ्यश्च नमो नमो
दक्षिणायै दिशे याश्च देवता एतस्यां प्रतिवसन्त्ये ताभ्यश्च नमो नमः

तैत्तिरीय आरण्यकं—स्वाध्यायब्राह्मणं –(TA 2)

प्र॒ती॒च्यै॑ दि॒शे॑ या॒श्च॑ दे॒वता॑ ए॒तस्यां॑ प्र॒तिव॑सन्त्ये ता॒भ्यश्च॑ नमो॒ नम॑
उदी॒च्यै॑ दि॒शे॑ या॒श्च॑ दे॒वता॑ ए॒तस्यां॑ प्र॒तिव॑सन्त्ये ता॒भ्यश्च॑ नमो॒ नम॑
ऊ॒र्ध्वायै॑ दि॒शे॑ या॒श्च॑ दे॒वता॑ ए॒तस्यां॑ प्र॒तिव॑सन्त्ये ता॒भ्यश्च॑ नमो॒
नमो॑ऽध॒रायै॑ दि॒शे॑ या॒श्च॑ दे॒वता॑ ए॒तस्यां॑ प्र॒तिव॑सन्त्ये ता॒भ्यश्च॑ नमो॒
नमो॑ऽवा॒न्तरायै॑ दि॒शे॑ या॒श्च॑ दे॒वता॑ ए॒तस्यां॑ प्र॒तिव॑सन्त्ये ता॒भ्यश्च॑ नमो॒
नमो॑ ग॒ङ्गाय॑मु॒नयो॑र्मध्ये॒ ये व॑सन्ति॒ ते मे॑ प्रस॒न्नात्मा॑नस्चि॒रं जी॑वितं
व॑र्धयन्ति॒ नमो॑ ग॒ङ्गाय॑मु॒नयी॑र्मु॒निभ्य॑श्च॒ नमो॑ नमो॒
ग॒ङ्गाय॑मु॒नयी॑र्मु॒निभ्य॑श्च॒ नमः॑ । 20 (1)

(No Korvai for this Anuvaakam) (A20)

Prapaataka Korvai with starting Padams of 1 to 20 Anuvaakams :-

(स॒ह - र॒क्षा॑ऽसि॒ - यद् दे॒वाः स॒प्तद॑श - यददी॒व्यन् प॑ञ्चद॒शा -
यु॒ष्टे च॑तु॒स्त्रि॑ऽशद् - वैश्वान॑राय॒ षड्वि॑ऽशतिर्-वा॒तर॑श॒ना ह -
कु॒श्मा॑ण्डै- र॒जान् ह - प॑ञ्च - ब्र॒ह्म॒यज्ञे॑न - ग्रा॒मे - म॒ध्यन्दि॑ने
- तस्य॑ वै मे॒घ - स्तस्य॑ वै द्वौ - रि॒च्यते॑ - दु॒हे ह -
क॒ति॒धाऽव॑की॒र्णी - भूर् - नमः॑ प्रा॒च्यै वि॑ऽशतिः)

तैत्तिरीय आरण्यके द्वितीयः प्रपाठकः – (TA 2)

Korvai with starting Padams of 1, 11, 21 Series of Dasinis :-

Cannot be derived as the vakyams in some of the Dasinis do not conform to the standard of 10 vakyams per Dasini. The same reason is applicable for non availability of Anuvaaka Korvai in some of the above Anuvaakams.

First and Last Padam in TA, 2nd Prapaatakam :-

(सह॑ वै – मु॒निभ्यश्च॑ नमः॑)

। हरिः॑ ओम् ।

। कृष्ण यजुर्वेदीय तैत्तिरीय ब्राह्मणे आरण्यके द्वितीयः प्रपाठकः

समाप्तः ।

=====

Appendix (of expansions)

T.A. 2.3.1 – "यन्मयि॑ माता{17}"

यन्मयि॑ माता॑ गर्भे॑ सति॑ । ए॒नश्च॑कार॑ यत्पिता॑ ।

अ॒ग्नि॒र्मा॒ तस्मा॑दे॒नसः॑ ॥ {17} ({17} appearing in T.B.3.7.12.3)

T.A. 2.3.1 – "यदा पिपेष{18}" "यदन्तरिक्षं{19}"

"यदाशसा{20}" "अतिक्रामामि{21}" "त्रिते देवा{22}"

यदा पिपेष मातरं पितरं । पुत्रः प्रमुदितो धयन् ।

अहिंसितौ पितरौ मया तत् । तदग्ने अनृणो भवामि ॥ {18}

{18} appearing in T.B.3.7.12.4)

यदन्तरिक्षं पृथिवीमुत्त द्यां । यन्मातरं पितरं वा जिहिंसिम ।

अग्निर्मा तस्मादेनसः ॥ {19}

{19} appearing in T.B.3.7.12.4)

यदाशसा निशसा यत्पराशसा । यदेनश्च कृमा नूतनं यत्पुराणं ।

अग्निर्मा तस्मादेनसः ॥ {20} ({20} appearing in T.B.3.7.12.4)

अतिक्रामामि दुरितं यदेनः । जहामि रिप्रं परमे सधस्थे । यत्र यन्ति

सुकृतो नापि दुष्कृतः । तमारोहामि सुकृतां नु लोकं ॥ {21}

{21} appearing in T.B.3.7.12.5)

त्रिते देवा अमृजतै-तदेनः । त्रित एतन्मनुष्येषु मामृजे ।

ततो॑ मा॒ यदि॑ किञ्चि॒दान॑शो । अ॒ग्नि॒र्मा॒ तस्मा॑दे॒नसः॑ ॥ {22}

{22} appearing in T.B.3.7.12.5

T.A. 2.3.1 – "दिवि॑ जा॒ता{23}" "यदा॑प{24}"

दिवि॑ जा॒ता अ॒प्सु जा॒ताः । या॑ जा॒ता ओष॑धी॒भ्यः ।

अथो॑ या॒ अग्नि॑जा॒ आपः॑ । ता॒ नः॑ शु॒न्धन्तु॑ शु॒न्धनीः॑ ॥ {23}

यदा॑पो॒ नक्तं॑ दु॒रितं॑ च॒राम॑ । यद्वा॒ दिवा॒ नूत॑नं॒ यत्पु॑राणं ।

हिरण्य॑-वर्णास्त॒त उत्पु॑नीत॒ नः ॥ {24}

{Both {23} and {24} appearing in T.B.3.7.12.6}

T.A. 2.3.1 – "इमं॑ मे॒ वरुण॑{25}" "तत्त्वा॑ यामि{26}"

इमं॑ मे॒ वरुण॑ श्रु॒धी ह॒वम॑द्या च॒ मृड॑य । त्वा॒मव॑स्यु॒रा च॑के ॥ {25}

तत्त्वा॑ यामि॒ ब्रह्म॑णा॒ वन्द॑मान-स्तदा॒ शास्ते॑ यज॒मानो॑ ह॒विर्भिः॑ ।

अहे॑ड॒मानो॑ वरु॒णेह॑ बो॒ध्युरु॑श॒स मा॒ न आ॒युः प्र॑मो॒षीः ॥ {26}

{Both {25} and {26} appearing in T.S.2.1.11.6}

T.A. 2.3.1 – "त्वं नो अग्ने{27}" "सत्वं नो अग्ने{28}"

त्वं नो अग्ने वरुणस्य विद्वान् देवस्य हेडोऽव यासि सीष्ठाः ।
यजिष्ठो वह्नि तमः शोशुचानो विश्वा द्वेषासि प्रमुमुग्ध्यस्मत् ॥ {27}

स त्वंनो अग्नेऽवमो भवोती नेदिष्ठो अस्या उषसो व्युष्टौ ।
अव यक्ष्व नो वरुण रराणो वीहि मृडीक सुहवो न एधि ॥ {28}
(Both {27} and {28} appearing in T.S.2.5.12.3)

T.A. 2.3.1 – "त्वमग्ने अयासि{29}"

त्वमग्ने अयाऽसि । अया सन्मनसा हितः । अया सन् हव्यमूहिषे ।
अया नो धेहि भेषजम् । इष्टो अग्निराहुतः । स्वाहाकृतः पिपर्तु नः ।
स्वगा देवेभ्य इदं नमः ॥ {29} ({29} appearing in T.B.2.4.1.9)

T.A. 2.4.1 – "अव ते हेड{30}" "उदुत्तम{31}"

अव ते हेडो वरुण नमोभिरव यज्ञेभिरीमहे हविर्भिः ।
क्षयन्नस्मभ्यमसुर प्रचेतो राजन्नेनाऽसि शिश्रथः कृतानि ॥ {30}

उदु॒त्त॒मं॑ वरु॒ण पा॒श॒म॒स्म॒द॒वाऽध॒मं॑ वि॒म॒ध्य॒म॒ञ् श्र॒थाय॑ ।

अथा॑ व॒य॒मा॒दि॒त्य व्र॒ते त॒वाऽना॒ग॒सो॑ अ॒दि॒त॒ये स्या॒म ॥ {31}

(Both {30} and {31} appearing in T.S.1.5.11.3)

T.A. 2.4.1 – "मि॒मं॑ मे॒ वरु॒ण{32}

इ॒मं॑ मे॒ वरु॒ण श्रु॒धी॑ ह॒व॒म॒द्या॑ च॒ मृ॒ड॒य । त्वा॒म॒व॒स्यु॒रा च॑के ॥ {32}

{32} appearing in T.S.2.1.11.6)

T.A. 2.4.1 – "त॒त्त्वा॑ या॒मि{33}"

{33} is same as {26} above

T.A. 2.4.1 – "त्वं॑ नो॒ अ॒ग्ने{34}"

{34} is same as {27} above

T.A. 2.4.1 – "स॒त्त्वं॑ नो॒ अ॒ग्ने{35}

{35} is same as {28} above

तैत्तिरीय आरण्यकं—स्वाध्यायब्राह्मणं –(TA 2)

Details of Dasini & Vaakyams for – Prapaatakam 2 – (TA 2.1)

	Dasini	Vaakyams
Anuvakam 1	1	1
Anuvakam 2	1	1
Anuvakam 3	1	17
Anuvakam 4	1	15
Anuvakam 5	1	34
Anuvakam 6	1	26
Anuvakam 7	1	1
Anuvakam 8	1	1
Anuvakam 9	1	1
Anuvakam 10	1	1
Anuvakam 11	1	1
Anuvakam 12	1	2
Anuvakam 13	1	3
Anuvakam 14	1	1
Anuvakam 15	1	6
Anuvakam 16	1	1
Anuvakam 17	1	1
Anuvakam 18	1	2
Anuvakam 19	1	1
Anuvakam 20	1	1
Total →	20	117
Total as per grantha books	22	117

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

3 कृष्ण यजुर्वेदीय तैत्तिरीय आरण्यके तृतीयः प्रपाठकः

3.1 तृतीयः प्रपाठकः – चातुर्होत्रचयनम्

3.1.1 अनुवाकं – 1

T.A.3.1.1

चित्तिः॑ स्रुक् । चित्त॑माज्यम् ॥ वाग्वेदिः॑ । आधी॑तं बर्हिः॑ ।
केतो॑ अग्निः । विज्ञा॑तमग्निः । वाक्पति॑र्होता ॥ मन॑ उपवक्ता ।
प्राणो॑ हविः । सामा॑ध्वर्युः () । वाचस्पते॑ विधे नामन् । विधेम॑ ते
नाम॑ । विधेस्त्व-मस्माकं॑ नाम । वाचस्पतिः॑ सोमं पिबतु ।
आऽस्मासु॑ नृम्णं धा॑त्स्वाहा ॥ 1 (15) (अध्वर्युः पञ्च च) (A1)

3.1.2 अनुवाकं – 2

T.A.3.2.1

पृथि॑वी होता ॥ द्यौरध्व॑र्युः । रुद्रो॑ऽग्नीत् । बृहस्पति॑रुपवक्ता ।
वाचस्पते॑ वाचो वीर्ये॑ण । संभृ॑तत-मेनायक्ष्यसे । यज॑मानाय
वार्य॑म् । आ सुव॑स्करस्मै । वाचस्पतिः॑ सोमं पिबति ।

ज॒जन॑दिन्द्र॒मिन्द्रि॑याय॒ स्वाहा॑ ॥ 2 (10) (पृथि॒वी॒ हो॒ता॒ द॒श) (A2)

3.1.3 अनुवाकं - 3

T.A.3.3.1

अ॒ग्नि॒र् होता॑ ॥ अ॒श्विना॑ऽध्व॒र्यू । त्व॒ष्टाऽग्नी॑त् । मि॒त्र उप॑व॒क्ता ।

सोमः॑ सोम॒स्य पु॑रोगाः । शु॒क्रः शु॒क्रस्य॑ पु॒रोगाः॑ ।

श्रा॒तास्त॑ इन्द्र॒ सोमाः॑ ॥ वा॒तापे॑र् ह॒वन॒श्रुतः॑ स्वाहा॑ ॥ 3 (8)

(अ॒ग्नि॒र् होता॑ऽष्टौ) (A3)

3.1.4 अनुवाकं - 4

T.A.3.4.1

सूर्यं॑ ते चक्षुः॑ । वा॒तं प्रा॑णः । द्यां पृ॒ष्ठम् । अ॒न्तरि॑क्षमा॒त्मा ।

अ॒ङ्गैर् य॒ज्ञम् । पृथि॒वीꣳ शरी॑रैः । वा॒चस्प॑तेऽच्छि॒द्रया॑ वा॒चा ।

अच्छि॒द्रया॑ जु॒ह्वा ॥ दि॒वि दे॒वावृ॑धꣳ हो॒त्रा मे॑रयस्व॒ स्वाहा॑ ॥ 4 (9)

(सूर्यं॑ ते॒ नव॑) (A4)

3.1.5 अनुवाकं - 5

T.A.3.5.1

महा॑ह॒विर् होता॑ ॥ स॒त्यह॑वि॒रध्व॑र्युः । अ॒च्यु॑तपाजा॒ अग्नी॑त् ।

अ॒च्यु॑तमना॒ उप॑व॒क्ता । अ॒नाधृ॑ष्यश्चा॒ प्रति॑धृष्यश्च॒ यज्ञ॑स्याभि॒गरौ॑ ।

अयास्य उद्गाता । वाचस्पते हृद्विधे नामन् । विधेम ते नाम ।

विधेस्त्वमस्माकं नाम । वाचस्पतिः सोममपात् () ।

मा दैव्यस्तन्तुः छेदि मा मनुष्यः । नमो दिवे ।

नमः पृथिव्यै स्वाहा ॥ 5 (13) (अपात् त्रीणि च) (A5)

3.1.6 अनुवाकं – 6

T.A.3.6.1

वाग्घोता ॥ दीक्षा पत्नी ॥ वातोऽध्वर्युः । आपोऽभिगरः । मनो हविः ।

तपसि जुहोमि । भूर्भुवस्सुवः । ब्रह्म स्वयम्भु ।

ब्रह्मणे स्वयम्भुवे स्वाहा ॥ 6 (9) (वाग्घोता नव) (A6)

3.1.7 अनुवाकं – 7

T.A.3.7.1

ब्राह्मण ऐकहोता । स यज्ञः । स मे ददातु प्रजां पशून् पुष्टिं यशः ।

यज्ञश्च मे भूयात् । अग्निर् द्विहोता । स भर्ता । स मे ददातु प्रजां

पशून् पुष्टिं यशः । भर्ता च मे भूयात् । पृथिवी त्रिहोता ।

स प्रतिष्ठा । 7 (10)

T.A.3.7.2

स॑ मे॑ ददातु॑ प्र॒जां प॒शून् पु॒ष्टिं॑ यँशः॑ । प्र॒तिष्ठा॑ च॒ मे भू॑यात् ।
 अ॒न्तरि॑क्षं च॒तुर्॒होता॑ । स॒ वि॒ष्ठाः । स॑ मे॑ ददातु॑ प्र॒जां प॒शून् पु॒ष्टिं॑
 यँशः॑ । वि॒ष्ठाश्च॑ मे भू॑यात् । वा॒युः पञ्च॑होता । स॒ प्राणः॑ ।
 स॑ मे॑ ददातु॑ प्र॒जां प॒शून् पु॒ष्टिं॑ यँशः॑ । प्रा॒णश्च॑ मे भू॑यात् । 8 (10)

T.A.3.7.3

च॒न्द्रमाः॑ षड्ढो॑ता । स॒ ऋ॒तून् क॑ल्पयाति । स॑ मे॑ ददातु॑ प्र॒जां प॒शून्
 पु॒ष्टिं॑ यँशः॑ । ऋ॒तव॑श्च मे कल्पन्ताम् । अ॒न्नञ् स॑प्तहोता । स॒ प्राण॑स्य
 प्राणः॑ । स॑ मे॑ ददातु॑ प्र॒जां प॒शून् पु॒ष्टिं॑ यँशः॑ । प्रा॒णस्य॑ च॒ मे प्रा॒णो
 भू॑यात् । द्यौ॒रष्ट॑होता । सोऽना॑धृष्यः । 9 (10)

T.A.3.7.4

स॑ मे॑ ददातु॑ प्र॒जां प॒शून् पु॒ष्टिं॑ यँशः॑ । अ॒नाधृ॑ष्यश्च भू॑यासम् ।
 आ॒दि॒त्यो न॑वहोता । स॒ ते॒ज॒स्वी । स॑ मे॑ ददातु॑ प्र॒जां प॒शून् पु॒ष्टिं॑
 यँशः॑ । ते॒ज॒स्वी च॑ भू॑यासम् । प्र॒जाप॑तिर् दशहोता ।
 स॒ इ॒दञ् स॑र्वम् । स॑ मे॑ ददातु॑ प्र॒जां प॒शून् पु॒ष्टिं॑ यँशः॑ ।

सर्वं च मे भूयात् () । 10 (10)

(प्रतिष्ठा-प्राणश्च मे भूया-दनाधृष्यः-सर्वं च मे भूयात्) (A7)

Special Korvai

(ब्राह्मणो यज्ञोऽग्निर्भर्ता पृथिवी प्रतिष्ठाऽन्तरिक्षं विष्ठा वायुः
प्राणश्चन्द्रमा ऋतूनन्नञ् स प्राणस्य प्राणो द्यौरनाधृष्य आदित्यः
स तेजस्वी प्रजापतिः स इदञ् सर्वञ् सर्वं च मे भूयात्)

3.1.8 अनुवाकं – 8

T.A.3.8.1

अग्निर् यजुर्भिः । सविता स्तोमैः । इन्द्र उक्थामदैः ।
मित्रावरुणावाशिषा ॥ अङ्गिरसो धिष्णियैरग्निभिः । मरुतः
सदोहविर्धानाभ्याम् ॥ आपः प्रोक्षणीभिः । ओषधयो बर्हिषा ॥
अदितिर्वेद्या ॥ सोमो दीक्षया ॥ 11 (10)

T.A.3.8.2

त्वष्टेध्मेन । विष्णुर् यज्ञेन । वसव आज्येन । आदित्या दक्षिणाभिः ।
विश्वे देवा ऊर्जा । पूषा स्वगाकारेण । बृहस्पतिः पुरोधया ॥
प्रजापतिरुद्गीथेन । अन्तरिक्षं पवित्रेण । वायुः पात्रैः () ।

अह॒७ श्रद्धया॑ । 12 (11) (दीक्षया॑ – पात्रैरेकं॑ च) (A8)

3.1.9 अनुवाकं – 9

T.A.3.9.1

सेनेन्द्र॑स्य । धेना॑ बृहस्पतेः॑ । प॒त्थ्या॑ पू॒ष्णः॑ । वाग्वायोः॑ ।
दीक्षा॑ सोम॑स्य । पृथि॑व्यग्नेः॑ । वसू॑नां गायत्री । रुद्रा॑णां त्रिष्टुक्॑ ।
आदित्या॑नां जगती । विष्णो॑रनुष्टुक् । 13 (10)

T.A.3.9.2

वरुण॑स्य विराट् । यज्ञ॑स्य पङ्क्तिः॑ । प्रजा॑पतेरनु॑मतिः । मित्र॑स्य श्रद्धा ।
सवि॑तुः प्रसू॑तिः । सूर्य॑स्य मरीचिः॑ । चन्द्र॑मसो रोहिणी ।
ऋषी॑णामरुन्धती । पर्जन्य॑स्य विद्युत् । चतस्रो॑ दिशः () ।
चतस्रो॑ऽवान्तरदिशाः । अह॑श्च रत्रि॑श्च । कृषि॑श्च वृष्टि॑श्च ।
त्विषि॑श्चापचि॑तिश्च । आप॑श्चौषध॑श्च । ऊर्क्च॑ सू॒नृता॑ च दे॒वानां॑
पत्न॑यः । 14 (16) (अनुष्टुप् – दिशः॑ षट्च) (A9)

3.1.10 अनुवाकं – 10

T.A.3.10.1

देव॑स्य त्वा सवि॑तुः प्रस॑वे । अश्वि॑नोर् बाहु॑भ्याम् । पू॒ष्णो हस्ता॑भ्यां

प्रतिगृह्णामि । राजा त्वा वरुणो नयतु देवि दक्षिणेऽग्नये हिरण्यम् ।
तेनामृतत्वमश्याम् । वयो दात्रे । मयो मह्यमस्तु प्रतिग्रहीत्रे ।
क इदं कस्मा अदात् । कामः कामाय । कामो दाता । 15 (10)

T.A.3.10.2

कामः प्रतिग्रहीता । कामञ् समुद्रमाविश । कामेन त्वा प्रतिगृह्णामि ।
कामैतत्ते ॥ एषा ते काम दक्षिणा । उत्तानस्त्वाऽऽङ्गीरसः प्रतिगृह्णातु ।
सोमाय वासः । रुद्राय गाम् । वरुणायाश्चम् ।
प्रजापतये पुरुषम् । 16 (10)

T.A.3.10.3

मनवे तल्पम् । त्वष्ट्रेऽजाम् । पूष्णेऽविम् । निर्ऋत्या अश्वतरगर्दभौ ।
हिमवतो हस्तिनम् । गन्धर्वा-फ्सराभ्यः-स्रगलङ्करणे ।
विश्वेभ्यो देवेभ्यो धान्यम् । वाचेऽन्नम् । ब्रह्मण ओदनम् ।
समुद्रायापः । 17 (10)

T.A.3.10.4

उत्तानायाङ्गीरसायानः । वैश्वानराय रथम् । वैश्वानरः प्रलथा
नाकमारुहत् । दिवः पृष्ठं भन्दमानः सुमन्मभिः ।

तैत्तिरीय आरण्यकं— चातुर्होत्रचयनम् –(TA 3)

स पूर्ववज्जनयज्जन्तवे धनम् । समानमज्मा परियाति जागृविः ।

राजा त्वा वरुणो नयतु देवि दक्षिणे वैश्वानराय रथम् ।

तेनामृतत्वमश्याम् । वयो दात्रे । मयो मह्यमस्तु

प्रतिग्रहीत्रे () । 18 (10)

T.A.3.10.5

क इदं कस्मा अदात् । कामः कामाय । कामो दाता । कामः

प्रतिग्रहीता । कामं समुद्रमाविश । कामेन त्वा प्रतिगृह्णामि ।

कामैतत्ते । एषा ते काम दक्षिणा । उत्तानस्त्वाऽऽङ्गीरसः

प्रतिगृह्णातु । 19 (9)

(दाता - पुरुष - मापः - प्रतिग्रहीत्रे - +नव च) (A10)

3.1.11 अनुवाकं - 11

T.A.3.11.1

सुवर्णं घर्मं परिवेद वेनम् । इन्द्रस्यात्मानं दशधा चरन्तम् ।

अन्तः समुद्रे मनसा चरन्तम् । ब्रह्माऽन्वविन्दद् दशहोतारमर्णं ।

अन्तः प्रविष्टः शास्ता जनानाम् । ऐकः सन्बहुधा विचारः ।

शत॑ शु॒क्राणि॑ यत्रै॒कं भव॑न्ति । सर्वे॑ वेदा॒ यत्रै॒कं भव॑न्ति ।
 सर्वे॑ हो॒तारो॑ यत्रै॒कं भव॑न्ति । स॒ मान॑सीन॒ आत्मा॑
 ज॒नाना॑म् । 20 (10)

T.A.3.11.2

अ॒न्तः प्र॑विष्टः॒ शास्ता॑ ज॒नाना॑ सर्वा॒त्मा । सर्वाः॑ प्र॒जा यत्रै॒कं
 भव॑न्ति । चतु॑र्हो॒तारो॑ यत्र॒ सम्प॑दं गच्छ॑न्ति दे॒वैः ।
 स॒ मान॑सीन॒ आत्मा॑ ज॒नाना॑म् । ब्र॒ह्मेन्द्र॑मग्निं॒ जगतः॑ प्र॒तिष्ठा॑म् ।
 दि॒व आ॒त्मान॑ स॒वितारं॑ बृ॒हस्प॑तिम् । चतु॑र्हो॒तारं
 प्र॒दिशो॑ऽनु॒ क्लृ॑प्तम् । वा॒चो वी॑र्यं॒ तप॑साऽन्व॒विन्द॑त् । अ॒न्तः प्र॑विष्टं
 क॒र्तार॑मे॒तम् । त्वष्टा॑र॒ रूपा॑णि॒ विकु॑र्वन्तं॒ विप॑श्चिम् । 21 (10)

T.A.3.11.3

अ॒मृत॑स्य प्रा॒णं य॑ज्ञमे॒तम् । चतु॑र्हो॒तृणा॑मा॒त्मानं॑ क॒वयो॑ निचि॒क्युः ।
 अ॒न्तः प्र॑विष्टं क॒र्तार॑मे॒तम् । दे॒वानां॑ बन्धु॒ निहि॑तं गुहा॒सु ।
 अ॒मृते॑न क्लृ॒प्तं य॑ज्ञमे॒तम् । चतु॑र्हो॒तृणा॑मा॒त्मानं॑ क॒वयो॑ निचि॒क्युः ।
 श॒तं नि॒युतः॑ परि॒वेद॑ विश्वा॒ विश्व॑वारः । विश्व॑मिदं वृ॒णाति॑ ।

तैत्तिरीय आरण्यकं— चातुर्होत्रचयनम् –(TA 3)

इन्द्र॑स्यात्मा॑ नि॒हितः॑ पञ्च॑होता । अ॒मृतं॑ दे॒वाना॑मायुः

॥
प्र॒जाना॑म् । 22 (10)

T.A.3.11.4

इन्द्र॑ꣳ राजान॑ꣳ सवि॑तारमे॒तम् । वा॒यो॒रा॒त्मानं॑ क॒वयो॑ निचि॑क्युः ।

रश्मि॑ꣳ रश्मी॑नां मध्ये॑ तप॒न्तम् । ऋ॒तस्य॑ प॒दे क॒वयो॑ निपा॑न्ति ॥

य आ॑ण्डको॒शे भु॒वनं॑ बि॒भर्ति॑ । अ॒नि॒र्भि॒ण्णः॑ सन्न॒थ लो॒कान् वि॒चष्टे॑ ॥

यस्या॑ण्डको॒शꣳ शु॒ष्ममा॑हुः प्रा॒णमु॒ल्बम् । तेन॑ क्लृ॒प्तोऽमृ॑ते॒नाह॑मस्मि ।

सु॒वर्णं॑ को॒शꣳ रज॑सा॒ परी॑वृतम् । दे॒वानां॑ वसु॒धानीं॑

॥
विरा॑जम् । 23 (10)

T.A.3.11.5

अ॒मृत॑स्य पू॒र्णान्ता॑मु॒ कलां॑ वी॒चक्ष॑ते । पा॒दꣳ षड्ढो॑तुर्न॒ किला॑वि वि॒थ्से ।

येन॑र्तवः पञ्च॑धोत क्लृ॒प्ताः । उ॒त वा॑ षड्धा॒ मन॑सोत क्लृ॒प्ताः ।

तꣳ षड्ढो॑तारमृ॒तुभिः॑ क॒ल्प॑मानम् । ऋ॒तस्य॑ प॒दे क॒वयो॑ निपा॑न्ति ॥

अ॒न्तः प्र॑विष्टं क॒र्तार॑मे॒तम् । अ॒न्तश्च॑न्द्र॒मसि॑ मन॒सा च॑रन्तम् ।

सहैव सन्तं न विजानन्ति देवाः ।

इन्द्रस्यात्मानं शतधा चरन्तम् । 24 (10)

T.A.3.11.6

इन्द्रो राजा जगतो य ईशो । सप्तहोता सप्तधा विक्लृप्तः ।

परेण तन्तुं परिषिच्यमानम् । अन्तरादित्ये मनसा चरन्तम् । देवानां

हृदयं ब्रह्माऽन्वविन्दत् । ब्रह्मैतद्ब्रह्मण उज्जभार । अर्कं श्रोतन्तं

सरिरस्य मध्ये । आ यस्मिन्थसप्त पेरवः । मेहन्ति बहुलां

श्रियम् । बह्वश्वामिन्द्र गोमतीम् । 25 (10)

T.A.3.11.7

अच्युतां बहुलां श्रियम् । स हरिर्वसुवित्तमः । पेरुरिन्द्राय पिन्वते ।

बह्वश्वामिन्द्र गोमतीम् । अच्युतां बहुलां श्रियम् । मह्यमिन्द्रो

नियच्छतु । शतं शता अस्य युक्ता हरीणाम् । अर्वाडा यातु वसुभी

रश्मिरिन्द्रः । प्रमहमाणो बहुलां श्रियम् । रश्मिरिन्द्रः सविता

मे नियच्छतु । 26 (10)

T.A.3.11.8

घृ॒तं ते॒जो म॒धुम॑दिन्द्रि॒यम् । म॒य्यय॑मग्नि॒र्दधा॑तु । हरिः॑ प॒तङ्गः॑ प॒टरी
सु॒पर्णः॑ । दि॒वि॒क्षयो॑ नभ॒सा य ऐ॑ति । स न इन्द्रः॑ का॒मवरं॑ द॒दातु॑ ।
पञ्चा॑रं च॒क्रं परि॑वर्तते पृथु॑ । हि॒रण्य॑ज्योतिः॒ सरि॑रस्य म॒द्ध्ये॑ ।
अज॑स्रं ज्योति॒र्नभ॑सा सर्प॒देति॑ । स न इन्द्रः॑ का॒मवरं॑ द॒दातु॑ ।
सप्त॑ युञ्जन्ति रथमे॒कच॑क्रम् । 27 (10)

T.A.3.11.9

एको॑ अश्वो॒ वह॑ति सप्तना॒मा । त्रि॒नाभि॑ च॒क्रम॑जरम॒नर्व॑म् । येने॒मा
वि॒श्वा भु॑वनानि तस्थुः । भ॒द्रं प॑श्यन्त॒ उप॑सेदु॒रग्रे॑ । तपो॑ दी॒क्षामृ॑षयः
सु॒वर्वि॑दः । ततः॑ क्ष॒त्रं ब॒लमो॑जश्च जा॒तम् । तद॒स्मै दे॒वा अ॒भि सं
न॑मन्तु । श्वे॒तꣳ र॒श्मिं बो॑भुज्यमा॒नम् । अ॒पां ने॒तारं॑ भुवनस्य गो॒पाम् ।
इन्द्रं॑ निचि॒क्युः पर॑मे व्योमन् । 28 (10)

T.A.3.11.10

रोहि॑णीः पिङ्ग॒ला ऐ॑करूपाः । क्षर॑न्तीः पिङ्ग॒ला ऐ॑करूपाः ।
श॒तꣳ स॒हस्रा॑णि प्र॒युता॑नि ना॒व्याना॑म् । अ॒यं यँश्चे॒तो र॒श्मिः ।

परि॑ सर्व॒मिदं॑ जगत् । प्र॒जां प॒शून् ध॒नानि॑ । अ॒स्माकं॑ ददातु ।
 श्वेतो॑ रश्मिः॒ परि॑ सर्वं॑ बभूव । सु॒वन्म॑ह्यं प॒शून् विश्व॑रूपान् ।
 पत॑ङ्गम॒क्तम॑सुरस्य॒ मायया॑ ॥ 29 (10)

T.A.3.11.11

हृदा॑ पश्यन्ति॒ मनसा॑ मनी॒षिणः॑ । स॒मुद्रे॑ अ॒न्तः क॒वयो॑ विचक्षते ।
 मरी॑चीनां पदमिच्छन्ति॒ वेध॑सः । पत॑ङ्गो वाचं॒ मनसा॑ बिभर्ति ।
 तां ग॑न्धर्वो॒ऽवदद् गर्भे॑ अ॒न्तः । तां द्योत॑माना॒ऽस्वर्यं॑ मनीषाम् ।
 ऋ॒तस्य॑ पदे क॒वयो॑ निपा॒न्ति ॥ ये॒ ग्राम्याः॑ प॒शवो॑ विश्व॒रूपाः॑ ।
 वि॒रूपाः॑ सन्तो बहु॒धैकरू॑पाः । अ॒ग्निस्ता॑ अ॒ग्रे
 प्र॒मुमो॑क्तु दे॒वः ॥ 30 (10)

T.A.3.11.12

प्र॒जाप॑तिः प्र॒जया॑ सम्॒विदानः॑ । वी॒तऽस्तु॑केस्तुके । यु॒वम॑स्मासु
 निय॑च्छतम् । प्र॒प्र य॑ज्ञपतिं॒ तिर । ये॒ ग्राम्याः॑ प॒शवो॑ विश्व॒रूपाः॑ ।
 वि॒रूपाः॑ सन्तो बहु॒धैकरू॑पाः । तेषा॑ऽस॒प्ताना॑मिह रन्तिरस्तु ।
 रा॒यस्पो॑षाय सु॒प्रजा॑स्त्वाय सु॒वीर्या॑य । य आ॑रण्याः प॒शवो॑

विश्वरूपाः । विरूपाः सन्तो बहुधैकरूपाः () । 31 (10)

T.A.3.11.13

वायुस्ता॒ अग्रे॑ प्रमु॒मोक्तु॑ देवः । प्रजा॑पतिः प्रजया॑ सम्॒वदानः॑ ।
इडा॑यै सृ॒प्तं घृ॒तव॑च्चराचरम् । देवा॑ अन्वविन्दन्गुहा॑ हितम् ।
य आ॑रण्याः पश॒वो विश्व॑रूपाः । विरू॑पाः सन्तो॑ बहु॒धैकरू॑पाः ।
तेषा॑ स॒प्ताना॑मिह रन्तिरस्तु । रा॒यस्पोषा॑य सुप्रजा॒स्त्वाय॑
सु॒वीर्या॑य । 32 (8)

(आ॒त्मा जना॑नां - वि॒कुर्वन्तं॑ वि॒पश्चिं - प्रजा॑नां - वसु॒धानीं॑
वि॒राजं - चर॑न्तं - गो॒मतीं - मे॒ निय॑च्छ - त्वेक॑चक्रं - व्यो॑मन्
- मा॒यया॑ - दे॒व - ए॒करू॑पा - +अ॒ष्टौ च) (A11)

3.1.12 अनुवाकं - 12

T.A.3.12.1

सहस्र॑शीर्षा पु॒रुषः॑ । सहस्रा॑क्षः सहस्र॑पात् । स भूमिं॑ विश्वतो॑
वृ॒त्वा । अत्य॑तिष्ठद्-दशाङ्गु॒लम् । पु॒रुष॑ ऐवेद॒ सर्व॑म् ।
यद्-भू॒तं यच्च॑ भव्यम् । उ॒तामृ॑तत्वस्येशानः॑ । यद॒न्नेना॑तिरोहति ।

ए॒ता॒वा॒न॒स्य॑ म॒हि॒मा । अ॒तो॒ ज्या॒या॒ञ्च॑ पू॒रु॒षः । 33 (10)

T.A.3.12.2

पा॒दो॑ऽस्य॑ वि॒श्वा॑ भू॒तानि॑ । त्रि॒पा॒द॒स्या॒मृतं॑ दि॒वि । त्रि॒पा॒दूर्ध्व॑ उ॒दै॒त्पु॒रु॒षः ।
पा॒दो॑ऽस्ये॒हा॒भवा॑त् पु॒नः । ततो॑ वि॒ष्व॒ङ् व्य॑क्रामत् । सा॒श॒ना॒न॒श॒ने
अ॒भि । तस्मा॑द् वि॒रा॒डजा॑यत । वि॒रा॒जो॒ अधि॑ पू॒रु॒षः ।

स जा॒तो अत्य॑रिच्यत । प॒श्चा॑द् भू॒मि॒मथो॑ पु॒रः । 34 (10)

T.A.3.12.3

यत्पु॒रु॒षेण॑ ह॒विषा॑ ॥ दे॒वा य॒ज्ञ॒म॒त॒न्व॒त । व॒स॒न्तो अ॑स्या॒सी॒दा॒ज्य॑म् ।
ग्री॒ष्म इ॒ध्मः श॑र॒द्ध॒विः । स॒प्ता॒स्या॒सन् परि॑धयः । त्रिः स॒प्त स॒मि॒धः
कृ॒ताः । दे॒वा यद्-य॒ज्ञं त॑न्वा॒नाः । अब॑ध्नन् पु॒रु॒षं प॒शु॒म् ।
तं य॒ज्ञं ब॑र्हिषि प्रौ॒क्षन् । पु॒रु॒षं जा॒त॒म॒ग्र॒तः । 35 (10)

T.A.3.12.4

तेन॑ दे॒वा अ॑य॒जन्त॑ । सा॒ध्या ऋ॑षयश्च॒ ये । तस्मा॑द् य॒ज्ञा॒थ् सर्व॑हु॒तः ।
स॒म्भृ॑तं पृष॒दा॒ज्य॑म् । प॒शू॒स्ता॒श्च॒क्रे वा॑य॒व्यान् । आ॒र॒ण्यान् ग्रा॒म्याश्च॑
ये । तस्मा॑द् य॒ज्ञा॒थ् सर्व॑हु॒तः । ऋ॒चः सा॒मानि॑ ज॒ज्ञिरे॑ ।
छ॒न्दा॑सि॒ ज॒ज्ञिरे॑ तस्मा॑त् । य॒जु-स्त॑स्मा॒दजा॑यत । 36 (10)

T.A.3.12.5

तस्मादश्वा॑ अजायन्त॑ । ये के॑ चो॒भयाद॑तः । गावो॑ ह ज॒ज्ञिरे॑ तस्मात्॑ ॥
 तस्मा॑ ज्जा॒ता अजा॑वयः । यत् पुरु॑षं व्य॒दधुः॑ । क॒तिधा व्य॑कल्पयन् ।
 मुखं॑ कि॒मस्य॑ कौ॒ बाहू॑ । का॒वूरू॑ पा॒दावु॑च्येते ।
 ब्रा॒ह्मणो॑ऽस्य॑ मुख॒मासीत्॑ । बा॒हू राज॑न्यः कृ॒तः । 37 (10)

T.A.3.12.6

ऊ॒रू तद॑स्य॒ यद्-वैश्यः॑ । प॒द्भ्याञ् शू॒द्रो अजा॑यत । च॒न्द्रमा॑ मन॒सो
 जा॑तः । च॒क्षोः सूर्यो॑ अजायत । मु॒खादि॑न्द्रश्चा॒ग्निश्च॑ । प्रा॒णाद्
 वा॒युरजा॑यत । ना॒भ्या आ॑सीदन्त॒रिक्ष॑म् । शी॒र्ष्णो द्यौः॑ सम॒वर्त॑त ।
 प॒द्भ्यां भूमि॑र् दि॒शः श्रो॑त्रात् ॥ तथा॑ लो॒काञ् अ॑कल्पयन् । 38 (10)

T.A.3.12.7

वेदा॑हमे॒तं पुरु॑षं म॒हान्त॑म् ॥ आ॒दित्य॑व॒र्णं तम॑सस्तु॒ पारे॑ ।
 सर्वा॑णि रू॒पाणि॑ वि॒चित्य॑ धी॒रः । नामा॑नि कृ॒त्वाऽभि॑वदन्॒ यदा॑स्ते ॥
 धा॒ता पु॒रस्ता॑द्यमु॒दाज॑हार । श॒क्रः प्र॑विद्वान् प्र॒दिश॑श्चत॒स्रः ।
 तमे॒वं वि॑द्वानमृ॒त इ॒ह भ॑वति । नान्यः प॒न्था अ॑यनाय विद्यते ।

य॒ज्ञेन॑ य॒ज्ञम॑यजन्त दे॒वाः । तानि॑ ध॒र्माणि॑ प्रथ॒मान्या॑सन् () ।
 ते ह॒ नाकं॑ म॒हिमानः॑ सचन्ते । यत्र॑ पूर्वे॑ सा॒ध्याः
 सन्ति॑ दे॒वाः । 39 (12) (पुरु॑षः – पुरो॑ – ऽग्रतो॑ – ऽजायत –
 कृ॒तो – ऽकल्प॑यन् – नासन् द्वे च) (A12)

Special Korvai

(ज्या॒यानधि॑ पू॒रुषः) (अ॒न्यत्र॑ पु॒रुषः)

3.1.13 अनुवाकं – 13

T.A.3.13.1

अद्भ्यः॑ सम्भू॒तः पृथि॑व्यै रसा॑च्च । विश्व॑कर्मणः॒ सम॑वर्तताधि ।
 तस्य॑ त्वष्टा॒ विदध॑द्-रूपमेति । तत् पुरु॑षस्य विश्व॑माजा॒नमग्रे॑ ।
 वेदा॑हमेतं पुरु॑षं महान्त॑म् । आ॒दित्य॑वर्णं॒ तमसः॑ परस्तात् । तमे॒वं
 विद्वान॑मृत इह भवति । नान्यः॑ पन्था॒ विद्यते॑ऽयनाय । प्र॒जाप॑तिश्चरति
 गर्भे॑ अन्तः । अजा॑यमानो बहु॒धा विजा॑यते । 40 (10)

T.A.3.13.2

तस्य॑ धीराः परि॑जानन्ति योनि॑म् । मरी॑चीनां प॒दमि॑च्छन्ति वे॒धसः॑ ।
 यो दे॒वेभ्य॑ आ॒तप॑ति । यो दे॒वानां॑ पु॒रोहि॑तः । पूर्॒वो यो दे॒वेभ्यो॑ जा॒तः ।

तैत्तिरीय आरण्यकं— चातुर्होत्रचयनम् –(TA 3)

नमो॑ रु॒चाय॑ ब्रा॒ह्मये॑ । रु॒चं ब्रा॒ह्मं ज॒नय॑न्तः । दे॒वा अ॒ग्रे तद॑ब्रुवन् ।
यस्त्वै॑वं ब्रा॒ह्मणो॑ वि॒द्यात् । तस्य॑ दे॒वा अस॑न्वशे () । ह्रीश्च॑ ते
लक्ष्मी॑श्च पत्न्यौ॑ । अ॒होरा॑त्रे पा॒र्श्वे । नक्ष॑त्राणि रू॒पम् । अ॒श्विनौ
व्या॑त्तम् । इ॒ष्टं म॑निषाण । अ॒मुं म॑निषाण । सर्वं॑ म॒निषा॑ण । 41 (17)

(जा॒यते॑ – व॒शे स॑प्त च) (A13)

3.1.14 अनुवाकं – 14

T.A.3.14.1

भ॒र्ता स॑न् भ्रि॒यमा॑णो बि॒भर्ति॑ । ए॒को दे॒वो बहु॑धा नि॒विष्टः॑ । यदा॑ भा॒रं
तन्द्र॑यते स भ॒र्तुम् । नि॒धाय॑ भा॒रं पु॒नर॑स्तमेति । तमे॒व मृ॒त्युम॑मृतं
तमा॑हुः । तं भ॒र्तारं॑ तमु॒ गो॒प्तार॑माहुः । स भृ॒तो भ्रि॒यमा॑णो बि॒भर्ति॑ ।
य ए॒नं वैद॑ स॒त्येन॑ भ॒र्तुम् । सद्यो॑ जा॒तमु॑त जहा॒त्येषः॑ ।

उतो॑ ज॒रन्तं॑ न जहा॒त्येक॑म् । 42 (10)

T.A.3.14.2

उतो॑ ब॒हूने॑कम॒हर्ज॑हार । अ॒तन्द्रो॑ दे॒वः स॒दमे॒व प्रा॑र्थः । यस्त॒द्वेद॑ यत
आ॒बभू॑व । स॒न्धां च॒ याञ् स॑न्द॒धे ब्र॑ह्मणै॒षः । र॒मते॑ तस्मि॒न्नुत॑ जी॒र्णे

शयाने । नैनं जहात्यहस्सु पूर्वेषु । त्वामापो अनु सर्वाश्चरन्ति
जानतीः । वथ्सं पयसा पुनानाः । त्वमग्निं हव्यवाहं समिन्थसे ।
त्वं भर्ता मातरिश्वा प्रजानाम् । 43 (10)

T.A.3.14.3

त्वं यज्ञस्त्वमु वेवासि सोमः । तव देवा हवमायन्ति सर्वे ।
त्वमेकोऽसि बहूनुप्रविष्टः । नमस्ते अस्तु सुहवो म एधि ।
नमो वामस्तु शृणुतं हवं मे । प्राणापानावजिरं संचरन्तौ । ह्वयामि
वां ब्रह्मणा तूर्तमेतम् । यो मां द्वेष्टि तं जहि तं युवाना । प्राणापानौ
सम्विदानौ जहितम् । अमुष्यासुना मा संगसाथां () । 44 (10)

T.A.3.14.4

तं मे देवा ब्रह्मणा सम्विदानौ । वधाय दत्तं तमहं हनामि ।
असज्जजान सत आबभूव । यं यं जजान स उ गोपो अस्य ।
यदा भारं तन्द्रयते स भर्तुम् । परास्य भारं पुनरस्तमेति ।
तद्वै त्वं प्राणो अभवः । महान्भोगः प्रजापतेः । भुजः करिष्यमाणः ।
यद्देवान्प्राणयो नव () । 45 (10)

(एकं – प्रजानां – गसाथां – नव) (A14)

3.1.15 अनुवाकं – 15

T.A.3.15.1

हरि॑ हर॒न्तमनु॑यन्ति दे॒वाः । विश्व॑स्येशानं वृ॒षभं॑ म॒तीनाम् ।
 ब्र॒ह्म स॒रूप॑मनु मे॒दमा॑गात् । अ॒यनं॑ मा वि॒वधी॑र् वि॒क्रम॑स्व ।
 माच्छि॑दो मृ॒त्यो मा व॑धीः । मा मे॒ बलं॑ वि॒वृहो॑ मा प्र॒मोषीः॑ ।
 प्र॒जां मा मे॑ री॒रिष॑ आयु॒रुग्र॑ । नृ॒चक्ष॑सं त्वा ह॒विषा॑ वि॒धेम॑ ।
 सद्य॑श्च॒कमा॑नाय । प्र॒वेपाना॑य मृ॒त्यवे॑ ॥ 46 (10)

T.A.3.15.2

प्रा॒स्मा आ॑शा अ॒शृण्व॑न् । का॒मेना॑जन॒यन् पु॑नः । का॒मेन॑ मे॒ काम॑
 आ॑गात् । हृ॒दया॑द्बृ॒हृद॑यं मृ॒त्योः । यद॑मी॒षाम॑दः प्रि॒यम् ।
 तद॑तू॒प मा॑म॒भि । परं॑ मृ॒त्यो अनु॑ परे॒हि प॑न्थाम् ।
 यस्ते॑ स्व इ॒तरो॑ दे॒व्याना॑त् । चक्षु॑ष्मते शृण्व॒ते ते॑ ब्रवी॒मि । मा नः॑
 प्र॒जां री॑रिषो॒ मोत॑ वी॒रान् () । प्र॒पूर्व्यं॑ म॒नसा॑ व॒न्दमा॑नः ।
 ना॑ध॒मानो॑ वृ॒षभं॑ च॒र्षणी॑नाम् । यः प्र॒जाना॑मे॒करा॑ण्मा॒नुषी॑णाम् ।

मृत्युं यजे प्रथमजामृतस्य । 47 (14) (मृत्यवे - वीराञ्चत्वारि च)
(A15)

3.1.16 अनुवाकं - 16

T.A.3.16.1

तरणिर् विश्वदर्शतो ज्योतिष्कृदसि सूर्य । विश्वमाभासि रोचनम् ।
उपयामगृहीतोऽसि सूर्याय त्वा भ्राजस्वत एष ते योनिः सूर्याय
त्वा भ्राजस्वते । 48 (3)

(No Korvai for this Anuvaakam) (A16)

3.1.17 अनुवाकं - 17

T.A.3.17.1

आ प्यायस्व मदिन्तम सोम विश्वाभिरूतिभिः ।
भवा नः सप्रथस्तमः । 49 (2)

(No Korvai for this Anuvaakam) (A17)

3.1.18 अनुवाकं - 18

T.A.3.18.1

ईयुष्टे ये पूर्वतरामपश्यन् व्युच्छन्तीमुषसं मर्त्यासः । अस्माभिरू
नु प्रतिचक्ष्याऽभूदो ते यन्ति ये अपरीषु पश्यान् । 50 (2)

(No Korvai for this Anuvaakam) (A18)

3.1.19 अनुवाकं - 19

T.A.3.19.1

ज्योतिष्मतीं॑ त्वा सादयामि॑ ज्योतिष्कृतं॑ त्वा सादयामि॑ ज्योतिर्विदं॑
 त्वा सादयामि॑ भास्वतीं॑ त्वा सादयामि॑ ज्वलन्तीं॑ त्वा सादयामि॑
 मल्मलाभवन्तीं॑ त्वा सादयामि॑ दीप्यमानां॑ त्वा सादयामि॑ रोचमानां॑
 त्वा सादयाम्यजस्रां॑ त्वा सादयामि॑ बृहज्ज्योतिषं॑ त्वा सादयामि॑
 बोधयन्तीं॑ त्वा सादयामि॑ जाग्रतीं॑ त्वा सादयामि॑ । 51 (1)

(No Korvai for this Anuvaakam) (A19)

3.1.20 अनुवाकं - 20

T.A.3.20.1

प्रयासाय॑ स्वाहाऽऽयासाय॑ स्वाहा॑ वियासाय॑ स्वाहा॑ सम्यासाय॑
 स्वाहोद्यासाय॑ स्वाहाऽवयासाय॑ स्वाहा॑ शुचे॑ स्वाहा॑ शेकाय॑ स्वाहा॑
 तप्यत्वै॑ स्वाहा॑ तपते॑ स्वाहा॑ ब्रह्महत्यायै॑ स्वाहा॑ सर्वस्मै॑
 स्वाहा॑ । 52 (1) *(No Korvai for this Anuvaakam) (A20)*

3.1.21 अनुवाकं - 21

T.A.3.21.1

चित्तं॑ सन्तानेन॑ भयं॑ क्ना रुद्रं॑ तनिम्ना॑ पशुपतिं॑ स्थूलहृदयेनाग्निं॑

तैत्तिरीय आरण्यके तृतीयः प्रपाठकः – (TA 3)

हृदयेन रुद्रं लोहितेन शर्वं मतस्नाभ्यां महादेवमन्तः पार्श्वेनौषिष्ठहनञ्
शिङ्गीनिकोश्याभ्याम् । 53 (1)

(No Korvai for this Anuvaakam) (A21)

Prapaataka Korvai with starting Padams of 1 to 21 Anuvaakams :-

(चित्तिः – पृथि – व्यग्निः – सूर्यं ते चक्षुर् – महाहविरु. होता –
वाग्घोता – ब्राह्मण एकहोता – ऽग्निर्यजुर्भिः – सेनेन्द्रस्य –
देवस्य – सुवर्णं घर्मञ् – सहस्रशीर्षा – ऽद्भ्यो – भर्ता –
हरिं – तरणि – राप्याय – स्वोयुष्टे ये – ज्योतिष्मतीं –
प्रयासाय – चित्त मेकविञ्शतिः)

Korvai with starting Padams of 1, 11, 21 Series of Dasinis :-

(चित्ति – रग््निर्यजुर्भिः – रन्तः प्रविष्टः – प्रजापति – स्तस्य धीरा
– ज्योतिष्मतीं त्रिपञ्चाशत्)

तैत्तिरीय आरण्यकं— चातुर्होत्रचयनम् –(TA 3)

First and Last Padam in TA, 3rd Prapaatakam :-

(चित्तिः – शिङ्गीनिकोश्याभ्यां)

हरिः ओम् ।

। कृष्ण यजुर्वेदीय तैत्तिरीय ब्राह्मणे आरण्यके तृतीयः प्रपाठकः

समाप्तः ।

Details of Dasini & Vaakyams for – Prapaatakam 3 – TA 3

	Dasini	Vaakyams
Anuvakam 1	1	15
Anuvakam 2	1	10
Anuvakam 3	1	8
Anuvakam 4	1	9
Anuvakam 5	1	13
Anuvakam 6	1	9
Anuvakam 7	4	40
Anuvakam 8	2	21
Anuvakam 9	2	26
Anuvakam 10	5	49
Anuvakam 11	13	128
Anuvakam 12	7	72
Anuvakam 13	2	27
Anuvakam 14	4	40
Anuvakam 15	2	24

तैत्तिरीय आरण्यके तृतीयः प्रपाठकः – (TA 3)

Anuvakam 16	1	3
Anuvakam 17	1	2
Anuvakam 18	1	2
Anuvakam 19	1	1
Anuvakam 20	1	1
Anuvakam 21	1	1
Total →	53	501

Total as per grantha books Anuvaakam 21	53	Not given
---	----	-----------

4 कृष्ण यजुर्वेदीय तैत्तिरीय आरण्यके प्रथमः प्रपाठकः

4.1 चतुर्थः प्रपाठकः – पितृमेधमन्त्राः

4.1.1 अनुवाकम् - 1

T.A.4.1.1

परेयुवा॑स्म॒ प्र॒वतो॑ म॒हीर॑नु॒ बहु॒भ्यः॑ पन्था॑मनपस्प॒शान॑म् ।
वैव॑स्वत॒ सङ्ग॑मनम्॒ जनाना॑म् य॒म॒ राजान॑ ह॒विषा॑ दुवस्यत ।
इद॑म् त्वा व॒स्त्रम्॑ प्रथ॒मं न्वाग॑न्नपैत॒दूह॑ यदिहा॒बिभः॑ पु॒रा ।
इ॒ष्टापूर्त॑मनु॒ संप॑श्य दक्षि॒णाम् यथा॑ ते दत्त॑म् बहु॒धा वि ब॑न्धुषु ।
इ॒मौ यु॑नज्मि ते व॒ही अ॑सुनीथाय वो॒ढवे॑ ॥ याभ्या॑म् य॒मस्य॑ सा॒दन॑
सु॒कृता॑म् चापि गच्छतात् । पू॒षा त्वे॑तश्श्यावयतु प्रवि॒द्वा-न॑नष्टप॒शुर्-
भुव॑नस्य गो॒पाः । स त्वै॑तेभ्यः परिददात् पितृ॒भ्योऽग्नि॑र्दे॒वेभ्यः॑
सु॒विद॑त्रेभ्यः । पू॒षेमा॑ आ॒शा अनु॑वेद सर्वाः सो अ॒स्मा॑ अ॒भय॑तमेन
नेष॑त् । स्व॒स्ति॒दा अ॑घृ॒णिः सर्व॑वीरो-ऽप्र॒युच्छ॑न्पुर ए॒तु प्र॑वि॒द्वा॒न् । 1 (10)

T.A.4.1.2

आयु॑र्-वि॒श्वायुः॑ परिपासति त्वा पू॒षा त्वा पा॑तु प्र॒पथे॑ पु॒रस्ता॑त् ॥
यत्रा॑सते सु॒कृतो॑ यत्र ते ययु॑स्तत्र त्वा दे॒वः स॒विता॑ दधातु । भुव॑नस्य

पत इदं हविः । अग्नये रयिमते स्वाहा । पुरुषस्य सयावर्यपेदघानि
मृज्महे । यथा नो अत्र नापरः पुरा जरस आयति । पुरुषस्य
सयावरि वि ते प्राणमसि स्रसम् । शरीरेण महीमिहि स्वधयेहि
पितृनुप प्रजयाऽस्मानिहावह । मैवम् माऽस्ता प्रियेऽहम् देवी सती
पितृलोकम् यदैषि । विश्ववारा नभसा सम्व्ययन्त्युभौ नो लोकौ
पयसाऽभ्याववृथस्व । 2 (10)

T.A.4.1.3

इयम् नारी पतिलोकम् वृणाना निपद्यत उप त्वा मर्त्य प्रेतम् । विश्वम्
पुराणमनु पालयन्ती तस्यै प्रजाम् द्रविणम् चेह धेहि । उदीर्ष्व नार्य
भि जीवलोकमितासुमेतमुपशेष एहि । हस्तग्राभस्य दिधिषोस्त्वमेतत्
पत्युर्जनित्वमभि संबभूव । सुवर्णं हस्तादाददाना मृतस्य श्रियै
ब्रह्मणे तेजसे बलाय । अत्रैव त्वमिह वयं सुशेवा
विश्वाः स्पृधो अभिमातीर्जयेम । धनुर् हस्तादाददाना मृतस्य श्रियै
क्षत्रायौजसे बलाय । अत्रैव त्वमिह वयं सुशेवा विश्वाः स्पृधो
अभिमातीर्जयेम । मणिं हस्तादाददाना मृतस्य श्रियै विशे पुष्यै

बलाय । अत्रैव त्वमिह वयं सुशेवा विश्वाः स्पृधो

अभिमातीर्जयेम । 3 (10)

T.A.4.1.4

इममग्ने चमसम् मा विजीह्वरः प्रियो देवानामुत सोम्यानाम् ।

एष यश्चमसो देवपानस्तस्मिन् देवा अमृता मादयन्ताम् । अग्नेर्वर्म

परि गोभिर्व्ययस्व संप्रोर्णुष्व मेदसा पीवसा च । नेत्वा धृष्णुर्.

हरसा जर्हृषाणो दधद्-विधक्ष्यन्-पर्यङ्घ्यातै । मैमग्ने विदहो

माऽभिज्ञोचो माऽस्य त्वचम् चिक्षिपो मा शरीरम् । यदा शृतम् करवो

जातवेदोऽथेमेनम् प्रहिणुतात् पितृभ्यः । शृतम् यदा करसि

जातवेदोऽथेमेनम् परिदत्तात् पितृभ्यः । यदा गच्छात्यसुनीतिमेतामथा

देवानाम् वशनीर्भवाति । सूर्यम् ते चक्षुर्-गच्छतु वातमात्मा द्याम्

च गच्छ पृथिवीम् च धर्मणा । अपो वा गच्छ यदि तत्र ते

हितमोषधीषु प्रतितिष्ठा शरीरैः () । अजो भागस्तपसा तम् तपस्व

तम् ते शोचिस्तपतु तम् ते अर्चिः । यास्ते शिवास्तनुवो

जा॒तवे॒दस्ता॑भिर्-व॒हेम॑ सु॒कृता॑म् यत्र॑ लो॒काः । अ॒यम् वै
त्व॒मस्मा॑दधि॒ त्वमे॑तदयम् वै तद॒स्य यो॑निर॒सि । वैश्वान॑रः पु॒त्रः पि॒त्रे
लो॒ककृ॑-जा॒तवे॒दो व॒हेम॑ सु॒कृता॑म् यत्र॑ लो॒काः । 4 (14)

(वि॒द्वा-न॑भ्याव॒वृथ्स्वा - भि॑मा॒तीर्ज॑येम - शरी॑रैश्च॒त्वारि॑ च) (A1)

4.1.2 अनुवाकम् - 2

T.A.4.2.1

य ए॒तस्य॑ प॒थो गो॑प्तार॒स्तेभ्यः॑ स्वाहा॒ य ए॒तस्य॑ प॒थो र॑क्षितार॒स्तेभ्यः॑
स्वाहा॒ य ए॒तस्य॑ प॒थोऽभि॑रक्षितार॒स्तेभ्यः॑ स्वाहाऽऽख्या॑त्रे
स्वाहाऽपा॑ख्या॒त्रे स्वाहाऽभि॑लाल॒पते॑ स्वाहाऽप॑लाल॒पते॑ स्वाहाऽग्नये॑
क॒र्मकृ॑ते स्वाहा॒ यम॑त्र॒ नाधी॑मस्तस्मै॒ स्वाहा॑ । यस्त॑ इ॒द्धम् ज॑भरथ्
सि॒ध्विदा॑नो मूर्धा॒नम् वा॑ तत॒पते॑ त्वाया । दि॒वो वि॑श्वस्मात् सी॒मघा॑यत
उ॒रुष्यः॑ । अ॒स्मात्त्व॑मधि॒ जातो॑ऽसि॒ त्वद॑यम् जा॒यता॑म् पु॒नः ।
अ॒ग्नये॑ वैश्वान॒राय॑ सु॒वर्गा॑य लो॒काय॑ स्वाहा ॥ 5 (5)

(य ए॒तस्य॑ त्वत् पञ्च) (A2)

4.1.3 अनुवाकम् - 3

T.A.4.3.1

प्र॒ के॒तु॒ना॑ बृ॒ह॒ता॑ भा॒त्य॒ग्नि॒रा॒विर्-वि॒श्वानि॑ वृ॒ष॒भो॑ रो॒र॒वी॒ति॑ ।
 दि॒वश्चि॒दन्ता॑दु॒प॒ मा॒मु॒दान॑ड॒पा॒मु॒प॒स्थे॑ म॒हि॒षो॑ वव॒र्ध॑ । इ॒दं॒त॒ एक॑म् पर
 ऊ॒त॒ एक॑म् तृ॒ती॒ये॒न॑ ज्यो॒ति॒षा॑ स॒म्वि॑शस्व । स॒म्वे॑श॒नस्त॒नु॒वै
 चा॒रु॒रे॒धि॑ प्रि॒यो॒ दे॒वा॒ना॒म्॑ पर॒मे॒ स॒ध॒स्थे॑ ॥ ना॒के॑ सु॒पर्ण॑मु॒प॒ यत्
 प॒त॒न्त॑ हृ॒दा॒ वे॒न॒न्तो॑ अ॒भ्य॒च॒क्ष॒त॒ त्वा॑ । हि॒र॒ण्य॑प॒क्ष॒म् व॑रु॒ण॒स्य॑ दू॒त॒म्
 य॑म॒स्य॑ यो॒नौ॑ श॒कु॒न॒म् भु॑र॒ण्यु॒म् । अ॒ति॒द्र॒व॑ सा॒र॒मे॒यौ॑ श्वा॒नौ॑ च॒तु॒र॒क्षौ॑
 श॒ब॒लौ॑ सा॒धु॒ना॑ प॒था॑ । अ॒था॑ पि॒तृ॒न्थ् सु॑वि॒द॒त्रा॑ अपी॒हि॑ य॒मे॒न
 ये॑ स॒ध॒मा॒द॒म् म॑द॒न्ति॑ । यौ॒ ते॒ श्वा॒नौ॑ य॒म॒ र॒क्षि॒ता॒रौ॑ च॒तु॒र॒क्षौ॑ प॒थि॒र॒क्षी॑
 नृ॒च॒क्ष॒सा॑ । ता॒भ्या॑ राज॒न् परि॑ दे॒ह्ये॒न॑ स्व॒स्ति॑ चा॒स्मा॑ अ॒न॒मी॒व॒म्
 च॑ धे॒हि॑ । 6 (10)

T.A.4.3.2

उ॒रु॒ण॒सा-व॑सु॒तृ॒पा-वु॒लु॒म्ब॒लौ॑ य॒म॒स्य॑ दू॒तौ॑ च॒र॒तो॑ व॒शा॑ अनु॑ ।
 ता॒व॒स्म॒भ्य॑म् दृ॒श॒ये॑ सू॒र्या॑य पु॒न॒र्द॒त् ता॒व॒सु॒म॒द्ये॒ह॑ भ॒द्र॒म् ।

सोम एकेभ्यः पवते घृतमेक उपासते । येभ्यो मधु प्रधावति
 ता७-श्विदेवापिगच्छतात् । ये युद्ध्यन्ते प्रधनेषु शूरासो ये तनुत्यजः ।
 ये वा सहस्रदक्षिणास्ता७ श्विदेवापिगच्छतात् । तपसा ये
 अनाधृष्या-स्तपसा ये सुवर्गताः । तपो ये चक्रिरे महत् ता७-
 श्विदेवापिगच्छतात् । अश्मन्वती रेवतीः स७रभध्व-मुत्तिष्ठत प्रतरता
 सखायः । अत्रा जहाम ये असन्नशेवाः शिवान् वयमभि
 वाजानुत्तरेम । 7 (10)

T.A.4.3.3

यद्वै देवस्य सवितुः पवित्रं सहस्रधारम् विततमन्तरिक्षे ।
 येनापुनादिन्द्रमनार्त-मात्यै तेनाहम् मा७ सर्वतनुम् पुनामि ।
 या राष्ट्रात् पन्नादप यन्ति शाखा अभिमृता नृपतिमिच्छमानाः ।
 धातुस्ताः सर्वाः पवनेन पूताः प्रजयाऽस्मान्-रय्या वर्चसा
 स७सृजाथ । उद्वयम् तमसस्परि पश्यन्तो ज्योतिरुत्तरम् ।
 देवम् देवत्रा सूर्यमगन्म ज्योतिरुत्तमम् । धाता पुनातु सविता पुनातु ।
 अग्नेस्तेजसा सूर्यस्य वर्चसा । 8 (8)

(धे - ह्युत्तरे - माष्टौ च) (A3)

4.1.4 अनुवाकम् - 4

T.A.4.4.1

यम् ते अग्निममन्थाम वृषभायेव पक्तवे । इमम् तञ् शमयामसि
क्षीरेण चोदकेन च । यन्त्वमग्ने समदहस्त्वमु निर्वापया पुनः ।
क्याम्बूरत्र जायताम् पाकदूर्वा व्यल्कशा । शीतिके शीतिकावति
ह्लादुके ह्लादुकावति । मण्डूक्या सुसङ्गमयेमञ् स्वग्निञ् शमय ।
शन्ते धन्वन्या आपः शमु ते सन्त्वनूक्याः । शम् ते समुद्रिया आपः
शमु ते सन्तु वर्ष्याः । शम् ते स्रवन्ती-स्तनुवे शमु ते सन्तु
कूप्याः । शम् ते नीहारो वर्षतु शमु पृष्वाऽवशीयताम् । 9 (10)

T.A.4.4.2

अव सृज पुनरग्ने पितृभ्यो यस्त आहुतश्चरति स्वधाभिः ।
आयुर्वसान उप यातु शेषञ् सङ्गच्छताम् तनुवा जातवेदः ।
सङ्गच्छस्व पितृभिः सञ् स्वधाभिः समिष्टापूर्तेन परमे व्योमन् ।
यत्र भूम्यै वृणसे तत्र गच्छ तत्र त्वा देवः सविता दधातु ।

यत्ते कृष्णः शकुन आतुतोद पिपीलः सर्प उत वा श्वापदः ।
 अग्निष्टद्-विश्वादनृणम् कृणोतु सोमश्च यो ब्राह्मणमाविवेश ।
 उत्तिष्ठात-स्तनुवञ् सम्भरस्व मेह गात्रमवहा मा शरीरम् । यत्र भूम्यै
 वृणसे तत्र गच्छ तत्र त्वा देवः सविता दधातु । इदम् त एकम् पर
 ऊत एकम् तृतीयेन ज्योतिषा सम्विशस्व । सम्वेशन-स्तनुवै
 चारुरेधि प्रियो देवानाम् परमे सधस्थे () । उत्तिष्ठ प्रेहि प्रद्रवौकः
 कृणुष्व परमे व्योमन् । यमेन त्वम् यम्या सम्विदानोत्-तमम्
 नाकमधि रोहेमम् । "अश्मन्वती रेवतीर्{36}" "यद्वै देवस्य सवितुः
 पवित्रम्{37}" "या राष्ट्रात् पन्ना{38}" "दुद्वयम् तमसस्परि{39}"
 "धाता पुनातु{40}" । अस्मात्त्वमधि जाताऽस्ययम् त्वदधिजायताम् ।
 अग्नये वैश्वानराय सुवर्गाय लोकाय स्वाहा ॥ 10 (15)

(अवशीयताञ् - सधस्थे पञ्च च) (A4)

4.1.5 अनुवाकम् - 5

T.A.4.5.1

आया॑तु दे॒वः सु॒मना॑भि-रू॒तिभिर्-य॒मो ह॑वेह प्र॒यता॑भिर॒क्ता ।
 आसी॑दता॒ सुप्र॑यतेह ब॒र्हिष्यूर्जा॑य जा॒त्यै म॑म श॒त्रुह॑त्यै ॥
 यमे॑ इ॒व यत॑माने यदै॒तम् प्र॑वाम्भ॒रन् मानु॑षा दे॒वय॑न्तः । आसी॑दत॒
 स्व॑मु॒ लोक॑म् वि॒दाने॑ स्वा॒सस्थे॑ भ॒वत॑मि॒न्दवे॑ नः । य॒माय॑ सोम॒
 सु॒नुत॑ य॒माय॑ जुहु॒ता ह॑विः । य॒मं ह॑ य॒ज्ञो ग॑च्छत्य॒ग्निदू॑तो
 अ॒रङ्क॑तः । य॒माय॑ घृ॒तव॑द्ध॒विर्जु॑होत प्र च तिष्ठत ।
 स नो॑ दे॒वेष्व॑य॒मद्-दी॒र्घमा॑युः प्र जी॒वसे॑ ॥ य॒माय॑ म॒धुम॑त्त॒मं राज्ञे॑
 ह॒व्यम् जु॑होतन । इ॒दम् न॑म ऋ॒षिभ्यः॑ पूर्॒वजे॑भ्यः पूर्॒वेभ्यः॑
 प॒थिकृ॑द्भ्यः । 11 (10)

T.A.4.5.2

योऽस्य॑ कौ॒ष्ठ्य ज॑गतः पा॒र्थिव॑स्यै॒क इ॒द्वशी॑ । य॒मम् भ॑ङ्ग्यश्र॒वो गाय॑
 यो राजा॑ऽन॒परो॑द्ध्यः । य॒मम् गाय॑ भ॒ङ्ग्यश्र॒वो यो राजा॑ऽन॒परो॑द्ध्यः ।
 येना॑पो नद्यो ध॒न्वानि॑ येन द्यौः पृ॒थि॒वी दृ॑ढा । हि॒रण्य॑कक्ष्यान्-

थ्सुधुरान्. हिरण्याक्षा-नयश्शफान् । अश्वा-ननश्यतो दानम् यमो
 राजाऽभितिष्ठति । यमो दाधार पृथिवीं यमो विश्वमिदम् जगत् ।
 यमाय सर्वमित्त्रस्थे यत् प्राणद्-वायुरक्षितम् । यथा पञ्च यथा षड्
 यथा पञ्च दशर्षयः । यमम् यो विद्याथ्स ब्रूयाद्यथैक
 ऋषिर्विजानते । 12 (10)

T.A.4.5.3

त्रिकट्टुकेभिः पतति षडुर्वी-रेकमिद्-बृहत् । गायत्री त्रिष्टुच्छन्दांसि
 सर्वा ता यम आहिता । अहरहर्नयमानो गामश्चम् पुरुषम् जगत् ।
 वैवस्वतो न तृप्यति पञ्चभिर्मानवैर्यमः । वैवस्वते विविच्यन्ते यमे
 राजनि ते जनाः । ये चेह सत्येनेच्छन्ते य उ चानृतवादिनः ।
 ते राजन्निह विविच्यन्तेऽथा यन्ति त्वामुप ।

देवाश्च ये नमस्यन्ति ब्राह्मणाश्चापचित्यति । यस्मिन् वृक्षे
 सुपलाशे देवैः संपिबते यमः । अत्रा नो विश्वपतिः पिता पुराणा
 अनुवेनति () । 13 (10)

(पथिकृद्भ्यो - विजानते - ऽनुवेनति) (A5)

4.1.6 अनुवाकम् - 6

T.A.4.6.1

वै॒श्वान॑रे॒ ह॒विरि॑दम् जु॒होमि॑ सा॒हस्र॑-मु॒थ्सꣳ श॒तधा॑रमे॒तम् । तस्मि॑न्नेष
 पि॒तर॑म् पि॒ताम॑हम् प्र॒पिता॑महम् बि॒भरत्॑ पि॒न्वमा॑ने । द्र॒फ्सश्च॑स्क॒न्द
 पृथि॑वीम॒नु द्या॑मि॒मञ्च॑ यो॒निम॑नु॒ यश्च॑ पूर्॒वः । तृ॒तीय॑म् यो॒निम॑नु
 सञ्च॑रन्तम् द्र॒फ्सम् जु॒होम्य॑नु॒ सप्त॑ हो॒त्राः ॥ इ॒मꣳ स॑मु॒द्रꣳ
 श॒तधा॑रमु॒थ्सम् व्य॑च्यमानम् भु॒वन॑स्य म॒ध्ये ॥ घृ॒तम् दु॒हाना॑मदि॒तिम्
 ज॒नाया॑ग्ने॒ मा हि॑सीः॒ पर॑मे॒ व्यो॑मन् । अ॒पेत॑ वी॒त वि॑ च॒ सर्प॑तातो
 येऽत्र॑ स्थ॒ पुरा॑णा॒ ये च॑ नू॒तनाः॑ । अ॒होभि॑रद्भि-र॒क्तुभि॑र्-व्य॒क्तम् य॑मो
 ददा॑-त्व॒वसान॑म॒स्मै । स॒वितै॑तानि॒ शरी॑राणि॒ पृथि॑व्यै॒ मातु॑रु॒पस्थ॑
 आ॒दधे॑ । तेभि॑र्-यु॒ज्यन्ता॑-म॒घ्नियाः॑ । 14 (10)

T.A.4.6.2

शु॒नम् वा॑हाः शु॒नम् ना॑राः शु॒नम् कृ॑षतु॒ लाङ्ग॑लम् । शु॒नम् व॑र॒त्रा
 ब॒द्ध्यन्ता॑ꣳ शु॒न-म॑ष्ट्रा-मु॒दिङ्ग॑य शु॒नासी॑रा शु॒नम॑स्मा॒सु ध॑त्तम् ।
 शु॒नासी॑रावि॒माम् वा॑चम् य॒द्-दि॒वि च॑क्रथुः॒ पयः॑ ।

तेने॒मा-मु॒पसिञ्च॑तम् । सी॒ते व॒न्दाम॑हे त्वाऽर्वा॑ची सु॒भगे॑ भव ।
यथा॑ नः सु॒भगा स॑सि यथा॑ नः सु॒फला स॑सि । स॒वितै॑तानि शरी॑राणि
पृथि॑व्यै मा॒तुरु॑पस्थ आ॒दधे॑ । तेभि॑रदिते श॒म् भव॑ ।
विमु॑च्यध्व-म॒घ्निया॑ दे॒वयाना॑ अ॒तारि॑ष्म त॒मस॑स्पार॒मस्य॑ ।
ज्योति॑रापाम सु॒वर॑गन्म () । 15 (10)

T.A.4.6.3

प्र वा॒ता वा॑न्ति प॒तय॑न्ति वि॒द्युत॑ उ॒दोष॑धीर्जि॒हते॑ पि॒न्वते॑ सु॒वः ।
इ॒रा वि॑श्वस्मै भु॒वना॑य जा॒यते॑ यत् प॒र्जन्यः॑ पृथि॒वीꣳ रे॒तसा॑ऽवति ।
यथा॑ य॒माय॑ हा॒र्म्य-म॑व॒पन् पञ्च॑मा॒नवाः॑ । ए॒वम् व॑पामि हा॒र्म्यम्
यथा॑ऽसाम जी॒वलो॑के भू॒रयः॑ । चि॒तः स्थ॑ परि॒चित ऊ॑र्ध्व॒चितः॑
श्रय॑ध्वम् पि॒तरो॑ दे॒वता॑ ॥ प्र॒जाप॑तिर्वः सा॒दय॑तु॒ तया॑ दे॒वतया॑ ।
"आ॑ प्या॒यस्व{41}" "सम् ते॑{42}" । 16 (7)

(अ॒घ्निया॑ - अ॒गन्म॑ - +स॒प्त च॑) (A6)

4.1.7 अनुवाकम् - 7

T.A.4.7.1

उ॒त्ते॑ त॒भ्नो॑मि॒ पृथि॑वीम् त्वत्प॒री॒मम् ॑ लो॒कम् नि॒दध॑न्मो अ॒ह॒ꣳ रि॑षम् ।
 ए॒ताꣳ स्था॑णाम् पि॒तरो॑ धा॒रय॑न्तु तेऽत्रा॒ यमः॑ सा॒दना॑त्ते मि॒नोतु॑ ।
 उ॒प॒स॒र्प॑ मा॒तर॑म् भूमि॒मे॒ता-मु॑रु॒व्यच॑सम् पृथि॒वीꣳ सु॑शे॒वाम् ॑ ।
 ऊ॒र्णम्र॑दा यु॒वति॑र् दक्षि॒णाव॑त्येषा त्वा पा॒तु नि॒र्ऋ॑त्या उ॒प॒स्थे ॑ ।
 उ॒च्छ॑मञ्च॒स्व पृथि॑वि॒ मा वि॑बा॒धि॒थाः सू॒पा॒य॒नाऽस्मै॑ भव॒ सू॒प॒वञ्च॑ना ।
 मा॒ता पु॒त्रम् य॑था सि॒चाऽभ्ये॑नम् भूमि॒ वृणु॑ । उ॒च्छ॑मञ्च॒माना॑
 पृथि॑वी हि तिष्ठ॒सि स॒हस्र॑म॒मित॒ उप॒ हि श्र॑यन्ताम् । ते गृ॒हासो॑
 मधु॑श्रु॒तो वि॒श्वाहा॑स्मै श॒रणाः॑ सन्त्व॒त्र । ए॒णी॒र्धा॒ना ह॑रि॒णी॒रर्जु॑नीः
 सन्तु॑ धे॒नवः॑ । ति॒ल॒व॒थ्सा ऊ॒र्ज॑म॒स्मै दु॒हा॒ना वि॒श्वाहा॑
 स॒न्त्वन॑प॒स्फुर॑न्तीः । 17 (10)

T.A.4.7.2

ए॒षा ते॑ य॒मसा॑दने॒ स्वधा॑ नि॒धी॒यते॑ गृ॒हे । अ॒क्षि॑ति॒र्नामि॑ ते अ॒सौ ।
 इ॒दम् पि॒तृभ्यः॑ प्र॒भरे॑म॒ बर्हि॑र् दे॒वेभ्यो॑ जी॒वन्त॑ उ॒त्तर॑म् भ॒रेम॑ ।

तत्त्वमारोहासो मेध्यो भवम् यमेन त्वम् यम्या सम्विदानः ।
 मा त्वा वृक्षौ संबाधिष्ठाम् मा माता पृथिवि त्वम् । पितृन् हि यत्र
 गच्छास्येधासम् यमराज्ये ॥ मा त्वा वृक्षौ संबाधेथाम् मा माता
 पृथिवी मही । वैवस्वतः हि गच्छासि यमराज्ये विराजसि ।
 नळम् प्लवमारोहैतम् नळेन पथोऽन्विहि । स त्वम् नळप्लवो भूत्वा
 सन्तर प्रतरोत्तर । 18 (10)

T.A.4.7.3

सवितैतानि शरीराणि पृथिव्यै मातुरुपस्थ आदधे । तेभ्यः पृथिवि
 शम् भव । षड्ढोता सूर्यम् ते चक्षुर् गच्छतु वातमात्मा द्याम् च गच्छ
 पृथिवीम् च धर्मणा । अपो वा गच्छ यदि तत्र ते हितमोषधीषु
 प्रतितिष्ठा शरीरैः । परम् मृत्यो अनु परेहि पन्थाम् यस्ते स्व इतरो
 देवयानात् ॥ चक्षुष्मते शृण्वते ते ब्रवीमि मा नः प्रजाः रीरिषो मोत
 वीरान् । शम् वातः शः हि ते घृणिः शम् ते सन्त्वोषधीः ।
 कल्पन्ताम् मे दिशः शग्माः । पृथिव्यास्त्वा लोके सादयाम्यमुष्य
 शर्मासि पितरो देवाता () । प्रजापतिस्त्वा सादयतु तथा देवतया ।

तैत्तिरीय आरण्यकं— पितृमेधमन्त्राः —(TA 4)

अन्तरिक्षस्य त्वा दिवस्त्वा दिशाम् त्वा नाकस्य त्वा पृष्ठे ब्रध्नस्य त्वा
विष्टपे सादयाम्यमुष्य शर्मासि पितरो देवता ॥ प्रजापतिस्त्वा सादयतु
तया देवतया । 19 (12)

(अनपस्फुरन्ती - रुत्तर - देवतया द्वे च) (A7)

4.1.8 अनुवाकम् - 8

T.A.4.8.1

अपूपवान् घृतवाञ्छ्वरुरेह सीदतूत्तभ्नुवन् पृथिवीम् द्यामुतोपरि ।
योनिकृतः पथिकृतः सपर्यत ये देवानाम् घृतभागा इह स्थ । एषा ते
यमसादने स्वधा निधीयते गृहेऽसौ । दशाक्षरा ताञ् रक्षस्व ताम्
गोपायस्व ताम् ते परि ददामि तस्याम् त्वा मा दधन् पितरो देवता ॥
प्रजापतिस्त्वा सादयतु तया देवतया । अपूपवाञ्छ्वृतवान्-क्षीरवान्-
दधिवान्-मधुमाञ्छ्वरुरेह सीदतूत्तभ्नुवन्-पृथिवीम् द्यामुतोपरि ।
योनिकृतः पथिकृतः सपर्यत ये देवानाञ् शृतभागाः क्षीरभागा
दधिभागा मधुभागा इह स्थ । एषा ते यमसादने स्वधा निधीयते
गृहेऽसौ । शताक्षरा सहस्राक्षरा-ऽयुताक्षरा-ऽच्युताक्षरा ताञ् रक्षस्व

ताम् गोपायस्व ताम् ते परिददामि तस्याम् त्वा मा दभन् पितरो
देवता ॥ प्रजापतिस्त्वा सादयतु तथा देवतया । 20 (10)

(अपूपवानसौ दश) (A8)

4.1.9 अनुवाकम् - 9

T.A.4.9.1

एतास्ते स्वधा अमृताः करोमि यास्ते धानाः परिकिराम्यत्र ।
तास्ते यमः पितृभिः सम्विदानोऽत्र धेनूः कामदुघाः करोतु ।
त्वामर्जुनौषधीनाम् पयो ब्रह्माण इद्विदुः । तासाम् त्वा मध्यादाददे
चरुभ्यो अपिधातवे । दूर्वाणां स्तम्बमाहरैताम् प्रियतमाम् मम ।
इमाम् दिशम् मनुष्याणाम् भूयिष्ठाऽनु वि रोहतु । काशानां
स्तम्बमाहर रक्षसामपहत्यै । य एतस्यै दिशः पराभवन्नघायवो यथा
ते नाभवान् पुनः । दर्भाणां स्तम्बमाहर पितृणामोषधीम् प्रियाम् ।
अन्वस्यै मूलम् जीवादनु काण्डमथो फलम् । 21 (10)

T.A.4.9.2

"लोकम् पृण{43}" "ता अस्य सूददोहसः{44}" । शम् वातः
शहि ते घृणिः शमु ते सन्त्वोषधीः । कल्पन्ताम् ते दिशः सर्वाः ।

इ॒दमे॒व मे॒तोऽप॒रामा॑र्ति॒माराम॑ काञ्चन । तथा तद॒श्विभ्या॑म् कृ॒तम्
मि॒त्रेण॑ वरु॒णेन॑ च । वर॒णो वा॑रयादि॒दम् दे॒वो व॒नस्प॑तिः । आ॒र्त्यै
नि॒र्ऋ॒त्यै द्वेषा॑च्च व॒नस्प॑तिः । वि॒धृति॑रसि वि॒धारया॑स्मद॒घा द्वेषा॑सि
श॒मि श॑मयास्मद॒घा द्वेषा॑सि यव॒ यवया॑स्मद॒घा द्वेषा॑सि । पृ॒थि॒वीम्
ग॒च्छान्तरि॑क्षम् गच्छ॒ दि॒वम् गच्छ॑ दि॒शो गच्छ॑ सु॒वर्ग॑च्छ सु॒वर्ग॑च्छ
दि॒शो गच्छ॑ दि॒वम् ग॒च्छान्तरि॑क्षम् गच्छ॒ पृथि॑वीम् ग॒च्छापो॑ वा गच्छ॒
यदि॑ तत्र॒ ते हि॒तमोष॑धीषु॒ प्र॒ति॒तिष्ठा॑ शरी॒रैः ।

"अ॒श्मन्व॑ती रे॒वती॑र्{43}" "यद्वै दे॒वस्य॑ स॒वितुः॑ प॒वि॒त्रम्{44}"

"या॑ रा॒ष्ट्रात्प॒न्ना{45}" "दु॒द्वय॑म् त॒मस॑स्परि{46}"

धा॒ता पु॑नातु{47}" () । 22 (10)

(अथो॑ फ॒लम् – धा॒ता पु॑नातु) (A9)

4.1.10 अनु॒वाक॑म् – 10

T.A.4.10.1

आ॒रो॒ह॒तायु॑र्-ज॒रस॑म् गृ॒णाना॑ अनु॒पूर्व॑म् यँत॒माना॑ यतिष्ठ ।
इ॒ह त्व॑ष्टा सु॒जनि॑मा सु॒रत्नो॑ दी॒र्घमा॑युः क॒रतु॑ जी॒वसे॑ वः ।

यथाऽहान्यनुपूर्वम् भवन्ति यथर्तव ऋतुभिर्-यन्ति क्लृप्ताः ।
 यथा न पूर्वमपरो जहात्येवा धातरायूष्णि कल्पयैषाम् ।
 न हि ते अग्ने तनुवै क्रूरम् चकार मर्त्यः । कपिर्-बभस्ति तेजनम्
 पुनर्जरायु गौरिव । अप नः शोशुचदघमग्ने शुशुध्या रयिम् ।
 अप नः शोशुचदघम् मृत्यवे स्वाहा । अनड्वाह-मन्वारभामहे
 स्वस्तये । स न इन्द्र इव देवेभ्यो वह्निः संपारणो भव । 23 (10)

T.A.4.10.2

इमे जीवा विमृतैराववर्-तिन्नभूद्-भद्रा देवहृतिम् नो अद्य ।
 प्राञ्जोऽगामा नृतये हसाय द्राघीय आयुः प्रतराम् दधानाः ।
 मृत्योः पदम् योपयन्तो यदैम द्राघीय आयुः प्रतराम् दधानाः ।
 आप्यायमानाः प्रजया धनेन शुद्धाः पूता भवथ यज्ञियासः ।
 इमम् जीवेभ्यः परिधिम् दधामि मा नो नु गादपरो अर्धमेतम् ।
 शतम् जीवन्तु शरदः पुरूचीस्तिरो मृत्युम् दद्महे पर्वतेन ।
 इमा नारीरविधवाः सुपत्नीराञ्जनेन सर्पिषा समृशन्ताम् ।

तैत्तिरीय आरण्यकं— पितृमेधमन्त्राः —(TA 4)

अ॒न॒श्र॒वो॑ अ॒न॒मी॒वाः॑ सु॒शो॒वा आ॒रो॒ह॒न्तु॑ ज॒न॒यो यो॒नि॒म॒ग्रे॑ । यदा॒ञ्ज॒न॒म्
त्रै॒क॒कु॒द॒म् जा॒त॒ः हि॒म॒व॒त॒स्परि॑ । ते॒ना॒मृ॒त॒स्य॑ मू॒ले॒ना॒रा॒तीर्—
ज॒म्भ॒या॒म॒सि॑ () । यथा॒ त्व॒—मु॒द्भि॒न॒थ्—स्यो॑ष॒धे पृ॒थि॒व्या अ॒धि॑ ।
ए॒व॒मि॒म उ॒द्भि॒न्द॒न्तु॑ की॒र्त्या॑ य॒श॒सा ब्र॒ह्म॒व॒र्च॒से॒न॑ ।
अ॒जो॑ऽस्य॒जा॒स्म॒द॒घा द्वेषा॑ऽसि॒ यवो॑ऽसि॒ यव॒या॒स्म॒द॒घा
द्वेषा॑ऽसि । 24 (13) (भव॒—ज॒म्भ॒या॒म॒सि॑ त्री॒णि॑ च) (A10)

4.1.11 अनुवाकम् - 11

T.A.4.11.1

अप॑ नः शो॒शु॒च॒द॒घ॒म॒ग्ने॑ शु॒शु॒द्ध्य॒ा र॒यि॒म् । अप॑ नः शो॒शु॒च॒द॒घ॒म् ।
सु॒क्षे॒त्रि॒या सु॒गा॒तु॒या व॒सू॒या च॑ य॒जाम॑हे । अप॑ नः शो॒शु॒च॒द॒घ॒म् ।
प्र॒ यद्—भ॒न्दि॒ष्ठ ए॒षाम्॑ प्रा॒स्मा॒का॒सश्च॑ सू॒र॒यः॑ । अप॑ नः शो॒शु॒च॒द॒घ॒म् ।
प्र॒य॒द॒ग्नेः॑ स॒ह॒स्व॒तो वि॒श्व॒तो॒ यन्ति॑ सू॒र॒यः॑ । अप॑ नः शो॒शु॒च॒द॒घ॒म् ।
प्र॒य॒त्ते॑ अ॒ग्ने सू॒र॒यो जा॒ये॒म॒हि प्र॑ ते॒ व॒य॒म् ।
अप॑ नः शो॒शु॒च॒द॒घ॒म् । 25 (10)

T.A.4.11.2

त्व॑ हि विश्वतो॑मुख विश्वतः॑ परिभूर॑सि । अप॑ नः शोशु॑चदघम् ।
द्विषो॑ नो विश्वतो॑मुखाति॑ नावेव॑ पारय॑ । अप॑ नः शोशु॑चदघम् ।
स नः॑ सिन्धु॑मिव॑ नावया॑ति पर्षा॑ स्वस्तये॑ । अप॑ नः शोशु॑चदघम् ।
आपः॑ प्रवणा॑दिव॑ यती-रपा॑स्मथ्-स्यन्दता॑मघम् ।
अप॑ नः शोशु॑चदघम् । उद्व॑ना-दुद॑कानीवापा॑स्मथ्-स्यन्दता॑मघम् ।
अप॑ नः शोशु॑चदघम् () । आन॑न्दाय॑ प्रमो॑दाय॑ पुन॑रागा॑ स्वान्गृ॑हान् ।
अप॑ नः शोशु॑चदघम् । न वै॑ तत्र॑ प्रमी॑यते गौर॑श्चः पुरु॑षः पशुः॑ ।
यत्रे॑दम् ब्र॑ह्म क्रि॑यते परि॑धिर्जी॑वनाय॑ कमप॑ नः शोशु॑चदघम् । 26 (14)

(अघ - मघम् चत्वारि च) (A11)

4.1.12 अनुवाकम् - 12

T.A.4.12.1

अप॑श्याम॑ युव॑ति-मा॑चर॑न्तीम् मृ॒ताय॑ जी॒वाम् परि॑णीय॑मानाम् ।
अन्धे॑न या॑ तम॑सा प्रा॒वृता॑ऽसि प्रा॒चीम॑वाची-मव॑यन्-नरि॑ष्व्यै ।
मयै॑ताम् मा॑ऽस्ताम् भ्रि॒यमा॑णा दे॒वी सती॑ पितृ॑लोकम् च॑दैषि॑ ।
विश्व॑वारा॑ नभ॑सा सम्॑व्यम्यन्त्यु॒भौ नो॑ लोकौ॑ पय॑साऽऽवृ॑णीहि॑ ।

तैत्तिरीय आरण्यकं— पितृमेधमन्त्राः —(TA 4)

रयि॑ष्ठाम॒ग्निम् मधु॑मन्त॒मूर्मि॑णमूर्जः॒ सन्त॑म् त्वा पय॒सोप॑ स॒सदे॑म ।
स॒स॒रय्या॑ समु॒ वर्च॑सा सच॒स्वा नः॑ स्वस्तये॑ ॥ ये जी॒वा ये च॑ मृ॒ता
ये जा॒ता ये च॑ जन्त्याः॑ ॥ तेभ्यो॑ घृ॒तस्य॑ धारयितु॒म् मधु॑धारा व्युन्दती ।
माता॑ रु॒द्राणा॑म् दुहि॒ता वसू॑ना॒ स्वसा॑ऽऽदित्याना॒म-मृ॑तस्य नाभिः ।
प्रणु॑वोचम् चि॒कितु॑षे जना॒य मा॑ गामना॒गाम॑दितिम् वधि॑ष्ट () ।
पिब॑तू॒दक॑म् तृणान्यत्तु । ओमु॑थ् सृ॒जत । 27 (12)

(वधि॑ष्ट द्वे च) (A12)

Prapaataka Korvai with starting Padams of 1 to 12 Anuvaakams :-

(परे॑युवा॒सम् प्र॑ वि॒द्वान् भु॒वन॑स्याभ्याव वृ॒थ्स्वा जो॑ भा॒गोऽय॑म् वै
चतु॑श्चत्वारि॒शत् । य ए॒तस्य॑ त्वत् पञ्च । प्र॒के॒तु॒ने॒दन्ते॑ नाके
सु॒पर्ण॑म् यौ ते ये यु॒ध्यन्ते॑ तपसाऽऽमन्वती रेवतीः
स॒र॒भ॒ध्वम॑ष्टावि॒शतिः॑ । यं ते यत्त॑ उत्ति॒ष्ठात॑ इ॒दन्त॑ उत्ति॒ष्ठ
प्रे॒ह्यश्म॑न्. यद्वा उ॒द्वय॑मयम् पञ्चवि॒शतिः॑ । आया॑तु त्रि॒शत् ।

तैत्तिरीय आरण्यके चतुर्थः प्रपाठकः - (TA 4)

वैश्वानरे तस्मिन् द्रप्स इममपेताहोभिर् युज्यन्तामघ्निया अदिते पारम्
व आ प्यायस्व सप्तविंशतिः । उक्ते गृहेऽखाषितिस्तेभ्यः पृथिव्या
अन्तरिक्षस्य द्वात्रिंशत् । अपूपवानसौ दश शत दश । एतास्ते ते
दिशः सर्वा इदमश्मन् विंशतिः । ओरोहत तनुवै क्रूरम् चकार
पुनर्मृत्यवे मा नो नु गाद् दद्मह इमा नारीः परि त्रयोविंशतिः ।
अप नः सुक्षेत्रिया प्र यद्भन् दिष्टः प्र यदग्नेः प्र यत्ते अग्ने त्वं हि
द्विषः स नः सिसन्धुमापः प्रवणादुद् वनादानन्दाय न वै तत्र यत्रेदम्
चतुर्विंशतिः । अपश्यामावृणीहि द्वादश द्वादश ।)

Korvai with starting Padams of 1, 11, 21 Series of Dasinis :-

(परेयुवाँस - माया - त्वेतास्ते सप्तविंशतिः)

First and Last Padam in TA, 4th Prapaatakam :-

(परेयुवाँस - मोमुथ्सृजत)

। हरिः ओम् ।

। कृष्ण यजुर्वेदीय तैत्तिरीय ब्राह्मणे आरण्यके चतुर्थः प्रपाठकः

समाप्तः ।

=====

Appendix (of expansions)

T.A.4.4.2 – अश्मन्वती रेवतीर{36}" "यद्वै देवस्य सवितुः

पवित्रम्{37}" "या राष्ट्रात् पन्ना{38}" "दुद्वयम् तमसस्परि{39}"

"धाता पुनातु{40}"

अश्मन्वती रेवतीः सञ् रभध्व मुत्तिष्ठत प्रतरता सखायः ।

अत्रा जहाम ये असन्नशेवाः शिवान् वयमभि वाजानुत्तरेम ॥ {36}

(Appearing in T.A.4.3.2)

यद्वै देवस्य सवितुः पवित्रञ् सहस्रधारम् विततमन्तरिक्षे । येनापुना

दिन्द्रमनार्त-मात्यै तेनाहम् माञ् सर्वतनुम् पुनामि ॥ {37}

(Appearing in T.A.4.3.3)

या राष्ट्रात् पन्नादप यन्ति शाखा अभिमृता नृपतिमिच्छमानाः ।

धातुस्ताः सर्वाः पवनेन पूताः प्रजयाऽस्मान्-रय्या वर्चसा

सञ्सृजाथ ॥ {38} (Appearing in T.A.4.3.3)

उद्वयम् तमसस्परि पश्यन्तो ज्योतिरुत्तरम् । देवम् देवत्रा सूर्यमगन्म
ज्योतिरुत्तमम् ॥ {39} (Appearing in T.A.4.3.3)

धाता पुनातु सविता पुनातु । अग्नेस्तेजसा सूर्यस्य वर्चसा ॥ {40}
(Appearing in T.A.4.3.3)

T.A.4.6.3 - "आ प्यायस्व{41}" "सम् ते{42}"

आ प्यायस्व समेतु ते विश्वतः सोम वृष्णियं ।
भवा वाजस्य सङ्गथे ॥ {41}

सं ते पयाञ्सि समु यन्तु वाजाः सं वृष्णिया-न्यभिमातिषाहः ।
आप्यायमानो अमृताय सोम दिवि श्रवाञ्स्युत्तमानि धिष्व ॥ {42}
(Both {41} and {42} appearing in TS 4.2.7.4)

T.A.4.9.2 - "लोकम् पृण{43}" "ता अस्य सूददोहसः{44}"

लोकं पृण छिद्रं पृणार्थो सीद शिवा त्वं ।
इन्द्राग्नी त्वा बृहस्पतिरस्मिन् योनावसीषदन् ॥ {43}

तैत्तिरीय आरण्यकं— पितृमेधमन्त्राः –(TA 4)

ता अस्य सूददोहसः सोमः श्रीणन्ति पृश्नयः ।

जन्मन् देवानां विशस्त्रिष्वा रोचने दिवः ॥ {44}

(Both {43} and {44} appearing in TS 4.2.4.4)

T.A.4.9.2 – "अश्मन्वती रेवतीर{45}"

"यद्वै देवस्य सवितुः पवित्रम्{46}" "या राष्ट्रात्पन्ना{47}"

"दुद्वयम् तमसस्परि{48}" धाता पुनातु{49}"

{45} is same as (36) above, {46} is same as (37) above

{47} is same as (38) above. {48} is same as (39) above

{49} is same as (40) above

Details of Dasini & Vaakyams for – Prapaatakam 4 – TA 4

	Dasini	Vaakyams
Anuvakam 1	4	44
Anuvakam 2	1	5
Anuvakam 3	3	28
Anuvakam 4	2	25
Anuvakam 5	3	30
Anuvakam 6	3	27
Anuvakam 7	3	32

तैत्तिरीय आरण्यके चतुर्थः प्रपाठकः - (TA 4)

Anuvakam 8	1	10
Anuvakam 9	2	20
Anuvakam 10	2	23
Anuvakam 11	2	24
Anuvakam 12	1	12
Total →	27	280

<u>Total as per grantha books</u> anuvaakam 21	27	Not given
---	----	-----------